

quod ipse vocat Ornithogalon maius, Clusius obseruauit.
Non itaque omnis fert omnia tellus. Turci vocant Giul catamer lalè.

Narcissus Constantinopolitanus, quem Ziden Sari vocant, iam demum ab amico ex illis locis trāsmisssus, bulbo anguloso, nec admodum oblongo, tunica tenui nigra vestito, cuius florem proximo anno expecto, vt & aliorum, quos simul accepi nomine Zirimcada Catamer floribus albis & luteis.

Narcissus albus maior & minor.

Narcissus iuncifolius maior & minor, odoratissimo flore, vterq; hyemis acrioris impatiens.

Narcissus luteus præcox & serotinus, flore dupli & multiplici.
Codiaminum Plinius quorundam ob nolæ formam.

Narcissus ex luteo pallidus, flore pleno, nullo intus calice.

Narcissus luteus polyanthus, id est, plures vno caule flores gerens, futili afferuandus, brumæ sauitia impatientissimus.

Narcissus autumnalis luteus, Clusio in Hisp. Lirion Theoph.

Narcissus Persicus Clusii in Pann. Hic lubentius quam ille frigori nostro assuefecit.

Nasturtium tam latifolium quam nostras. Aqua huius stillatitia pota sanguinis reiectionibus prodeesse traditur ab Alexandro Benedicto. Semen eius contra vermes recte usurpatum. Idem contusum & in vino exhibitum feliciter datur in casu & sanguine concreto, vt sudor inde excitetur, quod usitatum esse in Austria & Vngaria Dom. Clusius in suis obseru. Pannonicis annotauit. Semina quædam vetusta, vt Nasturtij, Apij, &c. celerius nascuntur quam recentia, quod est Theophrastus annotauit. Cibus fuit Persarum, vt appareat ex Xenoph. Cyri παθέα. Lubentur Nasturtium edere apud Comicos, qui parum animi habent.

Nasturtium Indicum Dodonei, cuius descriptio apud eūdem, nec non apud Lobelium & Costam, qui cruentum florem inscri-

bit, legi potest; denique etiam in Lugdunensi herbario. Ionom
verò ex ipsa planta, qualis mihi nata fuit, affabre depi-
ctam cum aliis modo damus.

Nepa, sic Scorpium vertit apud Theophrastum Theodorus, in
fictilibus asseruanda. In Gallia & Hispania frequens.

Nepeta, & minor species dicta Nepetella.

Nepeta Germanica, Gattaria vulgo; quia Feles ea herba plurimū
delectantur, quod non semel obseruauimus. Huius deco-
ctū in suffocatione matricis, vt & herbæ olfactus plurimum
conducit. Prioris vero usus in pellenda seacie, si ex ea in aqua
decocta, loca sēpe foueantur.

Nerion siue Rhododaphne, siue Rhododendrum, Oleandrum
vulgo, flore rubescente & albo. Diligenter in fictilibus asser-
uanda. Crescit copiose, vt D. Rauvvolfius obseruauit, circa
Tripolim, vbi incolæ vocant Desie, itemq; in Creta. Mirum;
inquit Plinius, Rhododendri folia quadrupedibus venenum
esse, homini vero contra serpentes præsidium, ruta adhibita
& è vino pota. In Hispania tamen huius succo sagittas nostris
temporibus infici, vt lethalia inde vulnera fiant, à multis au-
diui. Palladius iubet Nerio aditus murum sylvestrium claudi,
qui hoc flore, dū exire conantur, pereunt. Oleum ex hac plan-
ta Mesues accipit ad vnguentum Psoricum: & Auicenna cō-
tra Scabiem & asperitates cutis succum eius usurpat.

Nil, siue Anil, Egregia planta, ex qua fit Indicum in Aegypto,
Arabia & India. Semen misit doctiss. vir & medicus insignis
Lugdunensis Dalechampius. Folii prodiit glaucis, nonni-
hil representantib. Barbæ Iouis folia, sed latiorib. verum non
peruenit ad frugem. Vide Clusij annotationes in Garciam
lib. 2. de plant. historia, cap. 26.

Noli me tangere, infra Persicaria siliquosa.

Nummularia, vbiq; nota planta & ad vlcera oris & Stomacacen-
cocta in lacte caprino admodum utilis. Multum conuenire-
cum.

cum descriptione apud Theoph. q; Rubiam transstu-
lit Gaza, quāuis hæc sit planta satis nota, existimabat Anguil.
Nux auellana siue pontica, inter quas apud nos Cellenses à quo-
dam monasterio prope VVurzeburgum denominatæ aliis
præferuntur. Eorum cremer in calculo renum & ardore vri-
næ vtiliter exhibetur. Crescent etiā apud nos maiores istæ,
quas à loco vnde afferuntur, Lugdunenses vocamus.

Nuxiuglans. Huius quoq; à magnitudine & duritie corticis ali-
quot reperiuntur differētiae. Antipathia dicitur esse huius ar-
boris cum quercu, vt vna alteram nō ferat. Decerptus huius
medius cortex, præsertim vbi suceo scat et, ac arefactus tritus,
que vomitūm prouocat, idq; adhuc mitius præstant iuli eius,
qui & catuli vocantur. Hi furno siccati tusiq; a 3. s. ad 3. j. ex
cōueniente liquore aut vino albo sursum purgant, colicis do-
lorib. ac nephriticis vtiles. Alii folia in Maio tenera vel turio-
nes in aqua decoquūt, ac ad aluū moderate leniendū vtūtur.
Radices vero, tum suceus expressius vomitū & aluum satis va-
lide mouet, experientia teste, quo remedio rustici vti solent.

Aqua ex immaturis nucib. destillata vtilis est in peste. Præ-
terea commēdat Paræus Chirurgus regis in Gallia ad dissol-
uendos thrombos cōcreti sanguinis: Quidā vtuntur in malis
vicerib. tibiarū, vbi caro putrida apparet, & contra Meliceria
Celsi: quāuis de hoc vocabulo dubitetur inter doctos, ita ta-
nien rē describit, vt cū eo affectu, quē vulgo das Gliedwasser
vocat, cōuenire videatur. Hæc arbor, secundū Iul. Cæs. Scali-
gerū, exudat gummi, medicamentū aptū ad affectus renū.

Nux metel. vulgo, Stramonii Fuchsij, Pomum spinosum. Inter-
pres Theocriti ex Crateua describit Hippomanes, quod An-
guillara conijciebat, non tamen affirmabat, huic plantæ cō-
uenire. Cardanus dubitat an inter Solani differentias sit col-
locanda, cum folia suicum nigri papaveris oleant: ipsa vero
poma, si cocta edantur, delirium cum risu excitare ait.

O.

OCIMVM siue Basilicum maius quodab odore & figura foliorum citratum vocant, medium & minimum Caryophyllatum dictum, & quidem vnumquodq; album & nigrū. Alui ante aliquot annos & aliam differentiam sub nomine Basilici Indici vel potius Hispanici (sic enim ferme omnia exotica vocant) ad me ex Italia missam, serratis & crispatis folijs subcæruleis. Crispum Basilicum merito cognominaretur.

Cum plerque plantæ noctu vtilius irrigentur, ocimum tamen affusa aqua interdiu & sub solis æstu proficere plurimum solet, vnde contra aliarum plantarum naturam magis gaudet calida irrigari quam frigida, cuius rei Doctiss. Costaeus hanc assert causam: An, inquit, qā imbecilla sit planta? imbecillitatē enim id prodit, q̄ nisi frequenter irrigetur, tabescit. At contra tepor laxando corpora imbecillitatem potius auget quam minuat. Neq; ocimi imbecillitas ob caloris esse penuriam potest, in quo caliditatem vigere insignis odor persuadet. An ergo potius Ocimi imbecillitas ob laxitatem est substantiæ, cuius causa, quia profusor fit innati humoris dissipatio, propterea celeri quoque & assidua opus illi est alimenti penetratione, hæ autem fit beneficio teporis. Non est hoc profecto à vero dissimile. Sicille lib. 2. de natura stirpium cap. 9. Idem perhibet ocimum æstate tota in aqua non secus ac in terra virere, florere & semina quoq; interdum proferre, quod sane admiratione non caret. Libeth hic afferre lepidam historiam de hac planta Augustini Iustiniani Genuensis lib. 6. Franciscus Marchio Iurisconsultus missus à Genuensibus orator ad Ducem Mediolanensem, cum eum non vellet audire, nec pactis conuentis cum Rep. Genuensi stare. Captata occasione obtulit Ducim manipulum herbae Basilici. Qui admirabundus, quid sibi hoc donum vellet, quæsiuit. Cui ille respondet:

respondet: Eiusmodi proprietatem huic plantæ inesse, ut leniter & suauiter contrectata præbeat gratum odorem, nimis autem duriter compressa & attrita, tandem produceret Scorpions: atq; ita simile omnino esse ingenium Genuensium. Dux ingenioso hoc responso admodum delectatus & sententiam priorem mutauit, & legatum honorifice dimisit. Scorpiones autem sub fistilibus in quibus Basilicum colitur, libenter stabulari, saepius Venetijs obseruauit.

Ocimoides Matthioli. Vidi flore pleno in horto Electoris Heidelbergæ.

Arboreum vel fruticosum potius, folijs Myrti, splendidis, flore rubro.

Repens, itemq; Angustifolium flore rubello.

Aliud flore suave rubente ex monte Arba delatum.

Ocimoides noctiflorum, quod noctu tantum florem odoratum explicat per æstatem, autumno vero & ingruente hyeme inodorum. Item congeneres plantæ. Vide *Lychnis sylvestris*.

Odontis siue *Dentelaria*,

Odontis quorundam siue flos Cuculi apud *Tragum*. *Gauchblum* candido & rubello flore, itemq; pleno Venetijs nomine *Margarita* accepta.

Oenanthe Guillandini, semine in umbella concreto inuicem, peculiari ratione, quæ in alijs umbelliferis non quod sciam, obseruatur, tuberosa radice, folijs Apij, minutis. primo anno flores candidos protulit è semine modo nata, vix duarum vel trium unciarum plantula.

Olea ex taleis propagatur, hyeme recondenda. Hanc in crescendo cinere ē *Calcaris fornacibus* maxime adiuuari. Costæus ait esse obseruatum, alioquin lente crescit, vnde Virg. problem tardè crescentis oliuæ. Perpetuo viret vnde *dethañs*. & Ouid. Ramis semper frondentis oliuæ. Adducentos deniq; annos viuere aiunt, quare Virgil. in 2. Georg. cecinuit:

Difficiles primum terræ collesq; maligni

Palladia gaudent sylva vinacis otiua.

Insigne olim pacis fuit. Huius liquorem nimirum oleum
Plato in Menexeno ~~πέντε ἀγαθών~~, id est laborum subsidium &
adiumentum hominibus datum esse ait. Oleam ita quercum
auersari Costæus quoq; annotauit, vt in scrobe posita, in qua
quercus crevit, non viuat.

*Onopordon vel Acanthium Illyricum. Moderatas hyemes facile
sustinet, sed vehementioribus succumbit.*

*Ophioglosson, humidis pratis gaudēs, herba vulneraria. Locis um-
brosis posita in horto durat. Supra Lingua vulneraria Cordi.
Ophrys Pliniū, vide Bifolium.*

*Opuntia, vulgo habita, quamuis diuersa videri possit à Theo-
phrasti Opuntia. Ut Plinius vertit, herba est Opuntia etiam
homini dulcis, mirumq; è folio eius radicem fieri & nasci sic
etiam. Tune siue Tunas Indis, Anapallus Bellonij. Aliqui in
Italia referunt ad Palam Plinij, haud scio quā recte. In insulis
Perunianis & potissimum Hispaniola, sponte crescit. Trans-
lata in Hispaniam, Italiam & Galliam fructus etiam matu-
ros profert, sed apud nos optime munienda cum facile pu-
trefascat & frigoris sit impatiens, nec tamen etiam loca nimis
occlusa ferat. Mirum enasci plantam hanc ex semine durissi-
mo. Prodiit nobis hoc anno, quo hæc exarabamus, decimo
sesto die à satu, maturius forsan proditura, nisi obstitisset fri-
gus insolitus, quo hac æstate tanquam fœuissimæ hyemis re-
liquijs interdum sumus conflictati. At alterū semen, eodem
tamen tempore cū priore terræ mandatum, tertio demum
mense erupit. Cum primum exit, folia duo crassa, mucro-
nata, rubentia ostendit, è quorum medio quasi pili candican-
tes & rubescentes simul emergunt, quos statim sequitur fo-
lium iisdem vestitum & hirsutum totum, nec latum, sed te-
res: progressu temporis paulatim in latitudinē cōprimitur,
aculeis*

aculeis rubentibus & albicantibus, mollibusq; armatum, iucundissimo sane Naturæ spectaculo. Fructus pulpa succosa & rubens est ac instar Motorum succo sanguineo manus inficit: cuius crebrior etsus vrinam eruentam efficit. Succū foliorum viceribus vetustis utiliter adhiberiaiunt.

Orchis, *Cynosorchis* & *Testiculus canis* maior, flore dilute purpurascente, siue incarnato. Medius purpureo flore, Minor guttato sanguineo. Et alius minor flosculis albis, foliis crassis nigris, radice repente, geniculata, & ybi folia emergunt, apparent pusilla rudimenta tanquam naturæ testiculos effingere conatis. Nascitur sponte in opacis sylvis, in ramentis arborū, quæ longa vetustate emarcuerunt. Ad hortos translatus durat, sed colorem acquirit magis pallidum, nec tam crassa manent folia. Mons est S. Mauritiū dictus, via qua itur Herespruccum, duobus milliaribus ab urbe distans, in cuius humidioribns partibus plures huius plantæ differentiæ periuntur.

Orchis bifolius, qui nonnunquam trifolius nascitur, vnde Fuchsio Dioscoridis Satyron esse placuit.

Orchidem flore albo, odorato, vel Spiralem C. Gemmæ ad me misit ex Silesia D. Fridericus Sebicius.

Orchis Serapini Lobeliij, Satyron basilicū aliorum, flore candido, dilute rubescente & rubello. Ex his tertium folia interdum maculis cruentis aspersa gerit, interdum sine maculis. Priora vero duo maculis in horto meo nunquam carent, nescio an alibi etiam. Odoratissimo flore minima quædam species alpina prædita est, coloris expuniceo nigricantis, quem dysentericis præbent frixum cum ouis velin puluerem redactum ex vino propinan. Radix etiam Orchidum reliquorum in vino stiptico cocta & rursum exiccata non leui successu datur in dysenteria.

Origanū Heracleoticū flosculis ex albo purpurascientib. & nonnunquam

quam candidis. Fert hyemem, nisi fuerit plane prodigia,
qualis anni præteriti.

Origanum Creticum, folio magis albicante & hirsutiore. Hyemem non bene tolerat. Puluerisatum & in iuscule exhibitum non nihil purgare obseruauit Brassau. in libr. de purgantibus.

Origanum sylvestre, flore albo, ita quidem vulgo vocatur, quod passim crescit, & potius ad Heracleoticum est referendum. Nam sylvestre quod secundum Nicandrum Diosc. describit cum vmbella anethi instar, alba tamen, Anguillara dicebat in Italia sibi non esse visum. *Origanum sylvestre* esse Cuniam Bubulam dictam Ruellius probare conatur.

Origanum onites, aliud ab eo, quod Matthiol. pingit, foliis multo candidioribus altero, flore albicante in vmbella ampliore. Planta est minus aliosfa quam *Creticum* & *Heracleoticum*. Amant ad condiendum putre falsamentum.

Origano adhuc in Illyria & Græcia vtuntur propter acrem saporem in ferculis loco aromatum. Antigonus in farragine memorabilium narrationum scribit Testudinem ubi serpem adit, *Origanum* insuper edere & quodam tempore accidisse, qui hac re obseruata origanū eo loco abstulerit; & tum testudinem eo orbatam perijisse. Idem autor Græcus addit palumbes percussas *Origanum* vulneri indere, & hoc remedium sanari. Item si Origano & Sulphure formicarum acerui obturentur, statim illas aufugere, quod etiam apud Palladium legitur. Plutarchus paulo aliter in natur. quæstionibus Testudo, inquit, ubi carnem viperæ edit, Origano herba vesicatur, quod etiam transtulit in Homiliam 9. εξαντερέω D. Basilius. Decoctum *Origani* cum *Caryophyllis* & *Sacharo* paratum plurimū singulti prodeesse cōstat. Huius etiam puluis cū paucō sale nitro vulgari & melle instar eclegmatis mistus utiliter dentib. infricatur, & reddit candidiores ac firmiores.

Origanum

Origanum tueri, proverbum est apud Suidam ex Aristophane sumptum, ab acrimonia herbae, & dicebatur de eo, qui robur & masculum animum præse ferebat.

Ornithogalum maius Italicum & alterum minus, cuius magnam copiam in pratis ad Albim fl. prope Dresden in vere reperti.

Ornithogalum serotinum, folio magis cæsio & minus pingui.

Ornithogalum Narbonense spicatum.

Ornithogalum alind spicatum, quod Dodonæus coniicit esse A-spl. odclam Bulbosum Galeni.

Luteum *Ornithogalum* habetur ea planta, quam Fuchs nominat *Bulbum Esculentum*, & passim crescit in agris.

Ornithopodium maius ex Italia missum, & minus in aruis ad Mœnum fluuium frequēs. Aliud in Heluetia circa Tigurum plurimum crescit in quadam syluula, ut Gesnerus notauit.

Oryza in aquosis locis aliquoties nobis prouenit. De cuius cultura copiose scripsit Quiqueranus Gallus in lib. de laudibus Provinciar. Difficile non nihil coquitur & tosta quidem adhuc magis, sed sic ventum cohibet. In Hispania ex farina huīus & gallinarum pectoribus elixis & incisis, cumq; saccaro & lacte lento igne coctis, & ligneo instrumento valide subactis suauissimum cibum, quem album vocant, parare solent, estq; plurimi alimenti sed paulo crassioris.

Osteocollon Absyrti Italij. *Caryophyllus parvus* in aruis apud nos repens, describitur in historia stirpium Lugdunensi. Elegans plantula, in hyemem vñq; in horto florens.

Osyris, vulgo Beluedere, & Scopæ Paduanæ. In Græcia nostro quoque tempore lingua Græca corrupta nominatur ἄξηρις.

Oxyacantha sepib. viuis idonea.

Oxyacanthus Galeni, Berberis vulgo.

Oxycoccus Valerij Cordi, Palustria Vaccinia, Moorbeer. Loco umbroso durat aliquantum, licet non admodum irriguo, sed

vere in eunte apricum odit ac tabescit. Non longe ab hac vrbe quoque prope piscinas magnas reperitur.
Oxys flore lacteo, & luteo: quæ utraq; reperitur in nostris quoq; regionib. Vocatur hic Malerfraut/quia delet maculas in lineteis albis. Aqua destillata ex vulgari planta & agrimonie simul, admodum vulneribus consert.

P.

PÆONIA sic dicta à Medico Pæone, qui ea vulneratū Plutonem ab Hercule Homero fingente, curasse perhibetur, à quo herbæ Pæoniae pro salutaribus accipiuntur, ut apud Virgil: 7. Aen: Pæonijs reuocatum herbis. Mas ad omnia efficiatior quam foemina. Aqua ex floribus de stillata simul cum radicibus, cum puluere corall. & marg. datur ante noctem ad somnia terrifica arcenda. Recentem huius radicem collo suspensam epilepticis adhuc utiliter usurpamus, q. D. Coftæus quoque affirms & verissimum esse testatur Fernelius, in pueris præsertim à se compertum. lib. n. de abditis rerum causis cap. XVI. Leuinus Lemnius ex primæ fæturae, vt loquitur, semine nigricante & orbiculari trito cū oxymelle Scyllitico & Syrupo de Stachade ac parū nucis Muscatæ fieri efficax remedium contra epilepsiam testatur.

Paeonia fæmina utraq; apud Dodonæum depicta. Crescit in summis supra Glaronam montibus. Quarum altera interdum flores habet maximos, dilute admodum rubescentes. Semen Pæoniae admodum tarde, quod ego expertus, & interdum vix intra annum prouenit: radice vero adeo restibili & fœcunda propagatur, vt eius etiam minima particula repullulet.

Paeonia polyanthos, id est flore pleno, quæ ante paucos annos apud nos est coepita coli, cuius unica planta nescio unde allata (forsitan ex Hispania) primum Antuerpiæ 12. coronatis fuit empta,

empta, nunc vero ita multiplicata est ut in omnibus ferme præcipuis hortis reperiatur. Admiratione non caret, elegansissimum hunc florem reperiri aliquando ita dense stipatum, ut in uno numerauerim quingenta folia maiora & minora. Semen ideo rarissime profert, cuius tantum unicum granum aliquando collegi. Paratur ex hisce floribus cum Saccharo Syrupus instar gemmæ rubescens, utilis ad fluxiones & Epilepsiam. Extractū similiter ad eosdē affectus recte datur. *Peonia Bysantina* flore admodum rubro instar minij, descripta à D. Clusio in observationibus Pannonicis. Turcæ nominant satis ὄμοιων, ut Anemonas quoq; Schakaik.

Est & altera *Peonia* flore pleno dilutiore & minore, cuius folia non ita sunt caduca, priore adhuc multo rario, & pro candida mihi communicata.

Peonia leucanthemos, id est flore candicante, non plane albo. habet enim aliquid rubri dilutioris aspersum. Nullum vero adhuc omnino candidum florem *Peoniae*, siue plenum siue simplicem, quamuis tam in principumq; priuatorum hortis instructioribus diligenter multis annis de illo inquisiuferim, videre contigit.

In Ida monte Cretæ nasci floribus albis *Peoniæ* & vocari vulgo Psiphedilam Bellonius scribit in suo de memorabilibus libro.

Peonia ochranthemos, id est flore pallescente, quam habui ex horto Domini mei clementiss. illustrissimi principis Landgrauij Hassiae Cassellis, cuius florem proximo anno expecto.

Peonia Hispanica siue pumila, tam foliis quam flore exiguis, nigro admodum semine.

Brasavolus in lib. de purgantib. Medicamentis disputat, quo pacto Plinius asserat radices *Peoniae* astringere atque etiā purgare. Ad quē locū remitto lectorem, nam hic omnia eiusmodi tractare nimis foret prolixum.

Palium sive Rhamnus III. *Spina Iudaica Crescentio.* Ex vetusto admodum semine prodit.

Palma ex nucleis quidem apud nos germen erumpit, sed raro ultra unam hyemem durat. Nam & Theoph. lib. 4. hist: de plantis tradit, hanc & Morum Aegyptiam quamuis apprehendent, in multis tamen locis nec fructificare nec augeri. Mirum est quod nucleus initio durissimus in terra tandem ita emolliatur, ut decorticari queat & auferri ab interiori medulla, quæ pene cartilaginis refert naturam.

Costaeus tradit semen vino maceratum citius quam alias prouenire.

Panax Heracleum. In tertium usq; annum durat in nostris hortis semenque profert maturum. Crescit in Apennino multis in locis, sicut in Alpibus Scaæ dictis non procul Bononia, & in Samnitibus ubi vocant Rampe d'orso. Verum Anguilla, quod non odorem repræsentaret Opopanaxis, nec semen esset acre aut canes hanuginosi, ut vult Dioscorides, de ea non nihil adhuc dubitabat.

Panax Asclepias hoc nomine missum, folio Feruæ tenuiore, & Fæniculi crassiore. Nascitur in Creta ubi Seseli vulgo, & in Sicilia in qua Peucedanum vocant. Quamuis haæ appellationes alijs plantis proprie conueniant.

Panax Chironium, vide supra Flos solis sive Helianthemum.

Panax Chironium Theoph. idem quod Costus Spurius Matthiolus quorundam sententia.

Pancratium. Hanc putabat Scyllam vulgarem esse Anguillara, quæ in Cephalonia vocatur Cæpa Canina.

Panicum Melfrugum secundum Dioclem, sed non Theophrasti, ut legenti huius autoris verba manifesta appetat.

Panicum sylvestre.

Panicum Indicum cæruleum, aprico loco serendum, alioquin perficitur.

PAPANEI

Papaver cornutum sive corniculatum floribus luteis. Ex semine se semirifice in nostris hortis propagat. Alterum florib. rubris maiore indiget cultura, quod primo anno floret, crescit copiose in Italia circa oppidum Frontinianum. Tertium flore purpureo, qui magis est caducus quam priorum, frequens est in Moravia & Austria multis in locis inter segetes. Omnes haec species rectius in autumno seruntur, excutiendo ex corniculis maturum semen, ut ita statim rursus terrae mandetur.

Papaver sativum (reperiuntur huius quoque genera sylvestria) variæ differentiæ, inter quas iam in nostris hortis coluntur flore pleno elegantissimi coloris, albi, rubri, purpurei & ex his mixti. Capita papaverum decutere est primates tollere in Rep. Sumptum ex historia Romana apud Ljuium & Valerium Max.

Papaver Rhœas. Huius forte fortuna aliquando inter segetes reperisse speciem flore pleno luxuriantem Dn. Clusius mihi retulit. Flores, secundum Costatum, frigi & sicci fluxiones pleuriticæ non minus siccitate absumere, quam frigiditate cohibere creduntur. In Syria circa Alepum, ubi incolæ nominant Schuck, ex floribus huius papaveris conseruam, ut vocant, eosdem parare & crebro illa in rassi vti in suo Hodœponico luculentiss. notauit CL. V. D. Rauvvolfius.

Papaver somniferum vulgare descriptum & depictum à Lobelio. Anguilla râ vero, (quamvis non omnia adeo quadrent, forsitan ob diuersitatem loci) conijciebat Gratiolam huic descriptioni non male conuenire, cum in Syria adiuc semen illius cens vomitum vocari scribat.

Parietaria supra Helxine.

Parietaria sylvestris, vt vulgo vocant, elegantissima herba, foliorum cornu carulea vel dilute rubescente vel penitus candida: flosculis, qua parte suo conceptaculo tenentur, sanguineis,

priore vero statis. Ob insignem elegantiam & colorum varietatem hortis inserenda, sed locis fruticosis, & circa sepes. Non vult enim in areis coli. Semem mature colligendum, antequam exiliat e vasculis & statim reddendum telluri, ut sponte excidat. Nudum enim si contrectetur fœcunditatem deperdere existimatur. Quidam vulnera sanare & liuores discutere arbitrantur. Sapor est subdulcis & non nihil acris simulque astrictionis alicuius particeps. Crescit passim apud nos in sylvis & aggeribus.

Paris Herba majoribus baccis quam visitata, olim falso pro *Aconito* habita. Cuius foliis in malis ulceribus. utimur. Ac sunt præterea qui affirment puluerem huius radicis datum in cœliis doloribus statim eos sedare.

Paronychia aliænes, & altera *Myagtri* folio à *Gesnero* depicta. *Thalius* in sylva Hercynia vocat *Pilosellas* siliquatas.

Parthenium vide supra *Matricaria*. Hoc saltēm hic monendum putauis, *Gazam* vertere *Muraleū* in *Theop.* lib. 7. hist. cap. 7. ubi inter olera id recenset, quæ non eduntur nisi cocta, ut & *Beta*, *Lapathū*, *Malua*, *Vrtica*. Ideoque dubitari posset ab aliquo, utrum *Parietaria*, quæ etiam muralis herba dicitur, ibi sit accipienda, an vero *Matricaria*. Sed hæc apud Italos quodam inter olera cocta comeditur & potissimum cum ouis frixa, sic enim nulla saporis fœditate offendit. De *Parietaria* vero nihil huiusmodi intellexi, quamuis & hæc dum nouella est, quemadmodum *Vrtica* quoque in olerum ysum venire posset.

Passerina *Tragi*, ex agris Franconiae inter *Herbipolim*, & *Francofurtum* copiose potest colligi.

Pastinaca sativa & *sylvestris*.

Plinius *Pastinacæ* nomine Latinis significari ait plantas quatuor. I. *Satiuam* *Lugdunensibus* *Panetz* quam *Pestinachii* vel *Welschpeterlin* vocant nostri olitores, quod præcipue Italos

Italos ea delectari sciant & Petroselini ritu cum carnibus coquatur. Eam Romani Gallicam vocabant, quod ut etiam nunc sit, in Gallia tunc passim diligentiss. coleretur. II. Agrestem in pratis nascentem, quā Hibiscum, & Malachen agrian cap. 4. lib. 20. Pratensem cap. 15 lib. 21. Lugdunens. Panetz sauvages dicunt, vulgo Ibisch/verius obiectamentum quam cibum. III. Daucum staphylinum altilem, & hortensem memoratū Gale. lib. 6. Simp. vulgo Carota, Möhren. IIII. Daucum staphylinum sylvestrem, cuius semen passim in officinis simpliciter Dauci semen audit. Germanis Vogelheit ab umbellae deflorescentis figura.

Et quoniam hæc Romano more trætauerat, subiungit, Græcos quatuor etiam Dauci genera statuere, nempe tria de scripta à Dioscoride & quartum Dioclis Daucū staphylinum quem post Ligusticum Dioscorides explicat, sylvestrem scilicet, nulla vsquam facta mentione sativū aut Pastinacæ vel sativæ vel agrestis, quasi ignotæ Græcis illæ plantæ fuerint, quamuis Staphylinum apud Diosc. interpretes vertant Pastinacam. Staphylinū tamen suum Diosc. *ἀγριον* vocat, tanquam & *ὕπερον* cognouisset. Hæc de Pastinacæ differentijs admodum eruditæ, & distinctè annotauit nuper in Plin: lib. 19 cap. 5. doctiss. Iacob Dalech: quæ in gratiam & usum studiosorum rei herbariæ hic quoq; ascribere placuit.

Pecten Veneris. Anguillara dubitat, an sit Scandix Veterum *Pentaphyllum rectum* maius & minus item Repens, & deniq; Albo flore, quod maxime conuenit cum descriptione Hipp. in lib. de Ulceribus. Reperiatur hoc postremum in Hetruria, vocantq; *Pentaphyllum argentinum*, itemq; in Illyria.

Decoctū *Pentaphylli vulgaris* instar Ligni Indici paratum utiliter exhibetur in Epilepsia, afferente hoc C. L. V. D. Ortolpho Marolto Medico doctissimo, & sudores inde cieri etiā D. Erastus annotauit. Radix huius & potissimum extractū tate parata in dysenteria commendatur.

Penta-

Pentaphyllum palustre, in palustrib. locis circa hanc urbem, flore rubro, In hortis riguis facile durat. *Heptaphyllum* potius nuncupandum à foliorum numero. Nec est quod quidā hoc ob fructus rudimentum pro fragifero Plinij habeant, qui videtur foliorum similitudine deceptus incogitanter cū pentaphyllo, quod edulem fructum nullum gignit, miscere herbam fraga ferentem lib. 25. ca. 11. vt etiam doctiss. Iacob. Da lech. annotat.

Pentaphyllum Bauaricum, in campis asperis circa Monacum frequens, Pannonicō quarto Clusij non absimile.

Peplis, in Germania, quod sciam, nō crescit, nec facile prouenit semen ex Italia missum, nisi ante hyemem seratur.

Peplis sponte nascitur in areolis, mature euellendus antequam floreat & semen, quod cito admodum perficitur, nimis late spargat. Cauendum, præsertim inter acetarias plantas ne crescat, alioquin facile fallit legentes, & non sine periculo mensæ adhibetur, vnde olitoribus Teuffelsmilch appellatur.

Pepon, si semina macerentur in rosacea moscataq; aqua, multo fiunt odoratores. Olim *Pepones* dicebantur homines effeminati. Vide supra *Melon*.

Perfoliata maior & minor, quarum posterior in agris Thuringiz nascitur max. copia. Contra i^ξεστωσιν, vulgo Überbein contusa instar Cataplasmati imposita est efficax.

Perfoliata crispa siue muscosa, ex eodem semine cum vulgari nascitur interdum, nec differt nisi multiplici florū & foliolorum tenuissimorum farctu, ac sterilis est, vt *Cannabis foemina* vulgo dicta.

Perfoliata montana Gesneri & Lugdunensium, radice perenni, feruidi & aromatici gustus, cuius iconem exhibemus in libri paginis extremis.

Perfoliata siliquosa siue maior *Tragi*, *Brassica campestris* D. Clu^{pericly}

Periclymenum Matris sylua vulgo siue Capri folium, cuius radix etiam si Dio sc. descriptioni repugnet, nihilominus tamen ex Crateua & Oribasio affirmatur conuenire, qui dicunt radicem esse densam & longam. Huius generis habui elegantiss. stirpem ex horto Illustriſ. Principis Landgrauij Hassiae Vuilehelmi &c. quod vocat *Periclymenum* *Perfoliatum* siue *Italicum* flore odorato. Et est tertium rectum dictum, cuius species est *Xylosteon Dodonaei*. In Saxonia vbi *Vulgare Periclymenum* copiose crescit, aqua eius stillatitia ad faucium & oris vitia crebro & utiliter admodum vtuntur. Rondoletius ad partus facilitandos aquam eius cum semine Lauendulae exhibet ad $\frac{2}{3}$.ij. vel $\frac{2}{3}$.iiij.

*Persicae arbore*s propter fructus differentes. Nam pulpa candida, lutea, & rubra, item magni & parui habentur. Inter quas est *Persica pumila* fructu præcoci dulci admodum & paruo, apud nos *Johannapfersich* admodum suavi sapore prædicto, Plin.lib. I. 6.cap.32. cōmemorans quod non omnia vbiq; nascantur, inter alia refert *Persica* in *Tusculano* ægre prouenire nec non nuces *Græcas* cum rædio inseri. *Perseam* cum *Persico* multi confundunt, cum tamen sint plantæ diuersissimæ, ut patet exactius consideranti descriptionem apud Dio sc. & Thephrastum. Nicandet in *Theriacis κραυγοπλάσιαις η κεφαλοχρέαις* bestiam venenatam crescere in *Perseas* foliis inquit, vbi Socratum quandam ἐν τῷ περὶ βλήτων ἦ δακτεῖν citat Scholia stes, tradentem τὴν περιστείαν ἐν ποδαρινέαν κελεύσιν, ἀπὸ αἰθιοπίας εἰς αἴγυνθον μελαστερόθιας, & Rholum Democritæum in libro περὶ συμπαθῶν χ. ἀντιπαθῶν scribentem: πέρσας ἔχοντας θανάσιμον φυτὸν, εἰς αἴγυνθον πέμψας, ὃς ἐκ τέτου πολλῶν μελλόντων αγαπεῖσθαις, τὴν δὲ ἄγαθην θοανεῖς τίναγλιον μελαβελεῖν, ποιῆσαί τοι φυτὸν καρπὸν γλυκύταλον οἵ Θραταιναῖς. Verum D. Rauvvolfius cōmemorat in suo itinerario Syriaco, Persas etiam hodierno die *Perseam* à *Persico* arbore distinguere, quamuis etiam à *Persicorum* esu abstineant, Nimrodi beneficio infecta & noxia effecta nescio qua occasione opinantes.

Arbor in herbam inseritur, teste Costeo, vt Persicus in Brassicam, quam rationem inferendi ætas nostra inuenit. De corticata Persica aliqui in vino madefaciunt, existimantes ita illorum noxæ emendari, sed hoc pacto succus iste in salubris citius in venas deducitur. Cocta vero sub cineribus cibus est delicatus. Præferuntur autem Genuensia.

Persicaria siliquosa Lobelyi, vulgo Noli me tangere, quam nescio quam ob causam ad Tithymallos refert Tragus, de qua plura apud Gesnerum in Epist. ad D. Cratonem & D. Zuingerum. In nonnullis locis vtuntur cum successu aqua destillata tanquam topico in dolorib. podagrīcī. Dodonæus si legere quis auderet pro folio siliquas, putaret ad Aeschynomenen posse referri.

Pes anserinus. Dodonæus ad atriplicem refert, & vulgo affirmant à tota substantia esse porcis venenum, quare Germanice in quibusdam locis vocatur *Schweinstodt*. Plinius lib. 9. cap. 8. Chenopodis meminit, excepta hac & rumice, apes ex omnium arborum satorumq; floribus mel configere scribens.

Petasites flore purpureo & alter albo, qui posterior statim erumpit primo vere vel citius, diligenterq; depictus est in nostris herbarijs. Dalech. Persolutam Plinij lib. 2. cap. 33. Officinarum Petasiten esse annotat & vt quidam censem Iphyum Theoph. Coronariam plantam, quæ florem edit ante folia. Petasites certe, quem marem vocant, florem edit rubrum & odoratum: alter quem foeminam appellant, candidum & inodorum. Olet vero Leucanthemos noster Petasites (quinascit in montanis locis Mishæ circa Annæbergam, vnde in hortum transtuli) subdulce nec iniucundum quippiam, quale plerique flores quos primo vere Fauoniorum flatus elicunt. Radix Petasitidis vulgaris utilis tempore pestis & præterea cuius puluis cū Zedoaria & Angelica præstans remedium in suffocatione matricis.

Petroseli-

Petroselinum, quod *Selinum* siue *Apium*, ut quidam opinantur, veterum esse minime volebat *Anguillara*, nam illud potius, ut appareat ex *Theoph.* est *Eleoselinon* siue *Paludapium*. *Petroselinum* vero nostrum vna planta cum veterum *Petroselino*, quod adhuc hodie in *Chio* vocatur *Condimentum*, quo nomine *Anguillara* in suis *Italicis* opinionibus scribit à *Crateua* quoque fuisse nominatum, ut testabantur manuscripta quædam fragmenta *Crateuæ* a scripta, quæ sèpius mihi ostendit. Verum non immerito quispiam dubitare posset, an *Crateua* σύγχρονος *Hippocratis Latinis* nominibus usus esset. In *Peloponneso* & *Zazintho* insula antiquum nomen adhuc retinet.

Petroselinum crispum.

Petroselinum Macedonicum, non fert facile nostrū cœlum, ideoq; in fistilibus asseruandum per hyemem, ac primum quarto vel quinto anno semen apud nos producit, sicuti dum hæc scriberemus, copiosissimum habuimus.

Peucedanum, Radix huius in ore retenta efficax est in suffocatione matricis. Nicander in *Theriacis* admodum probat in fungandis animalib. venenatis, ita canens:

Ναὶ μὲν τὸ Δακτάνοιο βαρὺ πεύσθε τὴν ὄδην

Θεῖ οὐ ποτέ τε καὶ ἀπόστηλα διάκει.

Phalangium maius & minus.

Phalaris. Probabile est (inquit Dalech. in Plin. annotat. lib. 22. capit. vltimo) hanc alterum melian à *Panico* diuersum esse, cuius nusquā alibi meminit idem autor. Alioquin μέλιν, ελιμο, autore *Theoph.* capite vltimo, libro septimo, vt & *Lotus*, vna voce multa significat, diuersa viribus, locis natalibus & usu cibario. Nunc enim priscis μέλιν, ελιμο est, autore etiam Galeno, libr. de Aliment. & cibis boni & mali succi. Nunc vero semen aliud est quam *Panicum* & *Milium*, vtriq; tamen simile, à colore nigro ἀπὸ τῆς μέλιας sic vocatum, non à

melleo sapore, ἀπὸ τῆς μελιτῶδες γεύσεως, quemadmodum Plinius indicat, qui Melfrugum vocat, nisi legamus: Panicum Diocles Medicus Melian frugem appellavit. Quidam Milium nigrum esse putant, hanc præter rationem, sed Dalech. ut diximus, granum in Melita frequens, incolis Cuneno dictum, Canariis iusulis familiare, Massiliæ notum, nigricans, oblongum, milio simile, quo Canarios passeræ canendi suauitate & assiduitate nobiles præcipue nutriunt. Satum facile prouenit & maturescit, ac si annus fuerit pluuiosus, in ipsis spicis, antequam colligatur, sponte germinat.

Phaseolus fere omnis generis colorum, præterea Aegyptij, qui pinguntur à C. Clusio in Pannonicis observationibus sine siliquis, quas nos addidimus. Itemq; Africani & Brasiliiani. Nec non pumiliones albi & nigri, quorum hi magis quam illi affliosi sunt, quamvis ambo frigiditate nostræ plague sèpius à maturitate prohibeantur. Intelligo autem, quorum iconem dedimus in Matthioli editione, & quos Clusius in Pannonicis quartos in ordine proposuit.

Phaseolus Indicus, vulgo falso Pæoniam Indicam vocant, cuius iconem proponit Lobelius. Hæc grana coccinea nigra macula insignita dura admodū sunt, diuq; in terra latitant, quorum interdum nobis prouenerunt rudimenta instar pisorum, sed ad frugem planta nō peruenit. Semina vetusta nequeunt vlla maceratione vinci, sed recentiora intumescunt intra horas 12. vel citius, ac duplo fiunt maiora, colorem autem coccineum vertunt in sordide purpurascem, quæ si degustare volueris, depræghendes saporem pisi nigri detracto cortice, adeo fabaceum aliiquid resipiunt. Mittuntur ad nos nominibus Ginga & Abrus. Quidam perhibent utiliter adhiberi in dentitionibus, febribus & spasmis puerorum.

*Phillyrea Florentia missa.**

Phyllitis vulgaris, Lingua Ceruina latifolia & angustifolia, item que

que duobus, tribus & etiam pluribus mucronibus in summo folij prædita.

Phyteuma Matthiolii, siue *Campanula angustifolia*. *Anguillara* legitimam sibi esse incognitam fatetur.

Pimpinella saxifraga maior & minor. *Doctiss. Maranta* in suo libro de *Theriaca conijicit* *Pimpinellam maiorem* siue *saxifragam hircinam* non male pro *Oreoselino* *Dioscor.* posse accipi.

Radix *Pimpinellæ puluerisata* cum *Saccharo* in formant Electuarij redacta, & quotidie assumpta in aqua eius stillatitia ad aliquot vncias, admodum suppuratis prodest. Pulus *Pimpinellæ* opt. quoq; in casu & contusionibus in calida cereuisia exhibitus. De *Vermiculis* ad *Pimpinellæ* radices nascientib. Costæus in suo libro de *stirpium natura* disputat.

Pimpinella sanguisorba maior & minor.

Pimpinella spinosa, forsitan *Chalcomas* siue *Aeraria* *Anguillaræ* in Peloponneso & Zazyntho nascent, quamvis nostra non latescat. CL. V. D. Rauvvolfius in suo *Hodæporico*, vbi etiâ iconem eius addit, tradit plantam hanc copiose crescere in monte Libano, foliis *Sanguisorbae* similibus, ramulis hinc inde spinosis, è quibus verno tempore flosculi emergunt è viridi pallentes, stellati, quibus succedunt baccæ albicantes, instar piperis, aliquo rubore conspersæ, racematimq; cohærentes. Bellan incolas nominare ait. Astiuida est Cretensisunt à soibz, vt quidam putant, corrupto nomine.

Pinguicula sic vocata *Gesnero*, quia pinguis & parva est vel iorubz, *Viola humida* aut *palustris*. *Clusius* in *Pannonicis* pinxit, itemq; *Herbarius Lugdunensis* nomine *Cucullatae*. Nascentur putridis ac humentib. locis in Bauaria, vnde in hortum transstuli, sed frustra, vt metuo. Non enim videtur translata vivere posse. *Vulneraria* est herba, præsertim ad ramicos puerorum eximia, ac preterea etiam ad plurima utilis, vt non dubitauerit

bitauerit Gesnerus pro Dodecatheo Plinij habere, quod folia quodammodo Lactucæ habeat, quamvis non perpetuo septena. Radicis quoque fibræ luteæ sunt. Chirurgi prohibent adhiberi prope articulos, istiusmodi enim vulnera perfunque melicerias, id est, das Gliedwasser inde contrahere assuerant.

Pinus Italica ex semine enata prodit, sed hyemis frigore intensiore facile, nisi in fictili recondatur, perire solet. Dum recentis è terra emergit, nuclei putamen non incommode admittur, sed nucleus protrusus si auferatur priusquam sua sponte decidat, plerunque germen enascens, cui tanquam monumentum à natura datum est & foliis coniunctis oblongioribus adhæret, perire solet. Dignum est obseruatione, quod D. Basilius memoriae prodidit, εξαμερῶν, *Pinus incensas ac exustas flammis in querceta mutari. Proprium est huic arbori, ut salsio solo lætis. fructificet, quemadmodum appetet ex amoenissimo Pineto prope Rauennam.* In Aesculapij templo, quod olim fuit in Insula Tyberina, reperta marmorea tabula Græcis literis exarata, Pini nucleos reiicientib. sanguinem ex pectore mederi testatur. Antiquitatis monumentum istud singulare ex libris de arte gymnastica Mercurialis medici doctissimi sumptum ascribere placuit. Scriptura hæc est.

Αἴμα ἀναφέροται ιπλάγει ἀφελτισμένῳ ὑπὸ πάττῳ ἀθρόστῳ ἐχημάπονι
Θεὸς ἐλθεῖν καὶ τὸ τριβόμενον ἀρσενικὸν σρούλων καὶ φυγεῖν μετὰ μέλιτῷ ἐπὶ τρι-
ημέρας καὶ ἕπάθη καὶ ἐλθειν δημοσίᾳ ἱνχαρίστεν ἔμπειρον τὸ δίκαιον. Id autem est.

Sanguinem Iuliano reiicienti ex pectore & desperato ab omnibus ex oraculo Deus respōdit, veniret & ex aris tribus, vel è templo, vbi tres aræ sunt, nucleos pini tolleret, & cum melle comederet per triduum. Hoc remedio ille seruatus est ac profectus in templum, gratias egit publice, populo præsente. Idem memorat Dalecham, in annotat. Plinij capit. 8.

lib. 23. vbi quoque legitur, Nuces pineas quæ resinam habet, cōntusas leviter, additis in singulas singulis sextarijs aquæ ad dimidium decoctæ, sanguinis excreationi mederi, ita ut cayathi bini bibantur ex eo.

Pinaſter pumilio ex monte Arba Bauariæ, vbi *Lac̄hols* nominatur, non abſimilis Pannonicus Clusij. A descriptione certe nihil diſſidet, niſi forte conis, quos tamen nondum coſpexi.

Piper Indicum, Siliquaſtrum Plinij quorundam ſententia, fructuſtum longo, tum cordato, item rotundo & deniq; piloſo caule pilis albis prædito, latioribus foliis, fructu longo, ple- runque in acuminatum lögum appendicem deſinente, flore quoque quam in alio maiore. Siliquarum decoctum rite pa- ratum aquas hydropticorum educit. Parienes Indi vnguentum quoddam ad conſirmandoſ dentes conficiunt ex vno- num feracibus conchis & huius plantæ foliis crematis vnâ & aqua maceratis, donec calcis candorem referant. Eo illitos dentes aterrimos reddunt, ſimulque abſque dolore ſemper conſeruant, vt tradit Benzo Mediolanensis libr. 1. cap. 3. hi- ſtoriae noui orbis.

Piper Indicum ſurrectis corniculis ijsq; paruulis, ſed raro apud nos ad maturitatem peruenit.

Piſa rubra, item Italica grandia, quæ duo pro Phafelo Tragus habet. Præterea Leptoloba, quæ ſimul cum folliculis com- eduntur, cuiusmodi Lobelius memorat ē Vilda Lituaniæ oppido allata. Item viridia, acrocarpa, vulgaria & ſylue- ſtria.

Piſum ſylvestre Pannonicum, in Franconia alicubi Darmgichts frauſ; quod in viſu habeant vulgo grana aliquot deglutire in colicis doloribus, itemque herbam exterius impone- re, nec non equis & bobus ad idem malum in pabulo ex- hibere.

Piſa

Pisum nigra, Fabis aliquantum cognata.

Pithysa Anglica, missa à Th. Pennæo, foliis Tithymalli arbore-scentis sed magis glaucis & per ambitum hirsutis prodiit, sed neque in fictili sub tecto neque sub dio per hyemem durare voluit. Semen erat non dissimile Arborecentis Tithymalli semini.

Pitina Theophr. quæ in Italia inter legumina sua sponte prouenit tenera herba, capreolis se sustinens. Depingitur à Dodœnæo, Lobelio & Lugdunensib. Aphace Dodonæi, Orobanche Lugdunensis.

Pistacia arbor, similis Terebintho, ideoq; à Theophrasto vocatur Indica Terebinthus, fructu Amygdalæ, vnde Nicander in Theriacis:

ἴωαθ ὑπὸ Ιγδὸν χεῖμα πολυφλοίσβοιο χράσσει,
Πισάνι ἀργεμόνεστιν ἀμυγδαλένια τέφανται.

Aegypto & Syriæ familiaris, quamuis in Italia quoq; non nunquam fructum producat, apud nos vero ne florere quidem compertum est. Hyeme in cella recondenda.

Pistochia. Semē initio autumni scritur, nam vernam sationem prorsus respuit.

Plantago maior, minor & media. Item marina in lacu salso prope Islebam crescens, à plerisque depicta nomine Coronopi sylvestris. Præterea rosea. Plantaginis laudem peculiari scripto celebrauit Themison tanquam inuentor, inquit Plinius lib. 25. cap. 8. cum sane sit planta πολύχητος. Succus Plantaginis minoris cōmendatur in febribus tertianis & in pustulis oris, item contra morsum canis rabidi. In angina Cassiz Aegyptiacæ succus extractus cumq; aqua plantaginis mixtus plurimum conducit. Ad οὐτεργάστιν semen eius cum Caru tosto utiliter exhibetur. Est præterea Ophthalmicū nō contemnendum ex foliis & radice plantaginis contusis addito pauco

pauco Saccharo candidiss. & aqua rosata. Vsurpatur in oculorum lachrymis & inflammatione.

Polemonium Monspelliensium, aliis *Trifolium arborescens*, descriptum & depictum à Dodonæo, Lobelio & Lugdunensibus. Hyemis frigora vtcunq; apud nos perfert. Hoc aliqui Scorpionibus esse inimicum annotauerunt.

Polium verum, itemque alterum *Lauendulae* folio in montibus Thuringiacis prope Ihenam frequens, itemque apud nos in collib. quaitur in Noricum. Nomen hoc inuenit, vt inquit Diosl. οὐρανὸν πληῆς ἔχον κεφάλαιον ἐπιστάρια κορυμβοῖς μικρὸν ὡς πολιάργυρον, id est, quod capitulum semine refertum in cacumine quandam corymborum speciem præseferens canis hominum simile habeat. Nulla magis herba conuenit medicamento, φ Alexipharmacō vocant: in quod minore, vt Galenus inquit, vtimur. Non potest Polium cum Tripolio diuersi generis planta tam multis locis miscens defendi Plinius, nec eius scriptores autoritate excusari, qui commentatoribus suis dissimulato hominis errore eadem illa vt erant adiecerunt, inquit Marcellus Vergilius.

Polyacantha: raro in alterum annum durat.

Polyneomon Gesneri, vide supra *Clinopodium maius* Matthioli. Anguillara veræ plantæ nullam certam habere se cognitionem affirmabat.

Polygala Tragi, flore albo, cæruleo & incarnato. Anguillara aliam describit in suis opinionibus Italicis, quam ait crescere circa Bononiam & in Samnitib. cuius tamen vernaculum nomen nullum se potuisse cognoscere ait. Herba similis est leniti, foliis tamen pinguioribus, flore luteo, qui producit Siliquas.

Polygala Rhætica Gesneri, *Onobrychis Dodonæi*.

Polygonatum vulgare & eo multo maioribus tam baccis quam foliis Pannonicum. Polygonati semen largius sumptum

alium mouere Plinius scribit. Aloysius dubitabat de Polygonato, quod folia pomum Cotoneum non resiperent, sed Galenus dicit ingratum eius saporem esse, id quod res est.

In hoc genere reperitur & Tenuifolium in saltibus Hercyniae frequens.

Polygonum vulgare, atq; etiam alterum marinum in littore Veneto sua sponte copiose crescens, flore subalbido & folio pinguiore. Vulgare in fluxu sanguinis, vt Brassauola quoque annotauit propria experientia efficaciss. cum ego quoque affirmare queam in Nobilissimo quodam viro alijs remedijs frustra adhibitis contra vomitum sanguineum cum paucō vino styptico hunc succum maxime profuisse.

Polypodium sic dictum ob οβιζαν την πλάνας αποτελεῖ παλύπτυχον. Siccens coquatur cum melle & parum pipere, sine omni molestia bilem & pituitam euacuat. Mesues eius exhibendi in purgationibus scribit non quatuor aureos esse transcendentios id est 3. v. 3 j. Manardus vero integrum vnciam per se parum purgare adseuerat. Anus medicastræ etiam ad 3. iiiij. alicui liquori incoquunt & sine efficacia nonnunquam propinant.

Polytrichon, quod secundum Anguillaram à Trichomane nihil differt

Pomum amoris siue de oro, apud Mediolanenses Pomum Indum & nomine externo Tumatle ex Peruiana insula primum allatum. Ex paucis notis quas Galenus descripsit, conuenire cum Lycopersico conisciunt. Gesnerus in epistolis vocat Solanum pomiferum. Pomum hoc in oleo coctum, siue infolatum ad Scabiem est efficax.

Porrum. Hoc delectabatur Imperator Nero, vnde Porrophagus fuit periocum appellatus.

Porrum

Porrum Indum, vulgari multo maius & nonnunquam trium cibitorum altitudinem attingens, capite florum purpurascentium elegantia plurima comante & ob id hortis, ob sapidum vero & grandem bulbum culinis expetitum. Vulgo Scordoprasum vocant.

Porrum capitatum vulgare, κεφαλωτὸν πράσον, Autor Moreti: Capiti nomen debentia porra.

Porrum tonsile siue *scitile*, τυπτόν. Cum hoc idem vel cognatum saltem χοιρόπεζον Dodonæi. Germanis Schnittlauch / Brisslauch.

Portulaca maior & minor. Aqua illius destillata in quibusdam abstulit dolorem dentium, qui alijs remedij non potuit sedari. Succus condensatus cum gummi Tragacanthæ & Arabico puluerisatis & in pillulas redactus plurimum confert in Vrina cruenta.

Portulaca exigua siue *Andrachnion arvense*. Herbula non ab alijs, quod sciam, demonstrata, pinguis, sublutea, coliculis incurvis, aliquantum procumbentibus: foliolis minutis portulacæ sylvestris, pallidioribus tamen, semper geminis: nigro semine in vasculis paruis portulacæ similibus, sed quæ longioribus pediculis & gracilibus nituntur & mature incipiunt hiare antequam semen plene perficiatur. Primo vere in agris frumentarijs frequens est circa Lipsiam ante Cremonensem portam. Sapor illi nullus qui notari queat, præterquam herbaceus ut in alsine.

Poterium Lobely, idem cum *Pimpinella spinosa*.

Prunella flore purpureo & albo. Describitur in libro de Dynamijs Galeno attributo.

Prunella grandiflora, quam Clusius in Pannonicis primam depinxit, in Bauaria frequens, itemq; in Franconia nonnullis locis circa itinera, aspero & limoso solo.

Pruni varia genera, potiss. Vngarica, Morauica, & quæ vulgo Myrobalanos dicunt, itemq; Græca, quæ postrema Verda-
cia à viridi colore in Italia vocantur, & alijs præferuntur, &
inter sylvestria fructu duplo maiore quam communis est &
admodum dulci. Si Pruni surculi in mosco intingantur & de-
inde inserantur, fructus inde fieri odoratos D. Costæustra-
dit. In sylvestri pruno hoc peculiare, quod deflorescens si-
mulatq; imbris contigerint conuertatur fructus in oblongū
quoddam & inane corpus, quod in Italia Turcas vocant, vt
annotauit Doctiss. Andreas Cæsalpinus & nos hoc anno
1587. circa hanc vībē obseruauimus. Radices pruni sylvestris
ablato nigro cortice decoctæ in vino sunt remedium singu-
lare contra dolores dentium.

Psyllium perenne à CL. V. D. Joan. Aicholzio transmissum,
quod Gesnerus in Historia Animalium existimat esse apud
Theoph. Cynopa. Orpheus in Argonauticis ΨΥΛΛΙΟΝ ΔΕΙΔΗΣ VO-
CAT tanquam herbam turpem & deformem aspectu.

Ptarmica Fuchsii. Veram Ptarmicam incognitam adhuc esse ex-
istimabat Anguillara.

Ptarmica austriaca flore elegantiss. olim nomine Cyani Hiero-
folymitanæ ad me missa describitur à D. Clusio in Pannoni-
cis. Non habet vires veræ Ptarmicæ in mouendis sternuta-
mentis, nisi forte in ijs qui facile ad sternutationes concitan-
tur, alioquin caloris euidentis particeps vt gustu depræhen-
ditur. Saliuam ciet eamq; commansæ colore croceo tingit.

Pulegium maius & minus. Brassauola in suo libro de examine
simplicium, secundum Plinium pro fœmina habet quod flo-
rem album profert. Pulegiū brumali tempore quoq; florere
Cicero annotauit in lib. 1. de diuinat. vt & Plin. lib. 2. cap. 41.
Cicero non Pulegium sed Puleium littera g. elisa nominat, vt
apud Martialē quoque legitur: Quadrima nigri nec corona
puleij. Olim in corona circulum nexum ad aliquot annos
conser-

conseruabatur. Cur autem Pulegium aridum in bruma floreat secundum Costæum non alia in promptu est causa, quā priuata eius formæ facultas, cuius itidem rei exemplū est in animalium genere in Pico Martio, cuius cadauer laqueari appensum verno tempore nouas plumas priorib. defluentibus proferre obseruatum est. D. Hieronymus scribit, Pulegium apud Indos esse pipere pretiosius, quod nostrorum temporū peregrinatores dubito an obseruarint, nihil enim in eiusmodi libris quos videre contigit, annotatum reperio. Pulegium quomodo purget, docet Brassauolus de Medicam. purgantibus. Datur autem eius puluis in Medone, ut vocant, apud nos quoq; ad expurgandam per secessum Melancholiā. Idem cum serpillo infunditur in aqua rosacea & parum aceti, quib. linteola madefacta fronti & temporibus applicantur in dolorib. capitis modo non assit febris. Elegans est quod Cicero Tironi scribit. Ad Leptæ, inquiens, rutam pulegio mihi tui sermonis vtendum est, hoc est ad eius vehementiam tua facilitas accommodanda.

Pulegium Anguillare, à Mentastro non multum dissidens, foliis rotundis & gratiore odore. Nascitur plurimum Patauij tam intra quam extra vrbis mœnia.

Pulegium Ceruinum depictum à Lobelio & alijs, ita dictū à Monspelliensisibus, quorū in agris copiose prouenit locis palustribus, alioqui fere tantum hortense, quia culturæ facile assuefuit & radice plurimum serpit.

Pulicaria vide Conyza.

Pulmonaria maculosa & sine maculis. Reperitur quandoq; flore albo.

Habui & Austriacam II. Clusii, sed non ditu in horto duravit, cū alibi satis perennauerit. Delectantur hac planta Cerui, atq; ideo Germanicè *Hirschföhn* nominatur. Vulnerariam esse herbam experientia constat. Ad pulmonis autem vitia

non ab omnibus, qui periculum fecerunt, celebratur.

Pulsatilla communis, item flore albicante. Quod nisi vtraque in plane arido & aprico loco collocetur, non facile culturam fert. Samolum Plinij lib. 25. cap. 11. hanc esse putat Dalech. quod eam hodie Bononienses vocent Samiolo, vt ait Anguillara lib. 11. Huius herbae aquam stillatitiam exhibent in Borussia cum aliquo successu in febribus Tertianis intermittentibus ac similibus, cum sit admodum ~~expansum~~ medicamentum.

Pycnocomon Anguillare, vt Lobelius existimat, est Reseda de qua postea dicemus. Parum enim conuenit descriptio Pycnocomi. Non enim sunt οὐλλατράχια, neque ιγνάδε τατράγωνο, neque etiam alia satis congruunt.

Pyrethrum Dioscor. I. Matthioli. Umbellifera planta, quam aliquando copiose reperi in Apennini montibus, vulgo Riodi Lunato & Fiumalba dictis.

Pyrethrum Matthioli alterum, folio Chamæmeli itemq; flore, maiore tamen, cuius radix priore videtur esse efficacior. Hemis frigore in horto sepius perire mihi consueuit. Bononienses in suo Antidotario ante paucos annos edito in Diazastoreo non Antimonium sed Artimonium legi debere, quæ vox Pyrethrum notet, recte admonent.

Pyrola Pannonica II. à D. Friderico Sebicio & mox à D. Aicholzio communicata, quæ tamen horti culturam altero anno respuit.

Pyrus. In villa Iacobi Regij, pagi quem Fontaines vocant, haud procul à Lugduno siti, Pyra nascentur, è quorum medio corpore folium exeritur. Ea simili ratione nominis Pyrophylla vocari possint, qua Melophylla apud Plinium, vt doctissimus Dalech. annotat.

Habemus præter alias pyrorum differentias ab Illustrissimo Principe Vilhelmo Landgrauio Hassiae &c. quæ eleganti

ganti rubore carnis siue pulpæ interioris placent, item quæ comeſta ventrem subducunt.

Q.

QUAMOC LIT planta noua ex India ante paucos annos alata & à Cæsalpino sub nomine Iasmini folio Millefolij descripta. cuius ſemen primum mihi communicatum fuit à Magni Ducis Florentiæ Herbario Domino Iosepho de Casa bona, diligentissimo, & humanissimo viro. Eius picturam repræſentare studuimus, quamuis apud nos exilius creuerit, quam in calidioribus regionibus. Planta eſt anadendras, folijs prodiens oblongis & latiusculis initio binis ſibi inuicem connatis, quæ diu durant etiam ſeſe perticæ inuoluente iam ipsa planta: reliqua folia Myriophyllo alteri apud Matthiolum ſimilia ſunt ac tenuia admodū, vt Conuoluolus tenuifolius non inepte vocari poſſet: caulinuli rubent, ſed magis vergunt ad nigredinem: flores elegantissimo rubore placent in quinque angulos collectis oris, Peti florum ſimilitudine. Semen in capsulis oblongis fert itidem oblongum & fuſcum, quod aqua maceratum plerunque rumpitur vt Campanæ Lazuræ grana. Sapor ipsius herbæ eſt subdulcis & modeſe nitrosus, capsulae vero nonnihil piper vel braſma piperis g��atu referunt, vt & ſemen, quod parum abeft, quin haud minore caliditate fauces nonnunquam afficiat.

Quercus Pannonica latifolia, rectius Cerrus. Huius fumum in locis clausis facere Epilepsiam & ſubet Ferd. Ponzetus affirmat lib. 2. tract. I. cap. 2.

Quing. folium, vide ſupra Pentaphylon.

R.

RANVY

Ranunculus. Huius admodum multæ sunt differentiæ, quarum singulas horto nostro inquilinas recensemus, initium facientes à notioribus, omissis tamen nimis vulgaribus.

Ranunculus polyanthus siue pleno flore luteo, repens, maior & minor. Quorum ille reperitur (teste Anguillara in suis opinib[us] de Simplicibus) circa Sebenicum Dalmatiæ oppidum sponte proueniens, hic vero in agro Aurelian[o] Galliæ. Inuenimus tamen nos quoq[ue]; hoc anno in Bauariæ loco quodam aliquot milliarib[us]. Lanteshuto distante, admodum humilem flore duplicato. Est & tertius erectus, quem Fuchsius pingit & vulgatior est, Bauaris Klein Ruckerzu/Misnens. Gelb Tau-senschön.

Ranunculus radice bulbosa vel tuberosa potius, flore quoq[ue]; pleno & simplici. Batrachium Apuleij. Prior in loco pingui & humido collocatus s[ecundu]m ex vnius floris c[ent]ro alios flores etiam triplici serie producit. Radix huius instar bulbi rotunda, siccens sit, caustica est ac admodum vir[or]t. Exiccata vero post vnum atque alterum mensem dulcis efficitur. Utimur hac radice tusa & emplastri modo imposita tempore pestis ad rumpendos abscessus. Nebulones vero mendici quidam, quo facilis nobis imponant ea sanguine Draconis macerata furas aut femora illinunt.

Ranunculus Globosus siue Montanus, VI. Matthioli. Crescit in multis locis Germaniæ potissimum in Heluetia. Gesnero Flos Trollius.

Magnus, Aconiti folio, forte Aconitum III. Matthioli.

Palustris folio Apij. Sed non ideo videtur esse Sardonius ille apud autores famosus, qui in Sardinia nascitur, insula etiam alioquin pestilenti & corrupto à palustribus vaporibus aëri obnoxia, de qua Silius:

*Serpentum tellus pura ac viduat a veneno,
Sed tristis cælo & multa vittata palude.*

Vnde

Vnde pulcerimè Martialis:

Nullo fata loco posis excludere: Cum mors

Venerit in medio Tibure Sardinia est.

Leucanthemos folio Aconiti, flore albo simplici, quico-
pione crescit in locis montanis Misniae circa Annæbergam
urbem: & alter flore pleno primum mihi transmissus à CL.
V.D. Adolpho Occone Medico Augustano præcipuo.

Ranunculus *Taliæ* tri folio, Dalechampio Aquilegia minor, circa
Gratianopolin in Gallia ab ipso inuenta, elegans planta, de-
picta à Carolo Clusio in obs. Pannonicis, quæ in Pannonia
& Austria copiose crescit. Perennis est planta & statim primo
vere florem profert.

Ranunculus *Illyricus* depicetus à Lobelio, qui tamen teste Clusio
in obseruationib. Hispanicis copiose etiā prouenit in Ham-
burgensi monte duobus supra Posonium milliaribus. In hor-
to perhyemem satis bene durat.

Constantinopolitanus rubro flore quem aliquando ha-
bui munere eiusdem Caroli Clusii, verum sequenti anno per-
iit. Requirit enim acuratam apud nos culturam. Hoc anno
rursum radices accepi à Doctiss. iuuene Dn. Christophoro
Vvexio lenensi qui eas vna cum alijs ratiорibus bulbis Con-
stantinopoli, vbi cum legato Cæsareo cōmōratus est, attulit.

Raphanus *Byzantinus*, cuius semen habuimus Constantinopoli,
qui postea tamen degenerauit in communem ac solos flores
ac semina protulit, radice penitus lignescente. Habemus
quoq; radice nigra, qualis frequens est Argentorati, & alium
lutea. Hoc colus peculiari scripto Marcion quidā Græcus com-
mendauit. Plin. lib. 19. cap. 5. de Raphano interalia sic scribit:
Medici tradunt & præcordijs necessariū illius succum, quan-
do phthisis cordi intus inhærentem non alio potuisse depel-
li compertum sit in Aegypto regibus corpora mortuorum
ad scrutandos morbos infecantibus. Atq; vt est Græca vani-
tas,

tas, fertur in templo Apollinis Delphis ad eo cæteris cibis
prælatus Raphanus, ut ex auro dicaretur Raphanus, Beta ex
argento, Rapum ex plumbo. Scires non ibi genitum M. Cu-
rium imperatorem, quem in hospitio legatis aurum repudiatur
afferentibus, rapum torrentem in foco annales nostri
prodidere. Qui Raphanum, rapum napum religiosi Agricolæ
serunt, antiqua consuetudine precantur, ut sibi nascantur &
vicinis, ut contra Ocymum & cuminum cum maledictis & pro-
bris terræ committendum annotarunt autores. Raphano
comestio lactinia esse viranda, quod corrumpantur & vitiū
inde contrahant, monent tum alij tum Ferd. Ponzetus lib.
2. tracta. 1. cap. 2.

Raphanus Rusticus: vulgo Armoracia. Huius succus destillatus,
suo tempore adhibitus commendatur in calculo.

Rapunculus flore purpureo, candicante : spicato purpureo &
albo,

Reseda ut putatur, Plinij recta & supina. Vtraque circa Ariminum
in Italia frequens: Supina quoq; ad Rhenum &c alijs in lotis
Germaniae.

Rhabarbarum monachorum, vide supra in Eapathis. Verum enim
Rhabarbarum nondum nobis visum est, nec qui viderit, se-
obtulit: apud Troglodytas igitur querendum, ut monent au-
tores, quos εριπετεις ab Homero 4. Odys. dictos volunt ἀπὸ τῆς
ηραν εὐθανίαν, qua etymologia & τρωγλοδύτας appellant. Trinca-
uella vero libro I. de eompositione medicam: cap. 12: scribit
Quendam mercatorem, qui diu in Persia versatus fuerat, &
aromatarius esset ac omnium medicamentorum peritissi-
mus & is virut eius verbis maxima esset adhibenda fides, re-
tulisse sibi, Rhabarbarum in montosis Persicæ locis nasci, col-
ligi, siccariq; & in Aegyptum vel Syriam à Persis negotiatori-
bus ferri, vnde ad nos deinde apportari. Sed hic non est lo-
cus de hac re fusius disputandi.

Rhab

Rhamnus III. Diosc. secundum Matth. supra Paliurus. Crescit in agro Monspelliensi & in Italia potiss. circa Veronam. Apud nos quoq; hyemem, nisi sit admodū acris, ferre potest, alioquin diligenter erit à frigore muniendus.

Rhamnus quorundam. Oleaster Germanicus Cordi, frequens in locis arenosis circa Rhenum versus Curiam & ad Lycum ac alia flumina Bauariae, multisq; locis alijs.

Rhamnus solutius, cuius minorem speciem Clusius in obser: Pannonicis proponit. Ex eius suco fit Syrupus, qui quamuis sit ventriculo non adeo commodus, cum aqua tamen Cinnamomi dilutus in affectibus podagrlicis utiliter potest exhiberi. Augustæ Vindelicorum nominant Syrupum familiarem.

Rhamnum ἀλεξάγιον Nicander vocat, quia nocturnos incubos, lemures, striges auertere putabatur efficaci amuleto: quo arguento in parentationibus ante fores suspendebatur. Meminit & Lycophron & Euphorion his verbis; ἀλεξάγον φέρε πάμυον. Spinam Ianalem hunc esse volunt celebratam ab Ouidio in Fastis, non autem spinam nuptialem facibus auspiciatam.

Rhaponticum vulgare. Vide Centaurium maius.

Rhodi radix, ob odorem rosarum sic dicta. Nascitur in montanis locis Apennini, Gargano & in Delphinatu, vt vocant, prope Gratianopolin, præterea in Styria & Vngaria copiosissimè itemque in Anglia in monte Engleborreno dicto, totius Anglie altissimo Comitatus Eboracensis, vbi flores & semen producit, vt ad me scripsit Doctiss. & rerum naturalium peritiss. Medicus D. Thomas Pennæus Anglus. Produxit etiam semen in nostro horto in vasculis pulcro minij colore rubentibus ante plenam maturitatem, cum superiore anno ex montibus Pannonicis modo cruta nondum hortensi luxuria quasi enruata à sua na-

tura desciuisset: postea vero non secus ac reliquæ eiusdem familiæ aliquot annis iam cultum perpeſſæ solo flore placuit, forte etiam, vt & illæ, tandem proceriorib. stolonibus & lætius virentibus foliis deinceps exuta tanquam agrestia superbire incipiet, manifesto arguento, quantū locis natalibus mutatis à naturali forma plantæ soleant recedere.

Rhus obſoniorum ſive Sumach. Ex ſemine prouenit & multis annis in fructibus, quæ per hyemem in loco ſubterraneo aſſuantur, aluiimus: Sed tandem perijt, nec florem aut fructum vñquam protulit. Crescit copioſe ad Marranum Castellum in Via Aemilia, Lanzanæ & in Vmbria, & ibidem adhuc Sumach nominatur.

Rhus myrtifolius, cuius putatur à Plinio fieri mentio libr. 24. cap. 11. vbi ait: Nec Rhus Latinum nomen habet, cum in ſum plurimis modis veniat. Nam & herba eſt ſylueſtris, foliis Myrti, caulinis breuibus quævenena & rineas pellit, &c. Gesnerus potius Clymenum eſſe vult, cum Plinius diſerte Rhun in herbam & fruticem diſtinguat: planta vero hæc, quam nunc dicimus, frutex ſit, non herba. Myrti quidem folia etiam coriario tribuit Marcellus: verum de Rhu herbanis apud alios inuenio, & Plin. in historia libr. 13. cap. 16. de Rhu frutice tantum agit, herbæ autem hoc nomine nullius meminit. Clymeno vero conueniunt. I. οὐλὸς τετράγωνος II. οὐλα πρέστα τὸ ἀργυράνθιον potius quam Myrti. III. θυλάκιον δὲ τὸ οὐλᾶς εἰς ἀλληλα νεύοντα εοικετα πολὺν αὐτὸν πλειάν, acerabulis enim polyporum ferè ſimilis eſt fructus. IIII. Vis astringendi & refri- gerandi in ſignis. Nec dubito radicem quoq; utilem eſſe. Sed de hoc aliorum quoque ſit iudicium. Ex ſemine prouenit & hyeme vult recondi in cellam. Florem apud nos nondum oſtendit. Describitur opt. in historia Stirpium Lugdunensi, & in Monspeliano agro copioſe prouenit.

Rhus

Rhus myrtifolius Plini Gesnero, vide supra Anonymos Peruincæ folio.

Ribes sylvestre, præcoci & copioso flore mense Aprili abundat, foliis minoribus quam alterum præditum est. Loco aprico in horto raro vel nunquam gignit fructum, (qui insipidus vel subdulcis est, vnde conijcio esse Ribes dulce Clusij in obseruat. Pannonicis) quare à quibusdam sterile vocatur. Crescit non longe ab hac vrbe sua sponte versus montem Piniferum Nariscorum. *Ribes Scaptonis* à nostris *Ribes* longe aliud est cuius iconem primus (quod sciam) peritissimus rerum Simplicium D. Leonhardus Rauvvolfius publice exhibuit, qui etiam sicca planta me donauit. Vide apud Bellon. dearborib. coniferis descriptionem pleniorem.

Ribes vulgare baccis rubris, cuius magna copia sua sponte crescit in quadam sylua, media ferme via inter Dresdam & Budissinam ad fines Lusatiae. Si baccæ statim vbi maturuerint, vel saltem exempta semina in terram proieciantur ante hymenem, facile enascuntur, & cito crescunt in frutices.

Ribes baccis rubris maiorib. quam plantam primum nactus sum Oeniponte ex horto sereniss. principis Ferdinandi Archiducis Austriae. Flores quoque sunt aliquantum rubicundi.

Ribes baccis nigris, itidem minoribus & maioribus, quod olim nobis in Italia pro piperis, si recte memini, arbustula ostendebatur in horto CL. Viri Maffei nobilis Veneti. Crescit abunde in montanis Misniæ circa Annaëbergam, atq; ibi necno quid venehati istis baccis inesse asscrunt, cum aliis in locis esui esse soleant.

Escinus vulgaris, vbique notus. Aliimus aliquoties & alterum Syriacum grana duplo maiora & minus luti coloris profrentem. Excellentiss. Costæus in comment. suis in Mesuem doctiss. existimat mendum esse in Dioscoride, qui dicit triginta grana debere assumi, cum vsu compertum esse dicat,

tria grana Syriaci strenue & cum multa molestia purgare.
Quare r̄p̄ēs non r̄c̄r̄s̄la legendum conijcit. Ricinum Talpis
 quadam peculiari ēr̄n̄=aθ̄t̄q̄ contrariū esse autores affirmant,
 sed nos id se habere non potuimus depræhendere, neque
 etiam foramina foliis Ricini suffarcta & obturata denuo cru-
 cre veritisunt.

Ros Solis sive *Salsifiora* vel *Solaria*, *Mas* & *foemina*, *Muscigenus*,
 quod multis in locis syluosis, humidis, at apricis inter alia
 musci albicantis & subrubentis genera apud nos quoque in
 sylua non longe à latomijis crescit. In hortum translata à me
 s̄ep̄ius cum sua terra vixnam æstatem pertulit. Doctiss. vir
 Caius Britannus in quadam epistola ad Gesnerum refert
 vulgo *Rosam solis* vocari, nec ita magnificeri à doctis Me-
 dicis quemadmodum ab Empiricis & mulierculis quibus-
 dam. Nam in Anglia quoque obseruatum esse ab opilioni-
 bus oves quæ crebro hac herba vescantur, habuisse Epar &
 pulmones male affectos, ac marcore quodam vitiatos. Sunt
 tamen contra non pauci Medici celebres, qui eius aqua-
 stillatitiam in phthisi commendant.

Rosa Græcis p̄d̄or̄, ob odoris suavitatem, teste Plutarcho. Flos in-
 signis, locis siccis quam humidis odoratior, index veris,
 quamvis tepidioribus autumnis non raro quoque rursum
 flores emittat. Cuius plurimæ sunt differentiæ, quas diligen-
 ter enumerant Theoph. & Plin. ex colorum & locorum va-
 rietate desumptas. Nos hic enumerare tantum volumus,
 quæ horti nostri hactenus ornamenta & delitiæ fuerunt.

Alba, candida simplex & plena. Hanc Campanam apud
 Plinium qui ait præcocem esse, nominari conijciunt quidam
 viri docti.

Lacteola, elegans rosa, non magna, foliis multis, dense
 stipatis:

stipatis: quæ singula si euelluntur candida sunt, cum vero simul calyci inhærent, in flore integro videtur quidam dilutus rubor emicare. Vratislauæ copiose in hortis coli dicitur, vnde etiam ad nos perueniunt. Hæc centrifolia Plinij videtur, numerosis folijs & paruis. Nec tamen est talis odoratissima, quamvis reliquis odoris præstantia parum cedat. Extremis veluti margines in coronis apte ornat, quod exigua sit.

Rubicunda, quæ non omnino dehiscit, ut Plinij Græcula, folio quoq; quam in cæteris latiore, odorata tamē. Ex quibus Saccharum Rosaceum conficitur, vnde apud nos Zuck. & rosen dicuntur.

Incarnata vel leniter purpurascens. Apud nos Vilmenses à loco nominantur. Veterum esse Prænestinas existimant. Incarnatas tamen Historia stirpium Lugdunensis Trachinias esse putat: Milesias vero quæ Gallis Roses de Prouins appellantur. Hæc nimis frigoris satis sunt impatiens, quare nisi ab eo muniantur, quandoq; pereunt: quamvis altero anno à radice rursum repullulent. Apud nos plurimæ crescunt, cum ad Syrupum Ros. solut: in magna copia assumantur. Mirum tamen eundem Syrupum destillatum contra potius strenue aluum sistere, quemadmodum Lobelius quoque obseruavit. At doctiss. Costarus in commentarijs ad Mesuen editis aquam simplicium Rosarum ad ȝ. x. haustam euacuare aluum ait, sicuti quoq; arida folia in sero caprino sumpta idem præstare tradit.

Intense rubens simplex vel plena quam vulgo Pharmacopœi vocant Finam & folijs exiccatis, quoniam colorem & odorem diutius seruant, vtuntur. Hanc Milesiam fuisse olim dictam ex Plinio coniçitur, qui ait eius colorem esse ardentissimum.

Rosa purpurea siue in rubro nigricans & ceu violacea aliquid diluti admixtum habens. A priore alioquin parum discrepat, nisi quod maior sit. Aliqui Rosrosen appellant. Videtur Trachinia Plinij.

Damascenæ quasi de Sæni apud Arabas, siue Muscatæ, simplici flore & præcoci; & pleno, quæ posterior species in autumnum usque floret, est fragrantiss. odore. Prior vero ex albo florem ad puniceum non nihil vergeantem habet. Quæ pleno flore est ad coronolas Plinij quidam accommodant, quod inde Coronæ odoratiss. aestatur & autumno nascatur. Quævis forsitan posteriorib. saeculis primum Italiae innotuerint. Quid enim mirū, quamuis multa Theoph. & Plinio Rosarū genera numerentur, alia etiam extitisse nostra ætate. Tantopere enim diuersis locis per se & humano opere coacta variat natura suas opes. Apud Serapionem & Auicennam Rosa Muscata flore simplici vocatur Nefrin vel Nefrin. Hæc in nostris hortis perfert hyemem nisi sit acerrima, qualis fuit anni superioris 1586. Repullulat tamen ex radicibus. Huius vicina folia aluum leniunt (quamuis idem præstet sed paulo copiosior sumpta quæ pleno est flore) quam facultatem Græci antiquiores non norunt, sed Arabibus & potiss. Mesuat acceptum referendum. Vnde in Hetruria verno tempore in Accatrijs exhibetur pueris. Quod Fumanellus in Regimine senu & commentariolo de Rosis vberius annotauit.

Rosa Cinamomea simplex, fructu oblongo admodum præcox, quam pro Lychnidè Plinij habet Gesnerus & in Albio monte maiorem & minorem nasci tradit. Quaternas in costis singulis foliorum syzygias habet plerunq; maior, præter summum singulare, quod domesticæ nullæ nisi raris. sylvestres quædam sed non omnes solent. Minor, quæ pro mare habet, ut priorem pro foemina, minutiores gerit spinas; floris pericarpion spinosum est modice, superioris lœve.

Altera,

Altera, quam vulgo Venetam vocant, alijs Prouincialem, præcox & ipsa est, minoribus ac densis floribus dilute purpurascens. & in medio suaue rutilantibus eximij odoris. Cortex huius fruticis admodum rubet. Facile fert hyemis iniuriam & mire se propagat, ideoq; forte apud veteres vilissima fuit, pluribus sed minutiss. foliis, Spermonia Plinij. Mauult enim sic legi Barbarus quam Spinolam aut Spinosam. Ita enim siue quod minutiss. folio, siue quod vilissima omnium sit, rectiss. videri posse ait. Sunt qui Sycioniam legendam putent.

Rosa ab sg. spinis, purpuraeens plenis maioribus floribus, de qua plura vide apud Clusium in obs. Pannonicis.

Campestris odorata Clusii in obs. Pannon. siue Pomifera, ut existimo, Lobelij, quamuis hic sine spinis depingat, cum reuera sit spinosiss. Crescit non solum in Austria & alibi sed & me quoq; reperta est in montib. Franconia, qua itur in Hassiam, vulgo auff der Lederhecken.

Rosa lutea, Apennini in Italia inquilina. Scribunt aliqui Rosæ albæ surculum facto foramine per Genitæ scapum traductum & implantatum luteos flores producere: quemadmodum in Aquifolium siue Ilicem insertū, virides. Quod tamen neutrum adhuc experiri licuit. Vnde vero herbacei coloris rosæ sine calice interdum frigidiori & humidiori anni cōstitutione proueniant, erudite explicat Doctiss. Costæus de vniuersali stirpium natura. Sicut I. Cæsar Scaliger in suis exercit. explicare studet quare Rosæ sint spinosæ. Tardius proueniunt semine atque ideo caule conciso propagantur. Vtione & rectione meliores fieri frutices omnes rei rusticae scriptores testantur, ac translatione quoque celeriter proueñit. Nisi quinto anno repurgetur & recidatur, odorem gratum flores deperdunt, vt Costæus quoque notauit, eiusque rei ratione reddit doctam.

Rosa Canina, κυνόφρεδον, viuis sepib. idonea. Inuenitur & hæc duplicato flore, quæ pro Alabandica Plinij haberi queat.

Multorum remediorum, tam interiorum quam exteriorum materiam præbere Rosas omnibus constat: quæ singula enumerare non est huius loci. Saccharum Ros. purgans vide apud Card. de tuenda valetudine, quod ut peculiare, sic non est contemnendum. Interior luteus flos rubræ Rosæ, (quem perperam vulgo Antheram vocant, cum hæc dictio compositionem quandam denotet, à colore viuido appellatam) puluerisatus cum aqua Cydoniorum destillata datur vtiliter in nimio mensium fluxu. Ad dentes à corruptione seruandos & gingiuas roborandas sumitur acetum Scyllitici & aquæ è calicibus Rosarum destillata æqua portio & eo sæpe os colluitur, annotante Monarde Hispalensi de rebus Indicis.

Spongiola in Cynorthodo leuigata & vsta contra calcum & vrinæ difficultatem est efficax. In eius cauitate interior tinea quædam candidæ interdum occluduntur, quibus puluerisatis ad expellendos vermes intestinorum multi felicitè vtuntur.

Ferculum, ut ipse dicit, suauiss. docet parare Athenæus ex Rosis lib. IX.

Turcæ (ut Generosus Domin. Augerius Busbeckius, &c. in suo itinerario notauit) folia Rosarum humi iacere non patiuntur, quod, ut Vetustas Rosam ex sanguine Venetis, sic isti fatui ex sudore Mahumetis ortam esse sibi persuadent.

Multa Philologica de Rosa vbique sese offerunt, quorum pauca, ne nimium hoc opusculum crescat, & selectiora tantummodo afferemus. Imprimis vero mihi placet versus elegantiiss. Theocriti:

Καὶ τὸ πόδον καλόν οὐτὸς ὁ λέοντος αὐτὸς μαρτύρης.

In quam sententiam elegantiss. distichon extat Ioan. Maiorioris poëtæ celebris.

*Vi rosa mane viget, tamen & mox vespere languet,
Sic modo qui fuimus, cras leuis umbra sumus.*

Et alterum eiusdem:

*Vidi ego mane Rosam solis cum lumine nasci,
Et vidi rursum sole cadente mori.*

Apud Claudio legitur: *Armat spina Rosas: id est, nihil absque labore iucundum.*

Huc referendum Epigramma Virgilio ascriptum de Rosis, & versus suauiss. Anacreontis, quæ passim extant.

Philostratus Rosæ fruticem Cupidini dicat, quem tota facie videt æmulari. Semper illa recens iuuenisq; nec nō molliſ ut Cupido. Aureis comatur capillis. Spinas pro iaculis gestans, pro facib. fulgore, folia pro alis rosæ data sunt: neque Cupido neque Rosa tempus norunt. Idem lumina terræ, veris comas, amoris igniculos, terræ fulgur appellat.

Rosa Hierichuntica, vulgo dicta, quæ nobis superiore anno pulchre floruit, ex semine nata. Amomum esse nequit, cum descriptio ei non congruat. Sed aliquid ferme habet cōmune cum Thlaspi, parum tamē vel nihil ac redinis, quæ gustu percipiatur, nisi in radice & surculis, quorū sapor æmularit Raphanum. Infestatur admodū à Campis viridib. vt Nasturtiū, Eruca, Brassica & cōgeneres herbæ. Eius sylvestrem speciem quam in Syria testis & ruderib. innascentem inuenit D. Rauvolfius mihi communicavit. Bellon. libr. 2. sing. capit. 86. repræhendit monachos, qui fuerunt autores nominis huius plantæ & superstitionū quib. ad hunc usq; diem est obnoxia: nec non eos qui pro Amomo habent. Addit se rep̄eiriſſe in Arabia deserta ad littora maris rubri, crescentem in sabulo. Circa Hiericho vero nusquam apparere. Atque idcirco dictum illud sacræ scripturæ: Sicut plantatio rosæ in Hiericho,

falso huic accommodari , cum intelligendæ potius sint res
alioquin sic appellatæ rubræ vel puniceæ.

Rosmarinum Coronarium, quod ut apud nos studiose colitur, ita
in Gallia Narbonensi sua sponte tam copiose crescit ut li-
gni vtantur loco, ad focos instruendos. Floret bis in anno, ve-
re & autumno. Amat terram non nimis pinguem aut humi-
dam, sed potius sicciorum. Plinius lib. 17. cap. 13. nescit illi se-
men esse: Sed nos obseruauimus copiosum proferre: quod si
sponte deciderit, antequam colligatur, paruas plantas pluri-
mas creat, quæ tamen raro sunt in alterum annum viuaces.
Inseritur eius scapus in Iuniperi teneras arbusculas, & ita in
locis temperatoriib. per hyemem sub dio nonnihil tamen
munita relinquitur: idq; memini me vidisse Aschaffenburgij
in horto Electoris. Inde olim penatibus coronæ suspendebā-
tur. Horatius:

Paruos coronantem marino

Rore Deos, fragilis, Myrto.

Hæc admodum annosa est planta.

Oleum huius per organa Chymica paratum plurimum
roborat cerebrum frigidius. At per insolationem in Cani-
cularibus ex eius floribus factum utiliter adhibetur contra
cicatrices & obscuritatem oculorum.

Rubia tinctorum siue *Erythrodanum*. In hortum translata mira
serpit viuacitate. Colitur copiose cum magno incolarum
fructu in Silesia circa Vratislauiam, in Selandia & alijs lo-
cis. Disputant inter se Medici vtrum astringat vel aperiat.
Langius tamen & alij medici vsu & experientia obseruarunt
foedum colorem regij morbi emendare & menses promo-
uere. Aqua eius destillata opt. ad vlcera oris addito paucō
Alumine & aliquid mellis Rosacei. Huius radix & Sanicula
in vino rubro cocta & herniosis imposita, plurimum condu-
cit. De eius cultura aliquando peculiarem commentariolum à
nobis

nobis habebit harum rerum studiosus lector.

Rubia sylvestris inter gramina passim sponte proueniens.

Rubiola arvensis, flore cæruleo, in agris Bauariæ itemq; Hassiæ frequenter occurrentes.

Rubiola Saxatilis, tenuissimis foliolis, locis saxosis & strigosis ageribus tam in Franconia quam Thuringia sèpius à me inuenta.

Rubus Idaeus Leucocarpos, id est fructu albicante, odoratissimo.

Ex Rubi Idæi fructibus aqua & succus elicetur fragrantiss. odoris & cordi amicus admodum: quod etiam Gesnerus annotauit & in accuratiss. Antidotario Augustano CL. V. D. Adolphus Occo, Reipub. Medicus præcipuus.

Rubus parvus saxatilis alpinus Domini Clusii in obser. Pannonicis quem nobis communicauit superiore anno Nobiliss. & præstantiss. vir Dn. Georgius Riteselius ex Hassia rei herbariæ amantissimus.

Ruscus, Oxymyr sine, ex quo in Italia scopæ fiunt. Anguilla: opinabatur esse Serapionis Cubebas & secundum eundem Carpesium Galeni. Sed haec Arabum confusio quædam est. Hyc mem nisi clementiorem apud nos non fert. Locis subterraneis asseruata & in eunte vere loco umbro collocata baccas rubras in hortis nostris producit.

Ruta hortensis. Πίγαρον esse Græce dictum Plutarchus in Sympo: existimat, quod ob siccitatem calori mistam semē constringat & coagulet, atq; ideo prævantibus sit inimica. Hanc assumptionam ideo suspicionem beneficiorum corrigere censet Aristoteles, quod calefacere & discutere fatus possit, qui in eo excitari solent qui cum perturbatione metuq; fascini, cibis aut potionis aliiquid assumpsit, vt annotauit Ruellius lib. 3. cap. 38. & Costæus lib. 2. de vniuersa stirpium natura. Ruta adeo acris est, vt in Scotia quidam hortulanus ob copiosam rutam per aliquot dies erutam & putatam inciderit in erysi-

pelas manuum & frontis. Ideoq; Plin. lib. 10. cap. 13. cicutæ succum inquit prodesse manibus colligentium rutam. Quare mirum non est si abigat serpentes. Item ea inuoluta cadauera diutius conseruantur integra. Antigonus scribit in mirabilium rerum congerie, Mustelam priusquam cum serpente pugnet, odore rutæ se se munire. Imprimis quoque prodesse inquit rutam in mero decoctam contra ictus serpentum. Plutarchus præterea in Sympos: tradit, rutam sub fieu vel prope nascentem suauorem fieri & sapore mitiore. Addit Plinius lib. 19. nusquam lætiorem prouenire quam sub hac arbore. Surculo nasci aliquoties compertum habemus, etiam non in perforatam fabam indito, vt idem notauit, melius seri, quod succo nutriat compræhendendo surculum. Furtiuam prouenire fertilius putant quidam superstitionis, itemq; cum maledictis satam. Hæc cultura, (vt sæpius vidi) ita in altum crescit, vt etiam tres cubitos superasse meminerim, ac admodum est longæua; cuius radix tandem planè lignescit, quæ si accenditur suauem & tempore pestis utilemittit odorem. Ruta & Eruca subfalso alimento redduntur meliores.

Ruta sylvestris tenuifolia, acerrimi odoris: cumque loca amet montana & inculta, difficulter assuescit horto. In Apulia quandam speciem crescere ait Anguillara, quæ plane sit venenata, præsertim si sua sponte in saxis proueniat, vt Plinius lib. 20. cap. 13. in Macedonia, maxime iuxta flumē Alyacmon similiter fieri tradidit.

Ruta sylvestris altera, adhue in Samnitibus Harmel vulgo dicta, quæ hyeme in fœtili est recondenda, quamuis difficulter apud nos semen producat. Florere eam semel vidi.

S A B D A R I F F A depicta à Lobelio, sed Icon haud est usque adeo accurata.

Sabina vulgaris ybiq; nota. Plinius lib. 17. cap. 13. propagine seri& auulione scribit & fece vini aut è parietibus latere tufo mire ali. Negat enim semen illi esse. Id quod de una specie solummodo verum est, non item de altera. Huius foliorum puluis cum pinguedine laeti innatante commixtus ad tineas puerorum commendatur. Hæc una cum Hermodactylis trita & oxymelite Scyllitio excepta vel succo cændulæ clauos callosque abolet etiam in partibus pudendis à fœdo concubitu contractos. Card. 4-de tuenda valetu. memoriae prodidit serpentibus ita esse amicam hanc plantam, ut in agro Comensi magna viperarum multitudo circa ipsam conuenerit.

Sabina baccifera, magis cæruleis folijs prædita.

Sagapeni planta vulgo dicta: Costus Spurius Apuliæ Matthiolo. Sagapenum in Italia gigni Plinius autor est, sed in totū transmarino alienatum.

Salix latifolia Salwenden. Crescit in monte S. Mauritij vicino huic vrbi iustæ arboris proceritate & in folijs quædam tubercula gignit, nec non in surculis pillulas quasdam scabras, non absimiles ijs quas in Thymiamate reperientes Pharmacopolæ pro Styracis fructu venditant. Verno tempore odoratissimū florem emittit, ideoq; pro Chaleb Syrorū à Gesnero habetur. Semine etiam sese propagat & facilis auctu crescit in arbusculam, vt ipsimet obseruauimus in hortensi nostra.

Salvia latifolia, & altera eiusdem formæ cum auriculis: item tenuifolia auriculata, & eius generis Hispanica odoratissima. à frigore munienda, sicuti quæ flore est albo, cuius

cuius meminit quoq; Aloysius Anguillara. Hæc non simo pingui sed luto veteri cum terra debet stercorari. Lixiuij etiā cinere muniunt olitores & sic lætiorem prouenire testantur. Saluam viro sam & quasi pestilentem esse censendam ait Mizarthus in memorabilibus, quæ foliorum pinnas quasi carbunculatas præse fert, estq; toto habitu retorrida & tanquam sideratione perculta. De saluia sub qua Bufo latuerit, ex cuius foliis comeditis quidā mortuus fuerat, Paræus in sua Chirurgia memorabilem historiam recitat.

Saluæ & vrticæ folia simul in mortario contusa ac instar cataplasmatis parotidibus imposita plurimum iuuant.

Arnoldus de villa noua lib. I. cap. de spasino, versum vulgarem: *Cur moriatur homo cui Salvia crescit in horto?* allegat non sine risu ex Georgicis Virgilij.

Salvia sylvestris, quam copiose reperi in Thuringia inter Salzam & Weissensee.

Sambucus, siue secundum Serenum *Sabucus*, campestris siue vulgaris. Acinorum emulsum commendatur in hydropicis. Cimæ teneræ decoctæ in aqua ad dimidium cū paucocroco, menses cient. Insita prunus in Sambucū, quamuis, ut expetus sum, non facile comprehendat, fructus fert purgantes.

Reperitur in quibusdam locis, viridib. in alijs albis baccis. *Sambucus montana*, racematim baccas rubras profert, in Latomijs ab urbe ad mille passus sitis, copiose crescens, nec non alijs in locis.

Palustris mas & fæmina. Hæc baccis, ille flore conglobato placet.

Sanguis Draconis supra in Lapathis requiratur.

Sanicula, Diapensia vulgo, herba admodū vulneraria, quæ pafsim in altioribus montibus in Germania reperitur. Ruellius lib. 2. cap. 147. Gallis in adagium venisse vulgo iactatum scribit, eos non egere Chirurgo qui Saniculam habuerint. Sed eius

cius delineatio nostra non omnino congruere videtur. Inter Ranunculos etiam hanc retulit.

Sanicula guttata, aliis *Saxifraga Sabaudica*. Italis nonnullis umbilicus Veneris Septentrionalium. De qua consulatur Gesnerus in libello de Lunariis & alibi. Amat loca umbrosa & paulo humidiora, quem si nausta fuerit in horto perennis evadit.

Saponaria vulgaris, ab effectu, nam loco Saponis manus abstergere à sordib. hanc plantam experientia testatur. Differt à Struthio, quod spinosa non sit, non caule lanuginoso, non folio oleo, non sine semine copioso. Dodonaeus ad Alisma Diosc. referre conatur.

Satureia. In Acetarijs & intinctibus magnus illius usus apud Italos præsertim, apud quos etiam multi tantummodo cum pane comedunt, unde aliqui, quia Saturos reddit nomen traxisse existimant. Columella cum Ceparum semina sparguntur, præcipit ijs Satureiæ semina immiscendum: nam & viridis esui est iucunda, nec arida inutilis ad pulmentaria condenda: quo d' hodie seruatur olitoribus idcirco *Zwibel Hyssopus* id est, *Hyssopum Ceparium* nuncupantibus. *Thymbram* à Satureia discrepare sentit idem autor dum canit. *Et Satureia thymireferens thymbræq. saporem.* Quintus Serenus Satureiam speciem Thymbræ notauit, quasi Thymbra, non absoluta voce sed Cephalote thymbra diceretur, quam Plinius cunilam capitamat nuncupat. Sed hæc copiose tractat Ruellius lib. 3. cap. 32.

Satureia perennis, ex horto peritiss. Pharmacopœi Francofurtensis, Adami Keckij.

Satyrion Basilicum, ut vocant, flore albo & rubello, itemq; bifolium. Vide supra Orchides.

Saxifraga hircina maior & minor. Supra Pimpinella.

Saxifraga magna Matthioli, in Thuringia frequens, vel simillima

prosternit herbula, quæ non magnitudine sed viribus potius id nomen obtinuerit.

Saxifraga Bauarica; in petris nudis musci more innascens, foliis thymi sed virentioribus, flosculo stellato, candido, quinq; foliolis constante, imprimis eleganti.

Saxifraga alba; cuius decoctum efficax in difficultate vrinæ:

Aurea Dodonæi, circa fonticulum ab Eobano Hessio carmine celebratum copiosa, vulgus vocat, zur Buchen Klingen, vnde in hortum transtuli:

Scabiosa maior & minor dissectis foliis ex Hercynia sylva: item floribus luteis ex Thuringia, vbi passim locis petrosis & in macerijs crescit. Herba est ad modum *πολύχειρος*, cujus succus calidus impositus vulneribus sagittas extrahit. Item ad carbunculos efficax, vnde etiam in Germania nomen illiim possum, *Apostolemfraut*. Extractum *Scabiosæ* efficax admodum in pulmonum affectibus ac præsertim peripneumonias mihi commendauit CL. V. D. Caspar Hofmannus vir doctiss. & humaniss. Archiater illustriss. principis Electoris Brandenburgici.

Scabiosa maior Matthioli:

Maxima, leucanthemos.

Graminea, folio argenteo, flore purpureo, Florentia milia. Nascitur etiam in fodinis ferri Styriæ.

Bauarica pumila, folio tenuissimo, flore purpurascente vel incarnato non absimilis Pannonicæ II L

Hispanica, elegans planta.

Gallica, folio oblongo, tenui, nigricante, nitido. Huius sapor idem fere est; qui baccarum Solani vesicarij, quod Alcakengi vocant, cum nondum maturæ sunt.

Fruticosa siue arborescens, quam Cæsalpinus describit.

Alpina, Centauroides; alijs Gentantium Nothum.

Quilla Dodonæi.

Reponens

Repens montana.

Scammonia Antiochena, aliquot annos apud nos durat afferua-
ta in fæcilibus per hyemem, & æstatis initio floret, sed semen
nunquam absoluunt. Memini Dominum Cortusum Patritium
Patauinum, rerum naturalium summum indagatorem ex
crassis radicibus aliquot vncias succi extraxisse. Aiunt si pro-
pe Tithymallū seratur, adeo eius caliditatem accendi, ut ve-
neni naturam acquirat. Huius tamen liquor caloris acrimo-
niaque vi per ætatem amissa benignior nonnihil euadit.
Quod vero non eas notas habet Scammonum quales illi
Diosc. tribuit, causa esse putatur, quod hoc tempore non
obseruent veterem parandi modum, ac non ex incisa sed
dissecta prorsus vel expressa radice aut è stipitibus & foliis
contusis paretur: alioqui tanta copia Scammonij quo pacto
quotannis ad nos afferri posset? vel etiam lacte Tithymalli
sepius adulterant. Pulcre mhercule alicubi Ruellius inquit:
Nulla medicinæ pars incertior, quam quæ ab alio orbe quam
nostro petitur. Depurandi vero rationem peculiarem alibi
Deo volente docebimus.

Scammonia Monspelliensis maritima. Crescit etiam copiose pro-
pe Tripolim in maritimis, ubi incolæ vocant Meudheudi,
Rhasis Coriziolam. Scammonium paruum Plinius nihil aliud
est quam Helxine cissampelos.

Scandix Pecten Veneris.

Schœnanthum, luncus florid. siue aromaticus ex semine prodit,
vt etiam frater meus Ludouicus p. me: facto periculo non
sine voluptate obseruauit.

Scilla. Hæc effossa aliquando per aliquod tempus in vere flo-
ruit. Sed tales bulbi postea raro iterum flores producunt,
quod etiam in Croco & Narciso autumnali obseruauit.
Quam nos usurpamus existimat Doctiss. Costaeus in conim.
ad Mesuen, esse Plinius nigrum Scillam, id est fœminā, eandem

cum Pancratio quam Dioscor. subrufam esse scribit. Nec est quod illam venenatam esse vereamur, cum longa experientia salubris esse depræhendatur. Idem ait, acetum Scilliticum rectius ex recenti quam siccata parari. Si tunicæ siue laminæ reponantur loco tepido, plurimos paruos bulbulos, ut Conchæ margaritas creant, qui postea terræ commissæ crescunt in amplitudinem, & diu admodum candidi permanent. Sed perierunt mihi in usitato frigore superioris anni, ut non potuerim obseruare, an tandem etiam rubescant. Panis medullam, in qua Scilla corrigitur scio Pharmacopœorum pueros impune deuorasse.

Sclarea, Horminum quorundam, Gallitricum.

Scolymos Theoph. Eryngium Vegetij.

Scolymos Diosc. vulgo Cardoni.

Scordium. Hoc quamvis in locis humidioribus & palustris, frequentius inueniatur, probatur tamen magis quod ex montanis locis irriguis defertur: quale est Pannonicum, quod odore caput ferit & cæteris est acrius. Commendatur quoque Creticum lanuginosum. Scordium in hortum translatum mire serpendo se propagat. Egregiam historiam, quo pacto in Thracia à peste ex Scordij decocto cum Terra Lemnia & Dia cordio multi ex suis conseruati fuerint, recitat Genersus Dom. Augerius Giffenius Busbequius, &c. in suo per eleganti Hodæporico Constantinopolitano, quam integrum hic recensere nimis longum foret.

Scordium II. Plinij, ut quidam vocarunt, Tragi syliuestris Salvia, Scorodonia Cordi. Crescit plurib. in locis Germaniae, & præsertim ad Rhenum. Odorem habet Scordij, non nihil Teucrij referentem. Anguillara scribit secundum Scordium in Samnitibus ad ripas fluuij Piscaræ nasci foliis amplis instar Melissæ vel Calamenthi primi: atque idem reperiiri in Crête, Græcia, & multis aliis locis non dissimile odore & qualitate à primo.

Scorpio-

Scorpioides folio Bupleuri I. Dodonæi, quod plerisq; locis aridis & montosis nasci tradit, in oliuetis quoq; Narbonensis Galliæ: & aliud Matthiolo depictum, in Galliæ vinetis nonnullis spontaneum, *Thelephium Anguillaræ*.

Scorzonera floribus simplicibus & plenis. Videtur omnino ad *Tragopogon* posse referri. Crescit in multis locis Germaniæ, præsertim in Thuringia & Bauaria. Hispanica non alia ratione quam soli & climatis videtur à nostra differe. Aliquot huius differentiæ Pannoniæ & Austriæ peculiares recenset Dn. Carol. Clusius in suis obs. Pann. Aliqui hanc opinantur ad Cantabricam posse referri, sed haud scio quā recte. Card. lib. VI. de variet. rerum tradit primum in Tarragonensi Hispania quæ nunc Catalonia dicitur, cuiusdam Mauri industria hanc plantam esse inuentam ac Escorzonera vocatā, quod contra Viperas & alia venena esset efficax, quemadmodum etiam inter cætera quæ suppeditat remedia oculorum morbis auxiliatur.

Scrophularia maior, & altera sine *Scrophulis* siue tuberculis, cuius flosculi & folia sunt nostrate elegantiora, in cæteris ferme conuenit: nec scio an ab alijs descripta, nisi sit *Galeopsis Anguillaræ*. Semine quotannis sua sponte propagatur. Eius iconem exhibemus in fine huius Catalogi.

Sibban siue *Sesban* Indicum. Planta leguminosa, egregia, caule procero, tuberculis acutis exasperato, ramoso: foliis ferè Senæ vel potius Thamarindorum. Flos non potuit emergere obæstates superiorum annorum inconstantes & nimis præcipites. Semen oblongum est ut *Coluteæ scorpioidis*, sapore pisi.

Securidaca major & *minor*. ~~hæc~~ Græcis forte per antiphrasin, cum semen sit amariss. Itemq; *Securidacea clypeata* à Lobelio ac Dodonæo descripta. Floret hæc primo quidem anno, eximio purpuræ rubore spectantium oculos in admirationem rapiens:

rapiens: non tamen semen perficit, decidentibus simul cum flore inchoatis siliquarum rudimentis. Onobrychis altera Dodonæi. Nec desunt qui velint Helenium esse Aegyptium; sed non conuenit, cum radix rubra sit.

Sedum, supra Aizoon.

Sena Italica, quæ apud nos fuit annua planta. Contrahit nocte folia, sicut multa alia eius generis leguminosa. Alexandrina ne quidem in Italia ultra annum durat, ideoq; pro frutice haberri nequit. Quod hoc tempore foliis potius utramur quam folliculis contra sententiam Mesues, causa est, quod non folliculi eiusmodi, quales Mesue describit, qui scilicet tempestive ex planta auferuntur, sed potius nimis aridi & inefficaces afferri soleant. De Sena quedam Galeno Mesues ascribit, quæ ille ne sonanauit quidem, vt etiam Manardus in annotationibus meminit, & epistola prima libri primi.

Senetio flore odorato, foliis magis quam vulgaris, mollibus, odore Ambrosiæ siue Conyzæ Hippocratis Anguillaræ, à Dn. Iosepho de casa bona Magni Ducis Florentini simplicista ad me missa.

Senetio maior, floris Iacobæi species, magis tamen quam vulgaris, foliis laciniatis. Ad anginas, tonsillarumq; inflammations utiliter inde gargarismus paratur. Decoctum & succus vulneribus & ulceribus fistulosis depascentibus, ne serpent, utilis, quod experientia confirmat. Senation Scrapionis alia planta est, nimirum Nasturtium aquaticum.

Serpillum maius flore purpureo & aliud candido. Minus folio thymi sed virentiore, angusto. Et tertium huic simile, quod ex vulgari Thymo duriore degenerauit. Quartū item foliis latioribus, à duriore Thymo alioqui parum discrepans, præterquam quod repat.

Serratula.

Sesamoides

*Sesamoides magnum Salmanticum à D: Clusio in ob: Hispalicis
descriptum.*

Paruum Matthioli, potius ad Chondritlam referendum.
Sesamum verum: Prodiit ex semine, foliolis binis oblongis, sub-
rotundis, duplo maioribus ipso semine; & ex ipsorum medio
emiserunt alia crenata; sed ea se non explicarunt, planta sen-
sim marcescente. Sed ex eodem semine, quod à périssim. Phar-
macopoeo Neapolitano Ferdinando Imperato missum satis
fœcundum experti sumus, quoniam maceratum ac terræ
mandatum in fictili iam inchoante hyeme fuit enatum, spe-
ramus æstate proxima, Deo volente, si iustis caloribus ac na-
tiua temperie indulserit, nos habituros plantas viuaciores.
Eius genuinam picturam ex siccis plantis exoticis D. Rau-
wolffii mihi ab ipso humaniss. communicatis, primum, ve-
existimo, delineauimus.

Seseli Aethiopicum Fuchsii, & Peloponnesiacum eiusdem:

Est & alterum Aethiopicum ex illustriss. principis Landgr.:
Vulhelmi horto Cassellano celeberrimo missum, cuius se-
men aliquantulum *Cinamomum* repræsentat odore & sa-
pore. Folia fert Aquilegiae ferme similia, sed multo ampliora.
Seseli Aethiopicum verum, diligentem culturam apud nos requi-
rens. Non locis subterraneis nisi admodum siccis & perflatis
per hyemem habendum & modice rigandum.

Seseli Massiliense. Lucas Chinus excellens rerum simplicium
censor, circa viginti plantas descriptioni *Seselios* Massiliens-
is conuenientes se nouisse affirmauit.

Creticum, maius & minus, ut vulgo dicitur, sed Bellonius
γενετικής hodie appellari dicit in Græcia & inter olera come-
di, nomine, ut videri queat, ἀπότητος καρπούς detorto.

Pratense Monspeliensium.

Palustre. Vnicam plantam reperi in quadam paludo-
sylva. Vrbi vicina, prope piscinas amplissimas, iuxta pu-
tridos;

tridos arborum truncos, folijs ferulaceis, radice longa subfuscā & ingrato admodum gustu cum ferore non exiguo fauces tentante: in hortum vero illata minus vrens euasit & saporis foeditatem deposituit, & caulem protulit ramosum, tricubitalem: flores candidos in umbellis & semen latū, foliaceum. Planta est lactescens, ut quædam aliæ umbelliferae, quales sunt Thysselium Dodonæi, Chærefolium, Caucalis Hispanica &c.

Sferra a *caullo* *sylvestre Germanicum*, itemq; *Italicum* apud nos hortense tantum.

Sida *vulgo* vel potius *Althæa palustris*, flore albo & subrubro.

Quam postremam plantam aliquando in Italia in Maio ad ripam Athesis circa Anguillaram vbi flumen traiicitur, copiose admodum non sine voluptate florente repeti. Repullulat à radice in horto per aliquot annos, nisi sit hyems nimis aspera. Dodonæus vocat *Althæam* hortensem.

Sideritis prima *Heraclea à Dn. Clusio* primum transmissa, item *Fuchsii* *Sideritis* & alia *Matthioli*, quam *Lanceam Christi* alicubi vocari *Gesnerus* tradit, & usurpari in balneis & fométtis ad membrorum impotentiam. *Marrubium palustre* *Tragi*. Sunt qui *Aegyptiam* dicant herbam, quod hi qui se *Aegyptios* mentiuntur, quales per Germaniæ ciuitates subinde discurrunt ac diuagantur, hac herba nigricantē colorē, quemq; *Aegyptij* obtinent, sibi adsciscant. *Succus enim* huius herbae nigricante huiusmodi colore quævis inficit, qui adeo pertinaciter inhæret, vt elui aut abstergi nequeat: adeo vt tæla lineæ hoc infectæ perpetuo eum retineant, quemadmodū Dodonæus obseruauit.

Sideritis tertia *Matthioli*, quantū ex pictura potest coniisci, forte non satis exacte, vt nonnulla alia, pictorum negligentia re-presentata. *Gesnerus* tradit circa *Glaronam* in pede montis locis saxosis nasci. *Monspel.* *Ruta canina*.

Sideritis arvensis flore pallido, sponte nascitur in agris circa Francofurtum ad Mœnum.

Sideritis arvensis flore rubro. Ladanum segetum Dalechampij.

Siler Creticum, quo nomine ex Italia mittitur, foliis Cicutæ, sed latoribus & paucioribus, semine incurvo, grandi, hirsuto & fusco.

Siliqua siue *Ceratia*, quæ tamen ut facile ex semine crescit: sic quoque in alterum vel tertium annum, si vel parum negligatur, vix perdurat.

Siliqua sylvestris, vide *Arbor Iudæ*.

Sinapi album, aliud ab *Eruca*, cum qua quidam confudere. Plantæ *Sinapis* prima hyeme translatæ, plus cimæ vere afferunt. Columella de re rustica lib. 11.

Sifer, Sifarum. Huius radices ex Germania Tiberius sibi afferri curauit.

Sison ex semine mihi interdum prouenit, quod in officinis pro Amomo habetur.

Sisymbrium, Rote Bachmünz. Aqua huius stillatitia multum confert cōtra difficultatem spirandi & pulmonum infarctus & angustias. Antigonus in congerie mirabilium narrationum, Aristotelem ait scripsisse ex putrefactis *Sisymbriis* scorpios nasci: quod de Ocimo alij memoriae prodiderunt.

Sisyrichium Clusii. Bulbi allati Constantinopoli perierunt putredine, sed rursum progenuerunt sobolem, quæ adhuc est superbes.

Smilax hortensis, *Phaseoli vulgo*.

Smilax aspera, in loco hypogæo per hyemem seruanda. Floruit quidem sed non tulit fructum, perennis planta est.

Smyrnium Matth. alias *Petroselinum Macedonicum*, siue *Olaus* atrum apud *Scribonium Largum*: Anguillara existimabat esse *Hippocelinum* Theophr. Hippocelinum autem cum *Smyrno* confundere non esse nouū patet ex *Hesychio*, apud

quem legimus, ομένον τὸ ιπποσελίνον καὶ αὐτὸν βοτάνην & Galenus inquit Smyrnium Romanis Olusatrum dictum fuisse ex de alim. fac. Dioscorides vero expresse ait: Hipposelinum Latini Olusatrum appellant, aliqui Smyrnium, quamuis aliud sit, quod proprie Smyrnium dicitur, ut paulo post referemus. Agit vero de Smyrnio statim sequente capite.

Smyrnium Creticum. Mira huic plantæ inest proprietas, nam altero à satu anno prodit foliis geminis, oblongis, ut locustarum ferè alas repræsentent, quæ paulo post marescunt. Inter ea sub terra latitat radix rotunda erui magnitudine aut paulo grandior. Sequenti postea anno folia protrudit instar Ammi vulgaris, ut in pictura Excell. Matthioli apparent, radix vero tenuis fit & oblonga, quæ rursum per hyemem ita perdurat. Primo deniq; vere tandem emergunt folia Petroselini, quæ CL. V. Dodonæus suo Smyrnio recte appinxit, caulisque enascitur circundatus foliis perfoliatæ. Hæc planta semina matura profert, quæ excidunt, & ut diximus, anno sequenti proueniunt.

Solanum hortense; quod non solum nigris, sed & rubris luteisque baccis reperitur. Huius herba succus in cancris perutilis esse solet. Doctiss. Medicus D. Seuerinus Gobelius in suo accuratissimo commentario de succino tradit ex putredine huius herbae vermes virides maculis luteis intermisstis crescere, in quorum capite cornu appetit interdum fermè digitæ longitudine.

Solanum somniferum, quod raro apud nos semina perficit, in quantum iactuta exigua sit, cum plus noxæ quam emolumenti hominibus asserre possint.

Solanum somniferum alterum, cuius meminit CL. Vir D. Ioannes V Vierus, in suo germanico libello, quam herbam Ditmarii & V Westphali contra istum morbum incognitum die Varen magni existimant. De quo vide apud hunc autorem plura. Buchar.

Buchananus lib. VII. suæ historiæ Scoticæ exponit, quo pacto huius Solani succo vina & cerevisiam Scotti infec-
tint, vnde Danos suos hostes ita dementarunt, & in profun-
dum somnum induxerunt, vt eorum Ducem Senonem cum
toto exercitu deleuerint. Perpende quanta vis sit in herbis.
Similem historiam de Helleboro quoq; ex Pausania supra al-
legauimus,

Solanum arborescens, vel *Strychnodendron*, siue *fruticosum*, *A-
momum* Plinij ab alijs appellatum. Facile è semine nascitur,
& perennis est arbuscula, modo à frigore hyeme in loco te-
pidoire asseruetur.

Solanum maius, alijs furiosum ab effectu. Bella Dona Italorum,
cum succo enim illius mulieres faciem decotat. Theophrasti
Mandragora secundum *Anguillaram*. Reperitur in multis
sylvis opacis & frigidioribus Germania. Hier. *Tragus* scribit
huius non baccis sed surculis, sicuti quoq; *Sambuci* monta-
næ Ceruas in rifice delectari.

Sonchus cæruleo flore duum generum, item luteus varius.

Borbus esculentus; *torminalis*, sic dicta, quod torminibus & dysen-
teriar conueniat; siue *Cratægus* Theoph. ut peritissimi quiq;
studij herbarij volunt. Aucupalis.

Sparganium, at non diu hortum amplectitur.

Spartium, *Genista peregrina* siue *Africana*, vulgo *Italica*.

Spatula fætidæ siue *Xyris*.

Spherocephalus flore albo.

Spherocephalus annuus flore cæruleo in satis magnum globum
redacto.

Spherocephalus maximus, pro *Spina alba* missus, altero anno flo-
ridus, priore à gelumuniendus, quo si vel tantillum adura-
tur, extabescit.

Spica Nardi, vulgo sic dicta. Prodit nonnunquam ex semine, sed
difficulter sic asseruatur: id eoq; surculis seriatius est.

Spina Solstitialis, vide *carduus Solstitialis*.

Spinacia mas & foemina. Hāc Gesnerus aīt ab Heluetijs *Gimmeles spinet* vocari. Discrepat autem à mare, caule proceriore, latiusculo, sīne semine; aspectuq; magis ad *Atriplicem* sylvestrem vel Bonum Henricum accedit.

Splith, sumaria Corydalis.

Stachys maior siue Germanica, itemq; minor in superiore Matthioli editione affabre à nobis delineata.

Palustris Gesneri, herba foetida, *Galeopsis* olens, flore spicato purpureo vel interdum luteo, foliis mentastri prioris Pannonicī, radice reptante.

Staphyloendron.

Staphysagria, tarde è semine enascitur. Sponte crescit circa Crepanum in Illyria. Hodie nō adhuc die in Græcia nominatur Ψιρόκοκκον, id est, granum pedicularum &c.

Statice Dalechampij, *Cariophyllus marinus* Lobelij, maior & minor. Videtur Britannica *Anguillara* vel non dissimilis planta.

Stæbe Hispanica Clusii.

Stachys Arabica, sic passim cognominata, cum tamen bona pars ex insulis Stœchadibus ad nos comportetur. Monachi vero, qui in Mesuem scripsérunt, hoc notarunt discrimen vnicum, quod inter cæteras quæ ex Arabia aduehitur, densioribus sit ramulis. Hæc quidem nobis florem, nunquam tamen semen maturū protulit, quod tamen non sine admiratione in Hassia Nobiliss. Dominus Georgius Riteselius in suo horto eo ipso anno quo seuerat naētus est. Græci (vt D. Costæus in Mesuen quoque annotauit) nullam vim purgandi illi tribuunt, vt faciunt Arabes, quæ forte facultas in plane recenti, qualis ad nos non affertur, sicut in rosis, inest, non autem iam arida.

Stramonia supra Nux Methel.

Styrax arbustula è semine enata, foliis Cotoneæ similibus. Hibenda

benda est loco tepido, non nimis humido. Frigoris impati-
entissima cum sit, itemq; aëris verni, cum primum terra ape-
ritur, accuratam curam postulat.

Superba Tragi, Cariophyllum sylvestris, Gesnero πολυχίδης, Muts
willen Federnägele Haarnegele. Diosanthos Anguillaræ.

Symphytum maius flore purpureo & albo. Item subluteo tubero-
sa radice.

Symphytum Petraeum Neapoli missum, foliis Thymi, sed maioribus ac longioribus, non nihil hirsutis, aliquantum, sed minus, odoratis, capitulis Thymi, flosculis purpurascientibus. Non videtur satis facere delineationi Dioscoridis.

Syringa flore albo odorato, frutex exoticus, à quo tamen loco primum ad nos sit delatus, nondum constat. Quidam dicunt ex Hispania in nostras regiones peruenisse. Aliqui tam hanc quam sequentem ad Ostryn vel Ostryam referre conantur, sed frustra, ut mihi videtur, cum Ostryan satis repræsentet, quæ pro Carpino à Matthiolo exhibetur.

Syringa flore caeruleo, à Matth. pro Lilac depicta, sed pictura meliore est apud Lobelium ac Dodonæum.

T.

T A B A C U M latifolium, angustifolium & minimum. Petum etiam vocatur, Nicotiana & Herba Reginæ. Vulgo Vulneraria planta Indica. Mirum est quod minutissimum hoc semen sponte excidens etiā sequentiestate in multis locis horti, ad quæ forte viventorum fuit delatum, sua sponte copiose prodeat. Afferuari potest planta in tertium & quartum annum, at in fictilibus, neq; in loco subterraneo nimis humido. πολύχιδης admodum est planta, de qua imprimis inspiciantur annotationes accuratissimæ Domini Clusii ad librum Nicolai Monar-

dis. Augustæ ex eius succo parant Syrupum idoneum in Asthmate. Vnguentum quoque simplex & compositum admodum vulnerarium hic ex eo in usu est: itemque puluis fo- liorum siccorum in ulceribus immundis. Nonnulli eundem puluerem cum oleo ceræ redigunt in formam linimenti, ac eo vtuntur in dolore articulati si est à frigidioribus hu- moribus.

Tamarindus ex nucleo enata nunquam ultra annum durauit. Turcæ hunc fructum secum ferunt ad sitim sedandam. Deli- neationem emergentis arbusculæ proponit Lobelius.

Tanacetum leucanthemum id est floribus albis, inodorum, crescit in montibus altioribus Franconiæ & alibi.

Tanacetum Anglicum siue Crispum, odoratum admodum. Cu- ius usus est in cibis præsertim contra vermes puerorum. In Scotia vt testatur in Therapeutice puerperatū, Ioan : de Bon Regius medicus in Gallia, heroinæ sectum Tanacetū ad pro- hibendum abortum admouere solent partibus inferioribus frequenter & cū felici successu, quod vt grauius oleat, prius manibus atterunt aut sub cineribus paululum coquunt.

Tatula nuper nobis innotuit, *Stramonii* species maxima. De hac Monardem & Costam consulito. Constantinopoli aiunt capitale esse, si quis eam serat.

Taxus arbor apud nos innoxia, vt etiam Pena in aduersi asserit in Anglia baccas sine periculo gustari & porcos passim vt glan- des comedere. Huius rubri acini aude expetuntur ab auibus, sed inde attonitæ facile postea capiuntur. Scobem quoque illius venenatam esse sunt qui affirment, Hoc veneno etiam secundum I. Cæsar. lib. 6. bello Gall. Catinulus Eburonum Rex desperatis rebus se exanimauit. Gaudet hæc arbor locis vmbrosis.

Telephium Hispanicum.

Minus semper virens, *Cepaea Pantij* sponte in Belgio na- scitur. Telt.

Telephium Ferdinandi Imperati Neapolitani pharmacopei peritiss. Calq, quem in hac planta requirunt veteres, radicem potissimum gustantibus depræhenditur. Perijt superiore hymene, cum ante hac plurimos annos durauerit, semine tamen sponte excidente plurimum se rursus propagauit. Cauliculi supini folijs amiciuntur portulacæ sed tenuiorib. flosculos fert stellatos albantes, in summitate confertos, quib. succedunt nigra semina in capsulis.

Telephium Matthioli, flore albicante & rubro. Anacampseros Gesneri, cuius radix instar aloes in aëre suspensa crescit. Vulneraria planta est.

Terebinthus, ex semine prouenit. Serenda autē sunt grana quæ viridia sunt, rubicunda enim penitus effœta esse obseruavimus. Duum generum est, alta & humiliæ, atque hoc fit regionum diuersitate. Nam in Syria nascuntur proceræ, sed in monte Ida & Macedonia paruæ. Similiter & in Italia Romanæ grandes sunt & crassæ: Hetruscæ vero exiguæ ac distortæ. In Samnitibus adhuc Triuente voce aliquantum corrupta nuncupatur.

Teucrium vulgare. II. Belgicum, III. Beticum. Hoc ultimum præ alijs amari & ingratia saporis est, odoris tenuissimi, diuersum ab eo quod Clusius pinxit. In Lobelio eius imago simpliciter Teucrij nomine inscribitur. In Italia Teucrium crescit circa Carratæ in Lunigiano agro, copiose vero in Græcia & in Cypro, vbi exhibetur contra dolores renum & lienis.

Teucrium verum. Quo nomine missa fuit planta ex Italia foliis pene Scorodonie vulgo dictæ sed minoribus. Florem eius expecto anno sequente. Cauliculi per hymen durant cum summis foliis. Non videtur congruere Diosc. descriptioni.

Thalictrum siue secundum alios *Thalictrum*. I. *Italicum* vulgo, Dodonæo tertium, ex Hispanijs allatum. II. *Germanicum latifolium*, Dodonæo primū. III. *Angustifolium*, IIII. paruum,

uum, Dodonæo quintum. V. flore purpureo, Dodonæo quartum. VI. flore albo. In Italia quibusdam locis vtuntur contra pestem. In Saxonia contra iætericiam. Dodonæus folia oleribus admixta aluum nonnihil mouere tradit: radicis vero decoctum idem potentius præstare. Anguillara adhuc erat de hac planta dubius.

Thapsia latifolia & angustifolia Raro apud nos ad maturitatem peruenit. In Apulia & magis adhuc in Sicilia sua sponte crescens nominatur Turbit & Ferulacoli.

Thlaspi verum, cuius semine utimur in Theriaca, II. apud Dodonæum. II. Supinum hirsutum. III. Platycarpum siue Scordothlaspi I. Dodonæi. IIII. Semperuirens biflorum, folio Leucoij. V. Incanum supinum. VI. Incanum fruticosum Franconia. VII. Rotundifolium Thuringiae.

Thlaspi Pannonicum, descriptum à Clusio, odore propemodum allium referens.

Thlaspi Creticum flore purpureo & subalbo. Huius amarissima sunt folia. Teneræ plantæ priusquam flores perduxerint, in cella afferuati altero anno florent egregie. Dodonæo Draba seu Arabis est.

Thlaspi Bisulcatum vel *Lunaria bisulcata*, à Clusio & Lobelio depicta. Crescit copiose prope Capuam foliis aliquantum diversis quæ fere Napi vel Rapistri sunt, altitudine sesquipedis non multo minor.

Thora Valdensis.

Thora Italica Dodonæo & Clusio depicta, Napello congener.

Thuia siue *Thya* vulgo Arbor vitæ, vt Galli nominant. Clusius in obs. Hispan. potius inclinat in sententiam doctiss. Guilandini in prob. afferentis ad Thyæ descriptionem à Theophr. Cupresso simillimam in Syria Aegypto & Arabia nascentem, cuius fructus Abhel vbiq; in ipsis locis notus, pilularum cu-
prellis

pressi similitudinem habeat. Contra vero Goropius ille
~~πολυμητρία~~ in suo Vertumno Arborem vitæ siue Thuiam
 cum Cedro antiquorū cōiungit & allegat Virg. Versum: *Vrit
 odoratam nocturna ad lumen Cedrum.* Sed quicquid sit, arbor
 hæc primum mihi quoque à doctiss. Rassio missa merito in
 precio habenda est, non solum propter eius odoris fragran-
 tiā, cuius contusi ramuli naribus impositi quandoque san-
 guinem eliciunt, sed etiam propter alias eius facultates non
 contemnendas. Elicitur quoq; ex ea aqua & oleum per Chy-
 mica organa vtile ad dolores podagricos, rite impositum.
 Facile semine nascitur, & surculis propagatur, fertque apud
 nos hyemem parū stramine vel simili remunita. Seri autem
 debet in vasis terra optima & cibrata plenis, vt semen quar-
 ta parte digiti ea tegatur. Cum vero rigare opus est, terra lin-
 teo imposito irriganda, alioqui semina sursum ascendunt &
 nudantur: quod etiam in aliis obseruandum est. Nouel-
 læ plantulæ à sole meridiano per maiores æstus defenden-
 dæ, atque hac ratione plurimas arbusculas breui consequi
 possumus.

Thymelæa, foliis lini, notissima multis locis in Italia, in monte
 Sancti Iuliani Hetruriæ & per Apuliam.

Thymus verus capitatus siue *Creticus*, quamuis etiam in Italia
 circa Neapolin reperiatur & imprimis in Sicilia, qui tamen
 tantum annuus fuit. Alter durior flore albicante vbiq; apud
 nos frequens.

Tinus, *Laurus sylvestris*.

Tithymallus Characias circa Veronam plurimus.

Tithymallus arborescens, ex semine quidem facile enascitur, sed
 difficulter apud nos in alterum annum durat. Vocatur &
Petræus. Inuenitur copiose in Italia, in Hetruria in quodam
 monte, qui dicitur saltus Ceruæ & in Liguria inter Nyçæam
 & Sauonam, ac circa Massiliā. Ego aliquando reperi in mon-
 y tibus

tibus salebrosis inter saxa prope Terracinam quā itur Neapolim, altitudine trium cubitorum, floribus luteis, copiofissimo lacte abundantem.

Helioscopius.

Paralius, Celso *Lactuca marina*, frequens in littore Veneto. In fūstili afferuandus est, vt ingruente frigore intratēctum portari possit.

Linifolius, Paralio cognatus, foliis tantum longioribus ad ripas Mœniā in Franconia frequens.

Myrsinites, semel in hortum translatus sese diuersis in locis propagat, ac illi facile assuescit. Non caret admiratione, quod aliquando superfluias plantas à me euulsas, & in horto per acerrimam hyemem proieetas sequente vere repererim adhuc integras & illas, quæ postea à quodam amico rursum aliò transplantatae fuerunt. Crescit sua spōte in Samnitibus, Marsis & montibus Nursiæ, vbi vulgus nominat Tortomaglio.

Tithymallus fruticosus Germanicus, in littore Rheni & alibi frequens, vnde palustris dicitur.

Tithymallus fruticosus altius, stipitibus rubicundis, perennibus, foliis modice hirsutis, latiuseulis, in Franconiæ syluis obuius.

Cyparissas, siue Esula minor.

Leptophyllum Martioli, Esula exigua Tragi.

Tithymallus tuberosus noster, alias ab Apio Matthioli. Radice Scrophulariæ rubete, tenellis caulinis, foliis Laureolæ Germanicæ, sed minoribus, in cæteris aliis similis. Crescit plurimus circa Lipsiam, locis nemorosis. Repræsentaretur fere iconē Esula dulcis Tragi, si plures caulinii ac tenuiores ex una radice magis tuberosa prodeentes pieti essent.

Tithymallus arvensis, annuus, Esula Dulcis Tragi similis, sed comosior & annuus tantum, nec sine acredine. Cum prodit

dit initio veris prima folia sanguineis guttis aspersa conspi-
ciuntur.

*Tithymallo oculos inungere prouerbio dicitur de ijs, qui
sibi ipsis damnum inferunt.*

T tormentilla alpina, ex montibus Tyrolensis olim à me allata,
radice multo maiore, odoratiore, & rubicundiore quam est
vulgaris, vnde Heluetij apud quos etiam præstans crescit, no-
minant *Rottwurz*. Pulus radicis & florum vrticæ rubræ bene
in Cibano exiccatus utiliter inspergitur vulneribus ad ni-
mum sanguinis fluxum.

*Tragium Creticum Bellonij. Androsænum fruticosum ex Ilua
insula.*

Tragopogon, vide Barba Hircina.

Tragoriganum Neapolii missum, adhuc tenellum. *Origano Oni-*
tidi non absimile, modica lanugine pubescens, odore Hera-
cleotici *Origani*: Sed folia Serpilli non habet, ideoque Tra-
goriganum esse non potest.

Tragum, vua marina circa Monspelium. Secundum *Polygonum*
Hispanicum *Clusij* in suis obseruat. Hisp. lib. 1. Eius iconem
ex *Gesnerianis* typis depromptam adiecimus, quæ fructus
& radicis quoque delineationem habet.

Tragum Matthioli, sed longiore folio quam ille pinxit, nimirum
cultu luxurians ad usum acetariorum.

Tribulus terrestris, qui in agro Monspeliensi Galliae, sicut quoq;
Veronensi Italiae copiosiss. in locis arenosis & apricis nascitur.

Trichomanes.

Trifolium pratense rubrum, album & luteum.

Trifolium Halicacabum, seu *Vesicariū vulgo dictū*, aliis *cicer* syl-
uestre, quibusdam ēt satis inepite *Dorycnium*. Folia plerunq;
quaterna vel quina gerit, vt *Loto* annumerandum videatur.

Trifolium bituminosum, in agro Lucensi, circa Lunam & Carra-
ram di Massa & vniuersam Hetruriam notissimum. *Hyemis*

frigora apud nos fert. Semen ex Italia allatum, terræq; mandatum plantam profert foliorum odore bituminoso Italicæ nihil vel parum inferiorem. Semen itidem sapore Italicum refert. Sin autem semen in Germania educatæ plantæ rursus seritur, statim sapore & odore producta planta deficit. Gal. lib. de Ther. ad Pisonem de hoc Trifolio Asphaltite siue hyacinthino differens, inquit, decoctum & morsibus aranei vel viperæ ex aquæ fotu adhibitū ipsis mederi & dolores statim sedare. Sin autem in alio non commorso sanum locum eodem fotu circundederis, similem sensum, similesq; dolores ijs, quos morsus inuehit, omnes efficere, ut reuera miraculo dignum sit, videlicet herbam & morsum sanare & ferarum modo sanam partem prae afficere. Matthiolus in Epistolis cum negligentia arguit in legendō Diosc. lib. 3. cap. 106. qui scribit, simplex huiusc Trifolij decoctum haudquam id efficere posse, sed tantum illud cuius fotu quispiam à ferarū morsibus liber evaserit, si eodem alterius locus vlcere affectus, non sanus (vt Gal. inquit) perfundatur. Ex Sophocle tamen & Simo medico Plinius idem prodidit & Alboali cap. 697. cum errore floris, id quod Scaliger animaduertens exotericarum exercit. 153. distinct. 10. inquit hoc non casu sed sapientis cuiusdam cogitatu productum ad experimentum fuisse. quis enim ludens ablatum à morsō decoctum impoſuerit sibi? Sed Iulius Alexand. respondet, librum illum haudquam à Galeno fuisse editum & ob id non esse opus aliquo defensionis genere. At de his alibi.

Trifolium cochlearium maius, minus & aliæ species, de quibus supra in Medica.

Americum à Dodonæo descriptum & depictum, biennis apud nos planta.

Trifolium hepaticum siue aureū flore cœruleo, item rubro, quod frequens in Vuestphalia circa Corbachium inuenitur, quemadmodum

admodum & albo Cadelburgi in syluis. Hæc herba vtiliter Herniosis adhibetur.

Trinciatella, quo nomine ex Italia accepi plantam Dentileonis similem, sed tenerorē, foliis quoq; magis crispis, laciniatis gustu dulcibus, floribus minoribus & elegantioribus, semine oblongo, lato, membranaceo, superiore parte duriusculis aliquot pilis munito. Eo ipso, quo seritur anno flores & semen producit & si per hyemem in fructu seruetur etiam in plures annos perdurat: alioquin radices, quæ dulces quoque sunt ut vniuersa planta, primo frigore laeduntur & intereunt. *Tripolium* à Lobelio depictum, frequens in littore Veneto. Secundo anno florem producit. Semina nisi in humidis admodum locis sata non facile proueniunt. In horto triennium apud nos durauit.

Tripolium minus ex Salinis Saxoniciis. *Anthyllis Cordi* in sylua observationum.

Tulipa, de qua peregrina & ante aliquot annos demum cognita apud nos planta, quæ ob eximiam florū varietatem & elegantiam diligenter à studiosis rei Herbariæ iam passim colitur, legi poterunt accuratissimæ observationes tam Pannonicæ quam Hispanicæ Caroli Clusii, qui etiam pro sua humilitate plurimas huius differentias tam mihi quam alijs amicis liberaliter communicauit. Nominant alij *Lilionarcis* sum, sunt qui velint esse *Satyrium* *Diosc.* *Triphyllum* dictum. De facultatibus tamen adhuc ambigitur. *Helichrysum* quoque Crateuæ non adeo male ad luteam quadrat, quamvis herbam non integre descriperit sed tantum dicat florem esse similem croco, colore aureo. Miratur Gener. Dn. Busbecquius se in media hyeme huius flores varios Constantiopolis reperisse elegantissimos. Enumerabimns autem primum præcoces, deinde medias vel dubias, tertio serotinas. Maxime vero præ alijs florib. varietas est in præcocci, quarum tot habuimus differentias.

Præcox lutea vel plane aureo colore, vel pallido. Adhæc vel rubris maculis conspersa, & alia maiore ex parte rubens. Item vel aureo fundo vel nigro. Stamina etiam discrepant, quæ in nonnullis flava sunt, in alijs nigricant.

Præcox rubra, eaque vel purpurascens, vel coccinea. Item purpurascens albis oris decora. Nec nō dilute rubens vel incarnata, vnguis vel inferioribus foliorum particulis candidis.

Alba, fere prima omnium florere solet, sed & frigoris vehementiæ aliquando succumbit, si non satis profunde intrat terram abdatur. Est vero quædam penitus candida, excepto fundo qui nonnihil flavescit: quædam diluta rubidine inficitur & tertia violaceis maculis pulcre distinguitur.

Media siue Dubia, Lutea, aurea, pallida: itemq; conglobato flore, non ut reliquarum patulo: & lutea medio fusca, purpureis staminibus, & præter has, quæ virentibus strijs variatur. Deniq; nana siue pumilio flore aureo.

Rubra, coccinea, fundo flavo, nigro, subuirente, in cæruleum vergente. Est inter has quæ nigrum fundum habet & foliorū in flore virentes apices. Præterea paruula admodum strictis foliis, colore saturato rubro.

Incarnata, languidi coloris, nigricantibus staminibus.

Serotina. Hæc plerumq; maxima est & pulcerimma, sed minore colorum diuersitate commendabilis. Lutea nimirum, aurea, pallida, itemq; tenella strictifolia inter hasce, latifolia quoque rursum eaque diclonos, nec non cristata papaueris modo, siue ~~axpoxidis~~, id quod etiam in rubra admodum grandi notavi. Est & suaui rubore purpurascens, qualis in pæonia colos. Tandem quæ Solis oculus vocatur, fundo nigro, quem circulus aureus ambit, reliqua floris parte eximie rubicunda: cuius varietas etiam in odore habetur, qui in quadam plane Lilium conuallium dictum æmulatur.

His

His plerisq; interdum accidit, vt proliferæ sint extra terram, id est vt inter alas foliorum protrudant bulbum, qui sensim tabescente matris superficie incrementum capessit, quemadmodum hoc à C. Clusio in Pannonicis affabre depingitur.

Vltimo loco restant Tulipa Narbonensis quæ minor est, & Bononiensis, quæ major, & plerunq; polyclonos. Odoratae sunt hæ & cum medijs fere florent.

Tussock vide Corona Imperialis.

Tuſilago vulgaris: & altera Alpina à Clusio posita in obs. Pannonicis.

V.

V A L E R I A N A maior siue Phu vulgare. Nam de Dioſcoridis Phu merito dubitatur, cum florem illi tribuat maiorem Narciffo, nisi arnætæ regnatorum nomen legatur, vt Doctiss. Vir D. Jacob. Dalech. censet. Est tamen hæc planta efficacissima & nostro tempore ad Theriacæ confectionem assumitur. Cuius extractum singulare remedium est contra difficultatem vrinæ & alios similes internos affectus. Huius alpina species multo odoratior, flores enim Citrij pomii odorem referunt, & tenerior, ex Allobrogum montibus aliquando ad me misa à C L. Medico Ioanne Antonio Saraceno.

Est & sylvestris Valeriana, siue palustris maior & minor, ubiq; obuia. Decoctum eius efficax est contra icterum.

Valeriane campestris vel arvensis duæ species, hoc solummodo discrepantes quod hæc maior & strigosior sit, ac flosculos suppurascentes, radiculamque magis odoratam habeat: illa pinguior & cibo aptior candidos gerat flosculos. Dodenæus vocat Olus album ἄρινχος λάχανον, & Lactucæ generibus accedere vult, refrigerantisque & humectantis facultatis esse. Mihi vero temperata potius videtur vel saltem in primo gradu calida.

Valerianæ

Valeriana rubra Dodonai, quæ hyeme debet recondi, si metuantur intensior, alioquin satis perfert in horto mitiora frigora. Crescit sua sponte circa Pisas & in Liguria. Radix satis est aromatica. Apud veteres aliqui existimant esse Limonium, alij Condurdum, alij pro Been rubro habent.

Valeriana peregrina vel Græca dicta, quamvis parum cum alijs Valerianis habeat commune. Crescit autem in saltibus & sylvis Thuringiaæ.

Valeriana annua ex Ilua, cuius meminit Cæsalp. lib. 4. cap. 5.

Verbascum mas & *fœmina*. Huius vtriusq; plures pro ratione soli reperiuntur differētiae. Matth. lib. 5. Epist. ad Cortusum refert se vidisse in montib. flore in vniuersum purpureo à Blattaria diuersum. Hoc & *Capparis* pauca aqua irrigari debent. Sub eo quod florem album habet erosa radice sæpe vermes reperiuntur. Vrſas fauicias verbasco sicca temperie prædicto sua vuinera curare tradit D. Basilius, Homil. 9. in comment. ad Genesin. Brasauolas ait in suo de Syrup. comment. in Hetruria Verbasci floribus vulgus rusticorum vti ad lac coagulandum. Puluis verbasci nonnihil purgat, quare eo Vngari in febris vti solent.

Verbascum folio papaveris cornuti, depingitur optime à nobis in recenti editione Herbarii Matthioli.

Verbascum sylvestre, foliis Saluiæ. Reperitur copiose in Græcia & Insula Corcyra, atque etiam secundum Anguillaram in Italia, qui illud apud Marsos ad arcem quandam Pisinam dictam inuenit, vbi incolæ nominant Suchamele.

Verbena mas & *fœmina*. Sumitur interdum *Verbena* pro quauis herba, vt volunt Grammatici.

Vermicularis flore albo, vtilis obstructionibus lienis. Vide supra Aizoon.

Veronica maior, opt. quæ ad radices quercuum crescit, colligitur Julio. *Veronicae extracto* contra pestem multum tribuebat

CL.V.

CL. V.D. Ioann. Crato, trium Imperatorum Archiater.

Veronica fæmina Dodonæi.

Veronica spicata cærulea.

Viburnum Matthioli, Lantana vulgo, frequens circa hanc vrbē.

Ex eius surculis paratur opt. aqua ad oculos. Alij ad tonsillarum & gutturis omnisiq; oris cū inflammatione tumores decoctum initio in gargarismatis cōmendant: Item ad laxiores gingiuas contrahēdas & dentes firmandos. In lixiuio decocta folia capillos denigrant. Acinorum puluis alui fluores, sanguinisq; profluua, tum & muliebria cohibet.

Vincetoxicum, vide Asclepias.

Viola Martia pleno flore, biflora, flore purpureo, candido, rubello. De violis vide carmina elegantia Stigelij & Maioris. Humanæ vitæ conditionem & formæ imprimis fluxam instabilem atque caducam elegantiss. versu proponit nobis Theocritus: Idyll. 28.

Kαὶ τὸ ιών καλόν δὲ γένεται καὶ τάχα γένεται.

Coronas quas olim Latibus imponebat fuisse violaceas prodit Iuuenalis Sat. 12.

Laribusq; paternis

Thura dabo, atq; omnes violæ iactabo colores.

Ad maturandum abscessum in gutture commendatur hic Suffitus. R. Violariæ, cum radice & floribus & Chamæmeli item, coquātur in aqua recto vase, & suffiatur per os. ¶ Costaeus in Mesuen annotauit Byzantij Violæ speciem coli, cætera Martiæ similem, sed flore infinitis foliolis constructo & æquante Rosam Damascenam, magnitudine & odore etiam nostrates superante. Sed hanc non vidisse Italiam, nimirum tunc temporis cum illa scriberet. Huius recentem florem vnum atque alterum prima mensa sumptum, aluum subduce re instar recentis Rosæ, Hieronymum Capellum Venetum rerum naturalium peritissimum obseruasse tradit.

Viola Martialis, inodora, alpina, aliquando à me allata ex montibus Tyrolensis.

Viola arborescens Matthiolis, vel potius recta, vulgo Mater violarum.

Viola multicolor, Flammea Dodonæi, alijs flos Trinitatis, non nullis lacea. Violæ lacceæ purpureus vna & luteus &cædibus color spectatur, vnde illi tricoloris nomen. Costæus de natura vniuer. stirp. Destillatur aqua ex floribus herba & caulis bus & in morbo Gallico, datur per 9. vel plures dies mane & vesperi 3. iij & sudet, commendatur à multis.

Montana grandiflora peculiaris ex montibus Helueticis, duplo maior vulgari, lutea magna ex parte, purpureis lineis intermixta. Flos elegantiss. non expers odoris. Planta facile ex surculis propagatur.

Viola Matronalis, alijs Hyemalis, quibusdam Hesperis.

Virga aurea maior, angustioribus folijs & magis serotino flore & minor latioribus, flore præcociore.

Virga pastoris, Dipsacus fatuus.

Viscago maior & minor. Hanc pro Muscipula non satis accurate pinxit Pena, illam pro Sesamoide Salmantico maiore exquisitæ admodum Carolus Clusius in Hispánicis delineauit.

Vitex, initio rectus ætate contorquetur, vt Costæus obseruauit in lib. de natura vniu. stirp. In nostris regionib. si in horto relinquatur, vix seruari potest, sed semper repullulat ab radice sicut quoque Pseudoguaianica seu Lotus. Pausanias in Arcadicis siue lib. 8. Quod si ex Græcorum monumentis vetustiss. arbores adhuc superstites & vegetas percēsere velimus, antiquis omnium Vitex est, quæ apud Samios ad Iunonis extat. Ei vetustate proxima Quercus Dodonæa. Olea deinde in Atheniensium arce, & quæ Deli adhuc extat Palma. Nam tertium viuacitatis locum Lauro suæ iure fortasse Syriæ attribuunt. Præter has est Platanus Menelais Caphyensium. Guili-

Xylan-

Xylander in Plutarch. Symp. 3. Quæst. 2. nescio qua occasione pro niue Viticem vertit, vbi est χιον πολλάκις ἡμέρας συχνάς επιμένουσα τοῖς ἀλλοῖς φυτοῖς φεύγει τάχισα τὸν κήπον. μᾶλλον δὲ ὅλως ἐνθύε αὐταῖς πειτήσεται περὶ αὐτὸν οὐδὲ θερμότητα. Absurdum certe fuerat hederæ viticem & non potius huic illam incumbere. Nec alioquin multis refutare opus est hæc interpretationem, cum Græca exemplaria manifeste reclament.

Vitis vinifera. Vuis potissimum diuersitates notari solent, quamvis etiam in reliquis partibus varietas insignis depræhendi queat. In horto nostro hæc potissimum coluntur haec tenus.

Vulgatissimæ sunt Francæ dictæ & alteræ quæ Germ. *Heunisch Trauben* vocantur. Minima & optima è trib. Heluanaticis facillime folio dignoscitur, inquit Columella lib. 3. de rustica ca. 2. nam rotundissimum omnium id gerit, atq; est laudabilis, quod siccitates maxime perfert, q̄ frigora sustinet, dum tamē sine imbribus sit, quod nonnullis locis etiam vinum eius in vetustatē diffunditur, q̄ præcipue sola acerrimum quoq; solū fertilitate sua cōmendet. Hæc ēt Francæ accommodari fortasse poterunt. Sponia dapsilis musto & amplitudine magis vuarū quā numero fertilis, vt idem cōmemorat. Plinius Spinam à quibusdā vocari tradidit, omnium abūtantissimam & vino & vuarum magnitudine, magis tamen vuarū magnitudine. Imbribus pinguescere & nebulis ali. Hanc, si recte coniicit Car. Stephanus, ab agrestis pruni, qui Spinus dicitur, gustu, quē refert, nomē inuenisse, nō māltū diuersam existimamus ei quæ Ger. *Heunisch* dicitur. Est .n. saporis præcæteris acerbi & austeri, nisi caloribus æstiuis bene excocta mitecat, ob id solū commēdabilis, quod vini plurimum fundat.

Purpurea siue nigra. *Schwarze oder Klebrote Trauben/ Allobrogica* Plinio, frigidis locis gaudens, ac gelu maturescens. Ex horum familia est quædam quam inerticulam appellari idem tradit, iustius sobriam dicendā, inueterato præ-

cipue commendabilē vino, sed viribus innoxiam, siquidem temulentiam non facit. Inde Columella Græcis ^{āmēbusor} vocari scribit.

Purpurea siue nigra grandibus acinis magnitudine & forma proutia æmulantibus. Germ. Schlehenbeer. Italis vua de pergola, pergulis hortorum potius quam vinearum ordinib. dicata, vnde Pergulana non immerito nuncupabitur.

Tramina nuncupata, non ut quispiam putet nomine corrupto ab Aminæa vite. Nā hæc alba apud antiquos ab Aminæa regione, inquit Macrobius, appellata fuit. Et quidem Aminæas vuas dictas putant, quasi sint sine minio, hoc est, rubore, nempe quod album vinum reddant. Quæ vero nunc apud nos Traminer vocitantur à pago celebri ad Athesin Tramin in triplici differentia sunt, sed omnes subrubicundas vuas gignunt, magnitudine & sapore, nec non rubedine vel saturata vel diluta inter se discrepantes. Eiusmodi sunt Heluolæ veteribus dictæ, inter rufum & album medijs coloris. Dulcissima est & facilius maturatur, quæ magnitudine media est.

Præcox, ante alias maturescens, boni saporis atq; imprimis dulcis, colore subalbido ex viridi. Præcoquas vocat Columella lib. 12. cap. 37. & nisi fallitur Carolus Steph. eadem sunt Prætiæ Virg. 2. Georg. Columella tamen lib. 3. cap. 2. distinguere videtur.

Agigartos, sine interioribus seminibus vel granis aut vi-naceis. Eiusmodi vuas arte fieri ostendit Columella. Sed quæ apud nos coluntur, interdum vnicum vel alterum granulum habere depræhenduntur, rarissime tamen: acini succi pleni & saporis mitissimi sunt, colore in albedinem declinantes. Vulgare nomen est Elbertrayben.

Muscatellina vulgo dicta, Vitis Apiana Plinio, cui apes cog-nomen dedere, præcipue earum vuarum auidæ.

Quæ

Quæ Zibebas vulgo dictas fert, id est Arab. Vuam Zibib,
vel Passam Latinorum, non enim nisi passæ ad nos deferrî
solent, Græcis ~~Būras~~^{Būras} est, racemulis tumidis, ut Virgilius ca-
nit. Non solum enim vuas sed etiam acinos ipsos præter mo-
dum amplos habet & crassos atq; oblongos. Prodijt ex se-
mine, & octauo anno apud nos primū frugifera fuit, sed non
plene maturescere voluit. Folia sunt elegantissimi ac nitidissimi
viroris, profundas admodum infectiones habentia. Du-
rauit hyemes vndecim, sed radicibus interijs superioris anni
in usitato frigore. Huius generis ex Vngaria aliam in horto
alo, quæ frigoris patientior est, alioquin tota facie non dissi-
milis. Fructum vtcunq; perficit, facilius nimirum quam ea
de qua proxime diximus.

Celsus ait & ante eum M. Cato; Nullum genus vitiū con-
serendum esse nisi fama, nullum diutius conseruandum nisi
experimento probatum.

Si frigore vites summa hyemis clementia pereunt, omni-
no rescindi totā superficiem præstiterit: Sic enim tertio aut
quarto anno vel citius cum fœnore iacturam onanem resar-
ciunt.

Margianā vites optimas ferre, quapropter sèpe vitis trun-
cum inueniri, quantū duo viri complecti queant: racemum
duorum cubitorum, annotauit Strabo.

Generosus Dn. Auger. à Busbeck in suo itinerario Byzan-
tino refert vuas delicatissimas in æstatem vsque à Turcias-
seruari hac ratione. Grandioribus acinis præditas, beneque
maturas collocant in vase fictili, substrato prius in fundo
multo semine sinapi molito, cui vuas imponunt, stipantque
conspersas eadem farina. Postremo vase repleto mustum te-
centiss. superfundunt, implet & bene claudunt. In magnis
postea caloribus sic vuas cum iure vendunt, Qui Sinapi non
delectantur, vuas aqua frigida prius sèpe eluunt.

Vitis sylvestris Matthioli, Amarum Dulce, Solanum arborescens quorundam, Salicastrum Plinij lib. 23. cap. 1. Vulgatior est quæ purpureos flores profert, sed quæ candidos rarior.

Vitis Idea Gesneri maior. Crescit in sylva prope Megendorff/ pago mille passus ab hac vrbe sito: quam Clusius in Pannonicis Jegerbeer & in montibus Metallicis ad radices Sudetum frater Ludouicus p. m. Trindelbeer nominari aiebat, quia eorum copiosior vsus aliquem quasi inebriat. In horto nulla cura industriaq; cogi potuit vt compræhenderet.

Vitis Idea rubra Bavarica, baccis insipidis, sine succo. Fruticulus est supinus, crassiore caudice quam vulgaris, quæ apud nos passim cum nigra in sylvis crescit & Steinbeerlein vocatur: foliis item oblongioribus, acuminatoribus & angustioribus, per autumnum rubentibus. Crescit circa Monacum in campis asperis inter Ericas. In horto adhuc viuit & viget, nec dum vt sylvestres huiusmodi plantæ videtur interitura.

Vaccinia nigra Dodonæi dum cruda eduntur, ventriculum debilem & frigidum offendunt & aluū perturbant: Sed excoctus illorū succus donec crassescat addito melle & sacaro vt conseruetur, ab aliquibus parari solet ad hæc mala siue ex ipsorum esu, siue aliunde contracta.

Vlmaria à foliorum Vlmi similitudine, nondum vetus nomen adepta, Germanice Wurmfraut/nam radix quasi à vermis videtur exesa. Hanc Anguillara vocabat Potentillam maiorem. Gaudet passim locis palustribus, odore refert Pimpinellam. Utuntur veterinarij eius decocto feliciter in doloribus colicis & vermis equorum, itemq; ad fistendum sanuinem & sanandas fistulas nonnulli commendant.

Vlmus. In huius foliis vesiculæ erumpunt mense Maio plenæ humore admodum vulneratio (vt testatur Fallopius) & cosmeticæ. Faciem enim reddit teneram. Confert quoque pueris Enterocœle laborantibus. Colligendi modus talis est, Vesicula

culæ hæ suo tempore collectæ, ante quam generent vermiculos quosdam instar culicum, imponuntur vitro alicui angustioris, quod inuersum aptatur alteri vitro paulo minori & sic liquor ille commode extillat: ex hoc, quoniam non diu durat, oleum paratur, teste Sylvio, præstantiss. in vulneribus. Radices huius arboris mundatæ & coctæ in vino ad aliquam consistentiam ambustis impositæ ea consolidant ac cicatrices quoq; delent. Non possum facere quin elegantissimam similitudinem ex Vlmo desumptā & à D. Chrysostomo Homil. 9. in cap. 5. S. Matth. expositam hic proponam. Sicut vlmus, ait, in fructuosa humorem viti suppeditat, quo vitis pro se & vlmo proferat fructum, ita tuæ res proficiant ad pauperis sustentationē in hoc sèculo, vt eius Sanctitas tibi usui sit in altero.

Vnifolium, *Monophyllum*, *Matthiolo Gramen Parnassi*, ubique apud nos in nemoribus opacis frequens. Puluerem huius cum vino generoso vel aceto multi laudant in pestis initio & alijs venenis.

Vrtica Romana. Sumuntur autem ex vulgari quoque multa euphorista remedia. Sic quidam Medicus præcipuus Parisiensis puluerē seminum vrticæ cum Syr: Violato vel alio pectorali in pleuriticis & suppuratis exhibet. Radices vero rubræ vrticæ tritæ & naribus impositæ fistunt sanguinem. Viuere vrtica & herbis apud veteres accipiebatur pro apparatu tenui. Sic Horatius:

Abstemius herbis

Vnius & vrtica.

X.

X Y L O S T E O N, *Orcheocarpos Cordi.*

Xyphium supra Gladiolus.

Iyris sive spatula foetida. Hanc quoque alicubi aiunt in Italia reperiri flore rubro. Aliam minorem tradit *Cordus* nasci in campis

campis & secus fossas inter Oppenheimium & Moguntiam
ad Rhenum.

Z.

ZAZYNTHA siue Verrucaria Matthioli. Cichorium Verrucarium Gesneri. Huius semen puluerisatum ad vnum Cochleare sumptum decrescente luna per tres dies dissolut verrucas in quacunque parte corporis, quo remedio quidam Chirurgus Patauij aliquando multum pecuniæ collegit.

Zizyphus rubra. Iuiubæ officinarum. Anguillaræ videtur Palinus siue Connarus Athenæ lib. 14. cap. 20. Sylvestris nascitur in campis Veronensisibus.

Zizyphus alba, Columellæ, vel Cappadocica Plinij, Olea Bohemica siue Elæagnus Matthioli. Apud nos fert hyemem ac in iustæ arboris magnitudinem adolescit. Sed & taleis instar olearum facile propagatur. De ea plura apud Carolum Clusium in obseruat. Hispanicis lib. I. cap. XII. legantur.

FINIS.

IMPRESSVM FRANCO
FVRTI AD MOENVM, APVD IO
HANNEM FEYERABEND, IMPENSIS SI
gismundi Feyerabendij, Heinrici Dackij,
& Petri Fischeri.

M. D. LXXXVIII.

SYLVA HERCYNIA,
SIVE CATALO-
GVS PLANTARVM
SPONTE NASCENTIVM IN
MONTIBVS, ET LOCIS VICINIS HER-
cyniae, quæ respicit Saxoniam, conscriptus
singulari studio,

A

IOANNE THALIO MEDICO
Northusano.

Nunc primum in lucem edita.



FRANCOFVRTI AD MOENVM.

M. D. LXXXVIII.

СИДЕ ГАТА О
МУАТИАМ
ИР МУЕИАМ
ДЕН СЮЛ ТЕ-
СИДИОМ
СИДИОМ
СИДИОМ

СИДИОМ СИДИОМ



СИДИОМ СИДИОМ

3

JOHANNES THALIVS IOACHIMO CAMERARIO

M. Salutem.

HARCYNIA M syluam, si quis, excellentissime Camerarii, integre describere velit, illum necesse foret non per functioniam aliquam moliri descriptionem, sed ex exercitata singula queq; quae ad eam rem necessario pertinere viderentur, prosequi. Eiusmodi autem argumenti tractatio paucioribus pagellis absolui non admodum prompte, meo quidem iudicio, posset: Sed in mediocre volumen totum opus facilime excrescere necessum foret, quod in aliquot libros ordine esset distribuendum. Primum namq; indicandum esset, quae olim veteris illius Harcyniae sylua fuerit amplitudo, quig. fines eius. Deinde opus esset diligentis labore multas antiquitatum historias aliquem euoluisse, quo indicari queat, quibus temporibus variae populorum Germanicorum migrationes contigerint, eorum nimirū, qui prope syluam illā proximè hinc inde olim considerint: que adhac mutationes illorum acciderint: quomodo quidam omnino desierint, quidam vero alijs in priorum locum ipsis vel deletis vel pulsis aut subactis, successerint: quomodo item succendentibus temporibus quadam Harcyniae partes varijs passim in locis eradicari cōperint, & in agros ac habitabilia loca conuerti. Hisce autem omnibus ita ordine absolutis, tum demum foret nostrae Harcyniae, quam aliqui Piceariam syluam, Germanicam denominationem, Harzwald expri- mentes, vocant, inter Saxoniam ac Thuringiam videlicet sit, & singularis historia aggredienda & indicandum quanta ipsa hodie veteris illius ac propria dicta Harcyniae esset pars: que deinde longitudo ac latitudo ipsius: quae gentes ipsam versus meridiem, quae versus septentrionem ceterāq; partes accolant inhabitentq;. Hinc rursus recensendum, qui sub ipsa nostris temporibus contineantur principatus, qui co-

4

mitatus, quæ singulariū familiarū origines, queq; insigniora & maxi-
memorabilia gesta, quæq; urbes celebriores ac monasteria, aliaq; lo-
ca, quæ item ruderā destructarū arcii ac antiquitatis monumēta. Inde
porro enumerandum, quæ celebriora fluminā huius sīt syluulae, quæq;
singulorum scaturigines, quæ qualitates & contenta in fundo unius
cuiuslibet: & quot eximiores lacus, quæ piscium ac aquatilium ani-
mantium in iisdem genera habeantur, eorumq; quæ sint naturæ ac pro-
prietates, & partium quarundam illorū in medicina v̄sus. Item qua-
lia animantium etiam quadrupedum ac volucrum in eadem sylua re-
periantur genera, qualia deniq; insectorum tam reptilium quam vo-
latilium. Deinde ulterius cōsiderandum esset, quot metallorum, fo-
ssiliū ac similiū rerum in ea inueniantur genera, quæ ipsorum sit
ratio, quæ natura. Hæc omnia posteaquam quis dextre pertractasset,
tandem arborum ac stirpium historia sese enarranda offerret. Quia iti-
dem absoluta, vltimo loco vicinorum montium Harcyniæ huic nostra
adiacentium ac in propinquo sitorum esset instituenda descriptio &
ostendendum, quicquid in ijs stirpium continetur. Ista autem omnia
multum proculdubio temporis sibi essent postulatura, præterquā quod
variarum rerum nō vulgarem cognitionem etiam requirant, & ad-
hæc eiusmodi hominem qui rerum istarum gnarus tali etiam præditus
sit ingenio talij eruditione, ut pro dignitate istiusmodi Harcynicam
historiam posteritati recte condere posset.

Hic autem ego, doctissime Camerarii, sicut aliquoties à me petiſſi,
nudum solummodo arborum ac stirpium, quæ in hac Harcynia nostra
Saxonothuringica (ut eam nominare libet) nasci solent, Catalogum
secundum Alphabeti seriem recensebo. Quia in re optarem sane, me ex-
pectationi tuae satisfacere posse. Præterea autem quæ in hoc Catalogo,
sicut à me obseruatæ sunt aliquot annis, enumerantur, non negarim,
multo plura ac etiam rariora in sylua ista posse reperiiri, quæta-
men omnia indagare non est neg, vnius hominis neg,
etiam vnius temporis labor.

Harcynia

5

HARCYNIA SAXO-

NOTHVRINGICA,

SIVE

CATALOGVS BREVEM ARBORVM, FRV-
ticum ac stirpium plerarumq; Harcyniae,
enumerationem continens.

A.

ADIANTVM PVL CERRIM V M Lugdunēsi si-
mile, cui folia à tergo lanugine eiusmodi densa,
puluerulenta ac pene rubente ex fuscedine qua-
dam, exornantur, quasi folia Cetarach seu Sco-
lopendrij veri prædita sunt. Folia autem illa sunt in bra-
chiatis coliculis ex nigro rubentibus ac flexilibus, incisa,
crenata non ita latis aliquantulum particulis constantia, vt
in Lugdunensi, sed tenuioribus, oblongioribusque & mu-
cronatis. Ipse id nōdum reperi, sed habeo in libro quodam
cartæ agglutinatum, nactus ante aliquot annos in Pharma-
copolio Northusano, quo afferebatur ex Harcynia à vetula
quadam herbaria.

Adiantum candidum, in antiquis muris, id est, Ruta muralis,
Maurrauten.

Adiantum ἄργυρον, id est, Widerhon / seu Jungfrauwen Haar/
maius, medium & minus, tātum magnitudine ac teneritu-
dine differentia.

Adiantum ἀρπόχιστον, seu furcatum, passim in scopulis aridiori-
bus.

Argentilla maior, seu *Vlmaria*, *Aegopogon Tragi*, *Wald Geiß-
hardt*/ Vbiuis locis vdis (intelligo autem quæ apud Tragum

A. 3. secund-

secunda species & Cordo Medesum est, Germanis Medi-
sūb.) Huic aliquādo veris initio prope Vuernigerodam lo-
co irriguo reperi consimilem plantam, folijs minoribus ac
elegantioribus, quæ nōdum in caulem creuerat. Sed hacte-
nus nusquam, etiā sedulo inquirenti ea sese denuo obtulit.

*Androsaemon.**Aescyon.*

Atractylis sylvestris seu Cnicus sylvestris species, procerior videlicet,
quæ & aliās vbiq; pene vulgaris est: & altera pumila, quæ lo-
cis montanis, aridioribusq; reperitur, priori rarior.

Absinthium nostrum rusticum iuxta loca habitata.

Artemisia vulgaris, candida & rubra, passim circa vrbes, arces,
pagos, ac in quibusdam conuallibus ac montibus etiam.

Artemisia tenuifolia, sed nō Diosc. folia videlicet habens mul-
ta, stricta, oblōga, tenuia, caulinulos cubitales, multos, flexi-
les, teretes tenuesque, flores & fructum artemisiae, radices
sesquipedales, diuisas, quandoq; digitii crassitudine. Duplex,
sicut vera artemisia & hæc est: namq; alteri coliculi sunt al-
bentes magis, alteri vero rubentes.

Artemisia avicularia Dodonæi, seu Flos Iacobæus, passim.

Acer maior.

Acer tenuifolia.

Althea vulgaris, circa Vuernigerodam.

Alcea tenuifolia Cordi, Stolbergæ ad radices Aurbergi, & in ip-
so etiam Aurbergo, alijsq; præterea circa Stolbergam locis.

Arundo vallatoria, in piscinis.

Angelica sylvestris, passim in locis viginosis & iuxta flumina,
item in montibus opacis & humectis.

Angelica erratica, id est, Giersa seu *Strenkel*/vbiq;.

Aizoon seu Semperiuuum maius, in antiquis quibusdam muris
ac macceribus ex argilla constructis.

Aizoon

Aizoon medium, folijs multis, vnciali longitudine acumina-tis teretibus, strictis. Hæc est maior in hoc genere species.

Aizoi minoris species, quam Hünnerbeir vocant, prædicto qui-dem similis (cuius altera ipsum species est) sed folijs ac cau-liculis breuioribus.

Aizoon minus seu Vermicularis insipida, & alterum quod ferui-di est gustus, sed infrequentius. Sæpe tamen vt rurunque vno eodemque loco natum vidi.

Aizoon serratum Cordi, seu *Crassula serrata*, Rarior est.

Anblatum Cordi, seu *Dentaria maior*. Copiosissime habetur ve-ris initio Stolbergæ, Est de genere Orobanches.

Eius alia species minor ac tenerior, candida tota. Sed hæc rarius reperitur ac potissimum æstate.

Aconitum cæruleum, seu *Napellus*, cū cæsijs muscis, quæ ex eius floribus viuunt, vt studiose etiam Angli obseruarunt.

Aconitum Lycocotonon luteum, in montibus cæduis, præsertim vbi graminum maxima est luxuries, Stolbergæ, Ilfeldæ, &c.

Aconitum tertium Matthiolii. flore Ranunculi luteo, magno. Sed infrequentius hoc est.

Alectorolophus Dodonæi prima seu fistularia, *Braun Nodeli* vltra Vualckenridam.

Astragalus syluaticus. Vbiique ferè. * Ita vero nominat plan-tam in frutetis Thuringiæ & Franconiæ quoque non infre-quentem, vulgo Christianwurz/alijs Cicer montanum nun-cupatum, radicibus nodosis fuscis, duris, multipliciter ser-pentibus, floribus purpureis, & siliquis initio purpurascen-tibus angustis, per maturitatem pallentibus, in quibus se-mina vitiæ, paulo tamen minora, colore cæsia. Describitur à Cordo, sed à nullo quod sciam depingitur. *

Astragalus Arvensis seu Chamabalanus, in agris montanis circa Vuernigerodam.

Atriplex

Harcynia Saxonothuringica

Atriplex fimearia maior, passim ad loca culta. Item minor. Item alia grandior, caulis bicubitalibus, folijs mucronatis, quadrantem longis, sextantem latis, squallidis.

Apium petraeum seu Saxatile. Plantula palmaris, radice candida, Petrosilini vulgaris, tenui. Folijs eiusdem, sed tenuioribus, paucioribusq;. Vnicam ante triennium hic Stolberg reperi inharentem rimis saxorum.

Apium sylaticum, caule cubitali ac maiori quandoq;, striato, laevi, folijs ad radicis caput in terra dispersis, quae adharent, (veluti costis quibusdam) pediculis oblongis, imbricatisq;. Foliolorum semper bina ex aduerso sibi respondent, dentata, subnigrantia, laevia, splendentia, oblonga: quibus subinde minora redundunt ea, quae ex caulis ac brachiorum ipsius geniculis prodeunt. Umbellas paruas minutissimis flosculis candidis explicat, quos subsequitur semen apio maius duplo, acre. Radice nititur crassa, candidiore, acris ac fermentis gustus. Aliqui maiorē pimpinellam vocant, sed mea pimpinella maior alia ab hac est, ut infra dicetur. Laurētius Hiel, excellentissimus medicus & anatomicus insignis, preceptor olim meus, hāc mihi exhibebat pro Dauco σελινοειδῆ Cordi, sed pro Selinoide illo Dauco apud Cordum ex Trago Pimpinella vulgaris seu minor depingitur (sicut & Angli sentiunt in Indice sui operis eandem Pimpinellam esse Daicum illum) quā etiam describere Cordum ipsum precipuae notae ostendunt, quod scilicet eius folia non sint ita splendida & glabra ut in apio, quodq; in campestribus stirps illa proueniat. Hoc vero nostrum apij genus nusquam in campestribus reperitur, sed potius in sylvis opacis, locisque paulo humentioribus, suntq; eius folia splendentia & glabra. Vbi tamen Cordus postea Daucoides maius describit, eiusque folia cum latifolio seu Selino ειδῶν Dauco confert, videtur

tur ad hanc nostrā stirpem respicere: eius etenim folijs Daucoidis illius folia similiora esse, quoad formam, quam istius pimpinellæ facile deprehēdere est diligentius ista perquirenti, quia eodemodo in acutum mucronem dicti Cordi Dauci folia finiuntur, atq; in hoc apio syluatico, quod perinde in Pimpinella non accidit. Et fortasse Cordus duplicem habuit Daicum ~~τελυρειδην~~: alterum quippe latifolium, qui videtur hoc Apium syluaticum esse, & alterum tenuifolium, quæ erit vulgaris illa Pimpinella.

Apium cicutarium. Vulgo à folijs splendentibus Petrocelino nostrati æmulis Gleiß vocant, circa loca culta & in hortis.

Anchusa sylvestris, quam quidam Buglosson sylvestre vocant, Matth. Echion. In agris & circa loca culta, iuxta vias, locis item cæduis montium & apricis.

Anchusa arvensis alba. Flore nempe albo, in agris passim obuia. Gesnero Echion minus, in appendice stirpium pag. 291. Trago Lithospermon sylvestre. Ego Anchusæ annuimero, quod radix ei Anchusæ modo rubeat. Non tamen multum refert, siue pro Echij siue pro Anchusæ specie habeatur.

Antirrhinon Tragi, circa Vuernigerodam.

Antirrhinon rubrum aruense. In agris.

Antirrhinon minimū. Reperitur locis cultis aut ligone subactis. Dodonæo Phyteuma Dioscoridis existimatur esse. Plantula est palmaris, plerunque brachiata, folijs multis, tenuibus oblongiusculis, floribus paruis, albirubris, capitulo antirrhini paruo. * Dodonæus rubrum aruense potius pro Phytemate habere videtur. *

Allium sylvestre vulgare seu Caninum.

Allium sylvestre minimum. Vere primo profilit copiose.

Allium ursinum, aliquibus Ophioscorodon, Dodonæo Ampe- loprasum, Gesnero Allium sylvestre. In hort. Germaniae Ramseri/circallfeldam.

Aparine aspera, passim.

Aparine laevis, saepè obvia.

Aparine laevis palustris, in fossis stagnantibus & piscinis.

Arthetica Saxonum. Locis nascitur pratenibus & collibus apri-
cis, meridiem spectantibus. Habetur quibusdam Stæbes lo-
co. Radice constat oblonga, tenui, interdum simplici, inter-
dum bifida trifidae, transuersa vtr plurimum, forinsecus ni-
gra, fibrosa: ex qua coliculi prosiliunt reclinati, plures, pal-
mares, teretes rubentes: folia circa radices plurima oblon-
ga, carnosa excent, superne laevia, inferne molli lanugine
hispida: quorū singulum pediculo peculiari adhæret: Sunt
que hęc ferme trifolio, folio oblongo & acuto prædicto simi-
lia, quamuis in eiusmodi mucronem non desinant: horum
inferiora sub se in pedicularum inferiore parte lacinias tan-
quam à reliqua sui parte auulsas continent: in summo coli-
culorum capita constituuntur compacta ex multis vesiculis
candidis, è quibus exerūtur flosculi trifolij marini, nisi quod
breuiores sint, aut meliōti pentaphylli: in quolibet vtricu-
lo paruę siliculae restant, semen vnicum cōtinentes, aliquan-
tulum rubens. [*Anthyllis leguminosā Dodonaei & Lo-*
belij.]

Aster Atticus cernueus, paucis tamen in locis.

Alpine maxima, cubitalis saepè, ampliorue, folijs magnis, longis
quadrantalibus ferè, fescuntiali interdum latitudine, flore
candido, fructu nigro, baccae instar intus semina sua copiose
concludente ex saturato-nigro purpuraseentia. [*Alpine re-*
pens Clusij.]

Alpine media, cui ferme maximæ folia esse cōspiciuntur, lata ob-
longa, mucronata, paulo breuiora, fructus quoque nō idem,
sed minor. Prioris altitudinem non assequitur, nec ita am-
plexi caulis est. Poterit aquatica dici, quia scilicet riuulorum
marginibus ac locis viginosis, opacis & humectis gaudet.

Alpine

Alpine minor, folijs tenuibus, oblongis subincanis.

Alpine minor, foliolis oblongis, mucronatis, tenuibus, caulinulos frequentibus geniculis interstinctos habens, palmares, quam inde ~~πούκηνον~~ *Alpinen* voco.

Alpines minoris aliae tres species communiores: quarum prima vbius frequentissima folia obtinet cæteris huius generis latiora, rotundiora, maiora, vncialia, in paruum obtusum mucronem terminata. Altera mediæ magnitudinis folia continet, oblongiora & mucronata evidenter. Tertia minimis prædicta foliolis, subrotundiusculis ac in mucronē excrescentibus.

Alpines minoris alia species, foliola edens rotunda, sed diuersæ in uicem magnitudinis, ita ut maiora foliola per totos coliculos, minimis subinde intercursentur.

Alpines minime aliquot aliae species. Prima suffruticis instar est, & producit foliola parua, mucronata, in caulinulis ex una radice emergentibus, plurimis, brachiatis, & sibi inuicem varie, instar auium nidi, implexis, in quorum cacumine se exerunt capitula rotunda, lini capitulis ferme assimilia, sed minora. Altera iam dictæ assimilis prorsus, sed coliculis non ita varie implexis. Tertia eadem est cum priori, solummodo teneritudine coliculorum, foliorum, flosculorum ac capitulorum, horumque omnium paucitate differens. Singulæ enim fermè in hac specie exiguae, tenues admodum & superuacue radiculæ, singulos, tenuissimos, teneros rectosq; proferunt coliculos, folijs minoribus paulo, paucioribusq; ornatos.

Alpine minor, paßim vulgaris, alia, foliolis oblongiusculis (non rotundis) mucronatis ex coliculo tenui singularique rarius prodeuntibus. Huius & altera species est, in qua folia multo longiora cernuntur.

Alpines minoris adhuc alia species, angustifolia, foliolis oblongiusculis, plurimis, tenuibus: coliculis ex uno cespite pluribus

emergentibus, geniculatis: flosculis paruis candidulis. Reperi-
ritur locis asperis secus vias, in montibus item apricis aspe-
risq; & potissimum circa officinas metallicas, ad aceruos re-
crementorum metallicorum.

Alsine hispida, passim, locis præsertim paulo humidioribus. Eius
tres species diligentius rem cōtemplanti inibi depræhende-
re licuit. Prima folia continet minore hirsutie donata. Est
vero hæc ea, quam Dodonæus auriculæ muris loco nobis ex-
hibuit. Altera species folia sortitur pilosiora, quamuis hæc
differentia inter utræque sit exigua admodum. Tertia iam di-
ctis assimilis est, sed omnia minora multo habet, ita ut *Alsine*
hispida minuta mihi dicatur.

Cæterum harum omnium *Alsinarum* genera ac species
plurimæ aliæs etiam facile quoquis loco extra Harcyniam ha-
beri possunt.

Alliaria, passim. Reperitur aliquando folio amplissimo latissi-
moq; dodrantem videlicet longo & lato.

Arum.

Arum aliud folio admodum lato, trientem fere.

Arum rursus aliud, folio maculato, lato & ipso, sed non adeo ut
in priori, verum vix quadrantem æquante.

Arisarum, aliquando reperi in Hertzbergo mōte iuxta Ilfeldam
ante annos aliquot, sed haec tenus idipsum amplius se mihi
nunquam obtulit, nisi nuper Stolbergæ. Diuersum hoc est
ab illis *Arisari* speciebus, quas Matthiolus exhibet. Folia e-
nim ex singulis paruulis & oblongiusculis fibratisq; radiculis
prodibant singula, non admodum acuminata, sed rotundio-
ris ferme figuræ, licet non nihil longius paulo protraheren-
tur, firmata pediculis palmaribus.

Amellus. Vergilius putatus nonnullis, seu Butomon Constanti-
ni, aut Caltha palustris Gesneri. Passim in viginibus.
[Matthiolo *Tussilaginis* species.]

Arctium,

Arctium, Personata, Lappa maior, frequens potissimum circa loca habitata.

Alisma Corpulenes seu racemosum, sesquidrantalis est planta, caule geniculis discreto, ex quibus continuo ordine folia sua exerit, Plantaginem maiorem fere imitantia, sextantem longa, sescuntiam lata: flores vero racematis quasi in longo recurvoq; scapo dependent plurimi, rubicundi. Frequens est multis in locis, opacis tamen & montium iugis. Idem flore candido sed infrequentius, nonnunquam conspicitur.

*Alismatis aliud genus, folijs cum iam dicto ijsdem, flore in summitate caulis sesquidrantalis candido, catio, cymbalari, in extremis suis labris parum dissecto simili quodammodo floribus Leucoij bulbosi Theophrasti, ut plurimum unico: aliquando tamen & plures profert. Huius speciei plantulam aliquot ab hinc annis, loco viginoso ad radices Broccenbergi reperi, folijs prorsus candidis, quod fortassis ratione solis acciderat, utpote cum ipsis radijs ibi seriri & maturari perfecte ipsis non daretur. Poterit autem à floris figura Alisma *κυματισάνθημον* appellari.*

Alismatis huius generis alia rursus species, folijs nonnihil strictioribus, longioribus & in oblongum mucronem desinentibus, quæ nonnihil ad figuram acutæ Plantaginis accedunt, floribus iam proximæ dictæ speciei ijsdem, candidis, sed in laciniis maiores dissectis eideter. Hæc duplex est: maior, cui ampliora, longioraq; sunt omnia, folia scilicet & caulis: ac minor, cui omnia sunt minora contractiora: quæ propterea in hoc genere alismatis tenuifolia nomine censi poterit. Hæc porro tenuifolia species non solum candido sed & rubro flore, licet infrequentius, interdum reperitur.

*Alisma porro & illud, quod florem cauum ovali figura propendentem ex caule recurvo sesquidrantali profert (vnde poterit Alisma *κύματημον* dici aut *κοιλάνθημον*) quodq; ab Amato pro-*

Lonchitide prima exhibetur, puto in Harcynicis iugis quoq; reperiri, quamvis nondum, quod sciam, in illis mihi sese obtulerit, licet in vicinis saltibus Franckenhusanis (qui & nostræ Harcyniæ pars seu *άποπεδη* quædam sunt) non sit infrequens.

Alisma Alpinum, *Caltha Alpina* Gesnerij. Ciet hæc sternutamēta. Conyzæ forte annumeranda est. Nascitur in Broccenbergo, item circa Vuernigerodam locis viginosis, & in quibusdam pratis vdis non procul à Stolberga.

Anagallis aquatica. Bachyungen / passim in locis viginosis ac scaturiginibus.

Anagallis aquatica folio maximo, trientem nonnunquam longo ac sextantem lato.

Anagallis terrestris mas & fæmina, quarum altera puniceo, altera cæruleo flore constat. in locis fossione excultis & in agris.

Anagallis lutea, folijs numulariæ, adeo vt facile pro eadem à non perito rei herbariæ haberi posset. Frequens in viginibus circa Broccenbergam.

Alchimilla, passim.

Afaron, passim.

Arachi primum genus Dodonæo, flore viciarum puniceo siliquis maioribus nigris. Est de genere viciarum sylvestrium, passim.

Arachi species altera Dodonæo.

Auena sylvestris seu nigra, cuius grana paulo longiora crassioraq; sunt auenæ sativæ, ac ex rubro nigricantia. Est autem Aegylops seu festuca Pliniana apud Dodonæum.

Auena sterilis. Hæc Auenæ similis est & iamdictæ sylvestris breuiores profert folliculos, semina item minora. Est & ipsa festucae species.

Abies.

Alnus.

Alnus

Alnus nigra. Spöcker seu Faulbaum/ passim.

Alnus nigra pumila in Broccenbergi vertice.

Achillea copiose, Stolbergæ ad arcem.

Aquifolium. Stechpalmen. Narrarunt quidam spontaneam esse Harycniæ nostræ in montibus ultra Ilfenburgum monasterium. Sed eam ibi nondum vidi. Nec tamen omnia illa loca ibidem haec enim perreptare mihi licuit.

Alpinia. Ita licebit appellare plantulam, cuius semina anno superiore misi nomine *Asperula*. Cum enim flos, quem plantula illa profert, exactius respondeat, ut nuperrime considerauit, Alsinæ floribus, potius inde denominabo (donec de eius aptiore nomenclatura nielius aliquando edoctus fuerit) quam à stellæ figura, quæ alijs quam plurimis florib. melius forte, quam huic, cōuenire poterit. Familiaris est Broccenbergo ac montibus vicinis vligine perpetua irriguis, caulinco singulari, dodrantali quandoque, vt plurimum palmari, recto, tereti, tenui, inferna parte folijs ferè nudo, superna vero per ambitum ijs cineto, quinis, senis, septenis, octonis- ue, pyri ferme foliorum similitudine, sed non ita rotundis, oblongiusculis, sescuncialibus, teneribus, laeibus, viridibus, fibratis. Ex quorum medio pediculi tenues valde, quadran- tali ferè longitudine exurgunt, in cacumine suo florem sin- gulum singuli sustinentes lacteum, Alsinæ similem: quem capitulum subsequitur rotundum Coriandri semine minus, intus semina nigra, tenui candidaq; membrana inuoluta cō- cludens. [Peculiaris quædam Pyrolæ species, quam in sylvis Franconiæ quoque & potissimum circa Greuenthalium ob- seruauit. Folia tamen Arbuti potius sunt quam Pyri.]

Anemone flore candido, ampio, folioso, caule palmari, folijs his- pidis late expansis, varieq; dissectis. Broccenbergi cacumini familiaris.

Anemones species illa, quam Pulsatillam vocant. In promon- torijs

torijs quibusdam apricis & meridiei expositis.

Aquilegia sylvestris, flore cæruleo simplici. Reperi hoc anno 1577.
in prato quodam aprico non procul à Stolberga, aquilegia
stirpem vnicam flore candido, nonnullis veluti literis cæruleis
intercursato : à qua tamen nō procul aberant Aquilegia
flore cæruleo plures.

Anthylloides. Sic nomino herbam inter segetes, solo præcipue
arido ac sabuloso (vt & quandoq; alijs itidem locis istiusmodi
ariditate præditis) exilientem, radice suffultam tenui, candi-
dula, lignosa fibrataq; ex qua coliculi prosiliunt tenues, plu-
rimi, procumbentes, frequentibus geniculis intercepti, quæ
ambiant foliola tenuia, oblonga, herbæ Kali satiæ folijs si-
milia sed minora, angustiora q; Flosculi ei in singulis pedicu-
lis singuli, parui, candidi, prominent, quos capitulu lini ferè,
subsequitur, seminibus plurimis nigricatibus papaueris ferè,
scabrisq; refertum. Duplex hæc est, maior & minor. Minor
autem paucioribus est coliculis & brevioribus, non ita pro-
ciduis.* occurrit etiam circa salinas saxonicas.*

B.

Brassica sylvestris maior, latifolia. Radicibus constat inuti-
libus, lignosis, candidis: caule sesquipalmari, non admo-
dum recto, rotundo, simplici, nonnunquam etiam brachia-
to, folijs mollibus, laeibus, subflauis, integris, sine incisuris
aut sinuosis crispaturis, mucronatis, duas vncias lögis, vncia
latis. In summitate in exiguis pediculis racemos florum can-
didorum existit, ex oblongis vasculis Brassicarum satiuarum
modo prominentium, quibus deperditis siliqua oblongæ
pronascuntur, semina brassicæ satiæ minora continentis.

Brassica sylvestris longifolia. Radice constat paru lignosa, fibris mul-
tis paruis circundata, caule brachiato, sesquipedali, maioréue.

Folia

Folia primo prodeuntia, bina videlicet, triaue, radici proxima, in ambitu circumrosa sunt, veluti chōdrillacei generis folia, reliqua, quæ summum vsq; caulis numerosè conscen-dunt, strictiora existunt, magisq; mucronata, quam in priore specie, quincunciali longitudine, vncialiq; ferme latitudine: licet ea quæ apicem caulis proprius accedunt, continua serie breuiora reddantur. Sunt vero folia hæc omnia nigriora & squalidiora quam cæteris speciebus. Flores, siliquæ & semina cum cæteris speciebus conueniunt. [Huic similis est si non eadē quæ in Thuringia saltibus locis æditis passim nascitur, ab incolis Schößkraut vocata, qua tamē voce alibi aliae plantæ appellantur.]

Brassica sylvestris procera. Hæc radice fulcitur multis fida, candida, lignosa, iuxta cuius caput in terra reclinantur folia quincunciali sape longitudine, vnciali latitudine, hispida, integra. Caule erigit vnicū plerunq; sape etiam in duos tresue aut plures alios, iuxta radicem diuisum, bicubitalem, rectum, te-retem, flexibilem, iuxta radicem parum hispidum, deinde tota reliqua parte lœuem, cui folia appenduntur sextantali lon-gitudine, vnciali latitudine, subcinerea lœuia, non hispida, ut priora, mucronata: quibus cessantibus, postea longo ordine, caule videlicet subinde procerius excrescēte, in singularibus exiguis pediculis flosculi paruuli, candiduli protenduntur, ijsq; euane sc̄entibus subnascuntur siliquæ ad latera cōpressæ, tenues, digitæ longitudine, quibus numerosa semina paruaq; continentur. Ex foliorum autem singulis alis nō infre-quenter noua adnata progrediuntur & ipsa copiosos flores ac sili-quas proferentia. Nascitut mōtibus apricis ac locis cæduis, estq; sapore amaro.

Brassica sylvestris folio beta. Hanc licet in tota Harcynia nunquam conspexerim: cum tamen brassicarum sylvestrium aliquot specierum mē hic enumerationem instituere oportebat, &

huius obiter meminisse operæ precium duxi. Nascitur vero copiose in Hainleitta sylua non procul à Sondershusio sub faginetō. Radicee constat lignosa, multifida, fibrosa que, folia betæ, rotundiori ambitu in terræ superficie multa disperguntur, plumbei fuscique coloris, lœuia, durioris membranæ instar, sextantalia, caules eriguntur teretes, sesquipedales, splendentes, fusi, pauca oblongiuscula ac mucronata folia continent, floresque candidos proferentes, exiguo, sed siliquas longiores cæteris speciebus. [In aruis Thuringiæ non admodum diuersa nascitur, quæ cum Brassica campestris descripta à C. Clusio in Hispánicis obseruationibus planè congruit.]

Brassica sylvestris folijs membranaceis. Nec hanc in Harcynia me vidisse memini. Olim autem in Ienensibus montibus aliquoties eam obseruavi. Cæterum iam dictis minor est, radice parua, candida, superuacanea, caule breui, geniculato, qui dense ambitur suis folijs, quæ membranaceæ sunt substantiæ, subflaua, splendentia, lœuia, vncias duas longa, vnam lata.

Brassica sylvestris media. Breuiora continent folia, numerosa circa radicem, vncialia, oblongiuscula, in obtusum mucronem finientia, mollia, semunciali latitudine: quæ cauli appendūtur dodrantali, ea parte qua adhærent vtrinq; velut alares pinnulas prominentes habent.

Brassica sylvestris minor, foliolis multo minoribus, canis, coliculis quadrantalibus, siliculis angustis paruisq;

Branca Vrsina nostras seu Sphondylium. Vbi uis ferè.

Beta aquatica. Prouenit in alueolis fontium profluentium, solo pingui. Radicibus firmatur tenuibus, nigris, fibratis, densis in modum palustrium herbarum: ad quorum summum folia aliquot mediocriter ampla per terræ superficiem explicatur, trientali longitudine, sextantali latitudine, crassa, non nihil

nihil rubentia. Caules profert quadratos geniculatos, striatos, ex quorum singulis geniculis bina sibi inuicem alternis lateribus correspondentia folia emergunt, rotunda, carna-sa, lata, betæ satiæ folijs assimilia, rubicundis neruulis ac venuulis ipsa perreptantibus.

Betonica, passim in pratis & pratenis locis.

Biflora major. In Brockenbergo & vicinis montibus.

Biflora minor. In pratis vdis.

Buglossa sylvestris nigra, florem nigrum obtinens, vulgaris *Buglossa seminorem*: iuxta semitas & in agrorum marginibus ac segetibus etiam. [In Thuringia eam obseruauit caule admodum crasso, cubitum vix alto.]

Buglossa sylvestris species, caulibus procumbentibus multis, varie reflexis, distortisque striatis, scabris ac aparines modo vestibus adhærentibus, folijs communis Buglossi ferè, longis, hirsutis, asperis, ac in ambitu exiguis spinulis horrentibus: Flosculis itidem Buglossi cōmuni, paruulis, cæruleis ex geniculis caulum intra foliorum alas prodeuntibus, quorum singulum subsequuntur semina quatuor simul cohærentia, similia ferè seminibus oleris spinachij, lœnia, inclusa munimento bifoliato, scabro. Videtur fortassis illa esse Aparine Collinutij, cuius meminit Eurius Cordus in Botanologico, quæ videlicet sit folijs Mercurialis ferè (sicuti & huius plantæ nostræ folia Mercuriali fœminæ folijs aliquo modo conferri possent) & planta Lapparia, quæ à Plinio libro 22. cap. 17. recensetur Parthenij nomine. Ac licet semen non sit asperum retinaxq; (quæ nota ibi additur præcipue ut evidenter) opinor illam asperitatem intelligendam esse nō absolute de semine solū & per se cōsiderato, verū quatenus in volucro suo aspero munitur. Locis reperitur apricis, asperis, iuxta ædificia, templa, arces, pagos, hortos. Est & alias extra

Harcyniam vbiuis ferè ad sepes spontaneas: item inter vepres facile reperitur & iuxta maccrias. [Alyssum Echiodes Lovelij.]

Bryonia alba ad sepes hortorum.

Betula arbor, passim.

Betula pumila, in Broccenbergo.

Blitum sylvestre maius, maioribus folijs constans, sextantali longitudine & minus, minoribus folijs, utpote vncialibus accoliculis plurimis procumbentibus passim reperitur.

Bursa pastoris, folijs maioribus, latioribus, quorum quæ terræ viciniora sunt, in ambitu profunde inciduntur.

Bursa pastoris minor, folijs incisis & minor altera, folijs integris.

Bromus herba. Graminei generis est, inter segetes & locis aridis iuxta semitas.

Boleti Ceruini orbiculati. Reperiuntur locis illis, vbi cerui libidinem suam exercuerunt, item in carbonarijorum areis.

C.

CONYZA AQUATICA, in piscinis & viginibus maxime circa loca habitabilia frequens, folijs longis, quadrangularibus, carnosis, pinguibus, fuscuntiali latitudine, caulis crassis, cubitalibus angulosis: flore chrysanthemi, in pappos tandem abeunte. Duplici autem est in differentia: Alterius enim speciei folia sunt integra & latiora, alterius paulo strictiora & profundius in ambitu crenata.

Conyzza major montana, in montibus apertis, soli meridionali & orientali obiectis, potiss. circa Gerendam & circa Stolbergam: caulis dodrantalibus, folijs mucronatis, sextantem longis, fuscuntiam latis, nigricantibus, flore lateo.

Conyzza

Conyzamaior altera, paulo procerior priore, folijs longioribus, quadrantalibus nempe, flore tamen minore aliquantulum.

Conyzaminima, ad loca irrigua circa vrbes, prædia & pagos, caulinis dodratalibus, folijs mucronatis, paruis, strictioribus, floribus luteis Chamemæli ferè.

Conyzahelenitis Cordi, pañim.

Conyzæ genus quoddam tenuifolium, caulinis ex vna radice prosilientibus plurimis, bicubitalibus, teretibus, striatis, hispidis, qui folijs ambiuntur ab vna radice usque in apicem oblongis, sed angustioribus, hispidis. Flosculi in summis caulinis constituuntur parui, pappacei, floribus senecionis Dodonæi tertij fere similes. Vidi olim in Ilfeldensibus montibus.

Conyzaaquatica maxima serratifolia. Radix ei est crassa, multifida, caules bicubitales saepe, digiti ferè crassitudine, caui, striati, brachiati, folia trientalia in oblongum mucronem fastigiata, serrata, inferne albentia, lanuginosa; in summo caulinum umbella est sparsa, flores Iacobæ similes continens luceos. Prouenit ad fluuiorum ripas in piscinis.

Chondrillaceorum generis plantas plurimas in Harcynia pañim, easque diuersas admodum specie reperire licet, quæ vix quam facile & dextè certis nominibus ac notis à se inuicem distinxerit: præsertim cum rei herbariæ scriptores intybaceorum ac chondrillaceorum (quorum tamen ubiuis fermè locorum ac terrarū ingens copia sese offert) historiam nondum accurate examinauerint, sed tantummodo eam extremis quasi digitis attigisse nonnunquam videantur: ea solummodo recensentes quæ non multum difficultatis habent, illis interim neglectis, quæ absolutiore descriptione vel maxime indigebant. De intybaceis autem quicquid in

Harcynia mihi visum fuerit, infra recensebo. Hic vero subnectam ea, quæ existimo ex chondrillaceorum genere vel magna ex parte esse vel eidem tamen affinia.

Chondrilla (licet mihi hanc sic à flore suo denominare) duplex Stolbergæ ac à libi etiam circa semitas visitur. Maior, cui folia sunt nigrantia palmari longitudine pauloque ampliori, latiuscula, augulosa, quæ circa radicem constituantur sena, septena, octona pluraq; quandoq; aut pauciora. Caules emittit ex una radice plures, bicubitalis, teretes, striatos, folijs ferme nudos, recuruos, in brachia pluriuisos, proferentes flores in oblongiore alabastro tragopogonis florum æmulos, luteos, postea in pappos dehiscentes, semine oblongo, scabro, subspadiceo, crista pilosa in summo prædicto. Minor maiori prorsus similis est, nisi quod omnia minora breuioraq; obtineat. Estq; eius rursus alia species, cui folia magis in laciniis diuisa existunt.

Chondrilla alia species folijs sesquiunciam latis, longioribusq; in terræ superficie ad radicis summum dispersis, hirsutis, in ambitu laciniatis, caule cubitali, amplioreq; tereti, striato, recto, florem vnicum proferente, magnum luteum in alabastrino velut calyce detentum.

Chondrilla altera Matthioli in tennes laciniis profunde dissectis folijs, quæ circa radicem disperguntur, caules exerit teretes, longos, flexibiles, cubitalis, lœves, proferentes flores luteos papposos. Est duarum specierū quarū altera maior est, quam jā descripsi: altera minor, omnia breuiora à natura sibi attributa habens, & coliculos recuruos palmares: hæc in pratis quibusdam reperitur.

Chondrilla species radice candidula, exigua, parum fibrata: folia priora circa radicem dispergens, tria, quatuorue, oblonga extenui pediculo protensa, integra, non dissecta, paucis ac exiguis quasi spinulis in ambitu prædita: quibus superadduntur

mox

mox alia tria, quatuor, quinaue, lōgiora, in laciniās (quā tamē maiore interuallo à se inuicē dirimuntur, atque in altera Matthioli specie) ditisa, hæcq; rursus consimilia alia, sed breuiora, pauciora & aliquantulum tenuiora per caulem (qui oblique distorquetur ac teres quidem est sed euidenter striatus, cubitalis ferme) consequuntur: flores huic sunt lutei, parui. Reperitur in locis pratenisibus montium.

Chondrilla altera Dodonaei, vulgo Deus Leonis dicta, Aphaca Theophrasti iuxta Matthiolum. Eius species aliquot reperiuntur passim. Maiori radix longior est & crassior: folia etiam humi procumbūt, longiora, dodrantalia, sextantalī ferè latitudine: caulis itē altius assurgit, ac flos præterea aliquantulū cæteris speciebus maiore est. Media vbius vulgo circa semitas, in hortis item & circa loca habitabilia alias reperitur, folijs quadrantalibus, coliculis sesquipalmaribus. Minori folia plura disperguntur confertim humi procumbentia, sibi inuicem implexa, minora, tenuiora q; cæteris, eodem tamen modo circumrosa: coliculos hæc etiam depromit breuiores tenuioresq; palmares, flores item paulo minores.

Chondrillarum generis species quædam maior, caule procerο, striato, bicubitali, qui in summo in aliquot brachia diuiditur, quorum quodlibet florem singularem profert, luteum Tragopogonis floris instar. Folia caulis exerit pauca longo interuallo se consequentia, longa, lata: quorum inferiora in ambitu parum subinde excinduntur, superiora vero profundi circumroduntur, infrequentius tamē, quam id in Chondrilla secunda Dodonæi accidit.

Huius reperitur & alia species, flore consimili, caule item, sed folijs destituto: ea vero pauciora numero humi recumbunt, quorum prima lata quidem aliquantulū sunt, sed subrotundiora, reliqua longiora conspicuntur, ac in ambitu circumrosa, sed non profunde, nec admodum crebro.

Huius

Huius generis & minor reperire datur species, radice parua, lignosa, fibris paucis constante: caule vnico, recto, cubitali ac aliquantulum proceriori, tereti, tenui, laui, folijs carente, qua foliū modo humi reclinantur, numero sex, septem, octo, non uem, decem, pauloq; plura quandoq; quadrantalia, in ambitu circumrosa modice. Florē itidem hæc *Tragopogonis* æmulum profert & vnicum.

Chödrille alia species, paulo ab hinc iam dictæ minoris (huius scilicet generis) specie ferme æmula: radice parua, fibrata, nigricante: caule crasso, striato, parum hispidō, nodis multis præditō, ex quibus emergunt folia oblongiora, viridiiora, circūrosa aliquantulum, scabra, hirsuto dorso prædita.

Chondrille species caule cubitali, aspero, striato: folijs quadrantalī longitudine, humi sparsis, quaternis, quinis, senis septenis, in ambitu circumrosis modice: ijs vero, qua caule conſcendit, excisis ita ut in ambitu euidenter laciniæ inde relinquantur: floribus paruis pappaceis, agminatim in ſummo caulis constitutis, quorum singulus peculiari petiolo innititur.

Chondrille cuiusdam minoris species, radice singulari, quandoq; & bifida, mediocriter crassa, digitii parui longitudine, fibrata, nigra: folia exerit parua, leuia, carnosæ, oblongiuscula, integra, recurva, angusta, in dorso rubetia, numero quaterna, quina, ſena, septena, octona etiam quandoq;. *Colicum* producit incuruum, rubicundum, digitii minoris longitudine, vnico donatum flore luteo, *tragopogonis* ferme alicuius modo. In pratis pinguioribus nascitur.

Chondrille paruæ species, radice parua, fibrata, ex nigro subrubete, folijs quadrantalilongitudine, humi procumbentibus, asperis, mediocriter latis, viridiibus, confractu facilibus, ſenis vel septenis, nonnunquam octonis: caule palmari, pauloue longiore, tenui, tereti, aspero, modice cacumen recutuante, folijs

folijs prorsus destituto: flore singulari, simili Chōdrillæ Dodonæi alterius.

Chondrilla species radice vel singulari, vel bifida, multifidæ quandoque, candida, lignosa: caulibus cubitalibus bicubitalibusque, brachiatis, striatis: folijs longis, laevis, quorum, quæ humi procumbunt, leniter circumproduntur, reliqua in caule profundius laciniantur: floribus paruis luteis, agmina-
tim dispositis, singulis tamen singularibus petiolis inhærentibus, acad solem orientem se expandentibus, eoq; receden-
te labia contrahentibus. Hæc etiam extra Harcyniæ syluam agris consitis ad semitas & margines familiaris est.

Chondrilla vltterius alia species, radice candida, lignosa, inutili-
caule cubitali, minoreque ut plurimum, tenui, striato, folijs
donato paucis, viridibus, oblongiusculis, mollibus, integris,
in ambitu quasi spinosulis, flore luteo. In Stolbergensibus
apricis montibus.

Sed hasce *Chondrillarum* species ex solis nudisq; descri-
ptionib. non adhibitis iconibus discernere admodum erit
operosum.

Colchicum, passim in pratis. Reperitur locis septentrionalibus,
prope Ilseburgum, flore etiam candido.

Christophoriana, quam tonsores vocant *Heydnisch Wundfraut*/
locis opacis & humectis copiosa.

Caryophyllæ sylvestris, seu *flos armerius Dodonæi sylvestris*. *Donner-*
neglin. Species sunt eius hæ sequentes.

Prima, quæ est communissima, flores in coliculis tereti-
bus, rectis, geniculatis proferens, fimbriatos, coccinei ru-
boris.

Secunda, coliculo cōstat proceriore, cubitali, varie incur-
uo, geniculato, brachiato, tenui, teretique, flore rubicundo,
prædicto similimo.

Tertia, radice lignosa, folijs paulo latioribus, scabris, cau-
D D
lero-

le rotudo, cubitali, crassiore quam in prioribus, geniculato: floribus rubentibus, paruis, quorum bini vel tres sine petio- lis sibi quasi contigui cohærent:

Quarta, radice firmatur tenui, lignosâ, candidula, colicu- los prōferente tenues, teretes, geniculatos, palmares, paulo- que proceriores, emitentes ex singulis geniculis, folia bina, tenuia, stricta & parua. Capitulum gerit in summitate coli- culi vniusque singulum, membraneum, flauescens, ala- bastrum ferme in modum, compactile, leue, splendens, ex quo non vt in cæteris generibus vnicus flos emergit, sed plures, semper post priorem emarcescentem, nouo prosiliente, ita vt ex uno capitulo sâpe septem, octo item & quandoque no- uem prorumpere conspiciantur, singulo flore relinquente singulam oblongiusculam siliculam, continentem semina parua, latiuscula, nigricantia. Flos admodum est exiguis, extra capitulum parum apertus prominens, coloris ex rubicido dilata- toris. Gaudet apricis & asperis. [Armerius plifer, Lobelij.]

Est & alia species iam dictæ simillima, nisi quod non pla- res ex capitulo flosculos exerat, sed vnicum ex rubro palli- diorem.

Centaurium minus, passim flore ferrugineo: candido aliquando reperitur, sed rarius, circa Vuernigerodam.

Centauroides, aut *Centaurium maius sylvestre Germanicum*. Ita ap- pello plantam, tota facie Centaurij maioris speciem referen- tem, quā Tragus Schartam nominat. Kyberus vertit florem tinctorium. Huius quo ad folia, differētias aliquot obserua- ui. Prima folijs quotquot tota planta profert, constat omni- bus longis, latis, serratis, integris, omni incisura carentibus. Hanc in mōte Aethereo prope Vinarium flore candido repe- ri, quali tamē in Harcynia me nondū videre memini. Secun- da species folia continet diuersa: eorum n. quæ radicis capiti appenduntur suis pediculis, vnum, duo, tria, aliquando plura integra

integra sunt tota circumferētia: reliqua & potissimū ea, quæ cauli adhærēt, profunde incidūtur aliquot dissectionibus. In Tertia, natura varie ludit. Huic n. primum foliū radici inhærens, integrū totū est, reliqua omnia dissecta sunt. Hæc vero dissec̄tio folijs cōtingit vtroq; latere binis vtplurimū incisuris, profundis, raro trib. idq; vel nō in omni folij parte, sed ea tā tū, qua pediculus in foliū expanditur, sub initiu videlicet folij, cetera omni parte folij integra existente, lata, & vsq; in extremū, in quē desinit, mucronem cōtinua: vel in priorib. aliquot tantūmodo folijs ista ratio inesse dephendit, reliquis interim omnib. quæ sequūtur, & quib. caulis crebro obuestitur, multo plurib. dissectionib. per vniuersam suam substantiam diremptis. Quarta species obtinet folia lata longaq; vt priorum specierū, sed vtroq; latere ab ima parte vsq; ad extre mam omnia multis, profundis semperq; similib. diuisionib. diuisa, modo pene eo, quo Chōdrillæ alteri⁹ folia dirimūtur.

Consolida Sarracenica, vbius spontanea & copiosa. *Cordus Serifoliam* appellavit. Reperitur multoties bicubitalem altitudinem superare, foliaq; obtinere latitudine trentali: Verum licet satis sint longa ac dodrantem sæpe excedant, tamen ab aliis speciebus huius plantæ insigniter discrepant, quod præsertim in orbicularem figuram, quæ aliquantum in mucronem protendit, explicata conspiciantur.

Huius reperitur alia species, folio non tam lato, nec ita orbiculari, sed longitudini eandē ferè latitudinem, quæ sextangularis est, obtinens.

Huius adhæc generis in monte quodā circa Ilfeldam monasteriū reperi speciem aliam, caule crasso, striato, piloso, bicubitali ferme, foliis plurimis, nigris, mollib. parum pilosis, quadranti longitudinali, eademq; latitudine. Flos autem, an ei idem sit, qui prioribus speciebus, nondum certo scio, nam tum, quando reperiebam, florum nihil exhibebat.

Chamedrys altera Matthioli seu fœmina, Sideritis Crateuç apud Tragum. In promontorijs quibusdam Harcyniæ soli meridiano oppositis, potissimum circa Gerenrodam.

Consolida maior, id est, *Heimwell* passim in pratis. [Symphyton maius Dioscoridis.]

Consolida maior amplexicaulis, flore purpureo, olim mihi reperta est in prato quodam prope Ilfeldam.

Consolida media, passim se offert. Eius tamen aliquot obseruantur differētiæ. Maior flores profert cæruleos. Hæc duplex est, altera folijs donatur magis orbicularib. & paulo latioribus: altera longioribus, in ambitu frequenter incisis. Minor flores gignit rubicundiores, modice dilutos, cui omnia sunt teneriora & minora.

Consolida regalis, Flos regius Dodonæo & eidem Delphinium verum esse existimatur. Intra segetes, circa vias, iuxta oppida, villas & pagos.

Cardiaca, passim circa oppidula & pagos.

Camelina Dodonæi seu Myagron, in agris & circa loca habitabilia.

Carui, copiosissime in pratis Stolbergensibus.

Caryophyllata, seu *Benedicta herba*, flore aureo, passim in hortis, & circa loca habitabilia, ac etiam in montibus.

Caryophyllata maior seu *purpurea*: passim puenit locis opacis & cylindrinosis, folijs grandiorib. ac nigriorib. radice crassiore, indora, rubente, flore maiore ex puniceo nigricâte, cymbalarii fere figura.

Cassitha, reperitur passim herbis adnata, potissimum Vrticæ majori & trifolio-corniculato minore, iuxta vias, ac in montibus, cæduis, apricis.

Cruciata herniaria passim, Gallio cognata fermè herba, quā Tomo secundo Rembertus depinxit post Asperulam. Habetur admodum præstans in herniosis rupturis solidandis.

Cruciata gentianella, Sperenstichy prope Vuernigerodam.

Cyanus

Cyanus aruensis caeruleus in agris.

Cyanus sylvestris seu Iacea nigrae variæ species hinc inde in Harcynia reperiūtur, quarū hic breuiter recēsebo, quotquot sese mihi in ea offere memini, intermissis quæ alibi occurtere solent.

Cyanus sylvestris montanus integrifolius, maximus in hoc genere, caule striato, anguloso, rubieundo parte inferiore, scabro & tenui lanugine obfiso, bicubitali, quandoque altiori: folijs iuxta radicem in pediculis oblongis, dodrantalibus ferè, latitudine sāpe sextātali, incisuris aut crenis prorsus destitutis, mollibus & tamen scabris, albicantibus inferius, virentibus magis superius, figura ferè *Cynoglossi*, vnde poterit *Cyanus sylvestris* κυνογλωσσός dici: Cætera folia, quibus per caulem plurimis donatur, subinde versus cacumen minora reduntur, neq; longo pediculo appenduntur, sed alis suis ad exortum suum adhærescant. Caulis autem, qui inferiore parte qua crassissimus est, minimo digito tenuior existit, procerè ac recta assurgit, & in summo in aliquot brachiola tenuia, striata ac foliosa dirimitur, quorum quodlibet calicem profert satis grandem, suffuluum, rotundi capituli instar, multis squamis asperis compactum, quorum squamimatorum corpusculorum singula apices habent oblongiusculas, lanuginosas, multifidas, fuluas, crispas plumularum quarundā elegantem imaginem referentes, quæ pulcro naturæ spectaculo sibi in vicem implicantur. Flos ex istiusmodi calice exeritur rubicundus, floribus cyani aruensis maior. Semina etiam cyani edit, licet maiora. Prouenit potissimum montibus apricis sole meridiano illustratis circa Stolbergam & alias etiam. Saporis est amari euidenter, ac diu in lingua perdurantis cum leui acredine, subtilitate quadam partiū linguam vellicante, vnde eam calidam & siccā in secundo gradu statuo. [Iacea Pannonica capitulo crispo Clusij.]

Cyanus sylvestris maior aruensis, qui videlicet in aruis potissimum

& secus vias, in marginibus ac circa loca habitabilia reperi-
tur, folijs latis, longis, nigris, hirsutis multis, varieq; dissectis
ac diuulis, ita vt quasi in plures costas ex aduerso inuicem si-
bi respondentes diuidātur: calice squāmis asperis compacto,
rotundo, florem rubicundum proferente. Matthiolus hanc
scabiosam maiorem facit. Reperitur etiā, sed infrequentius,
folijs paucioribus, minoribus aliquantulum, & dissectioni-
bus paucioribus flore candido.

Cyanus sylvestris angustifolius, minoribus ac angustioribus folijs,
ijsq; quandoq; integris, quandoq; diuisis. Eius aliquot speci-
es ānotauit. Maior caulis assurgit proceris, rectis, bicubita-
libus, in ramosa brachia mox supra radicem vsq; in summū
cacumē digestis, folijs plurimis, asperis, lanuginosis, nigris ac
squalidis obuestitis: quorum quæ radici propinquiora sunt,
longitudine ac latitudine quadrantem excedunt, & vna atq;
altera incisura in ambitu leniter eroduntur: reliqua vero in-
tegriora sunt & vix longitudine quadrantem assequuntur.
Capitula profert cyani, rotunda, compactili squamimarum
compage efformata, ex quibus flores eius non admodū mani-
feste explicantur. Minor folijs constat adhuc angustioribus,
lanuginosioribus, nec tā asperis vt in priori, oblongis tamēn
versus superiora reflexis, caliculo squammato, breuiore, qui
& ipse non euidenter, vt superiores species, florem expandit.

Huius & alia species visitur, cum iamdicta prorsus eadem,
nisi quod prope radicem tria, pauloue plura in oblongis pe-
diculis exerat folia longa ac mediocriter lata.

Est porro *Cyani sylvestris* etiamnum alia species, quam
Cyanum sylvestrem tenuifolium minimum nomino, ratio-
ne tenuitatis foliorū. Huic radix nigra est, mediocriter crassa,
paucis fibris prædita, ex qua exurgunt foliola numerosa, sca-
bra, nigra, oblonga, tenuia, multis incisuris in angustas lacini-
as, quarum semper binæ ex utroq; latere ~~tagallinæ~~ sibi cor-
respon-

respondent, Chondrillæ alicuius tenuifoliæ modo diuulsa. Caules profert cubitales¹, prope radicē mediocriter crassos, q̄ subinde extenuātur, insigniter scabris striatos, folijs multis multifariam in tenues lacinias dissec̄tis præditos, quæ reto ordine, certoq; interuallo inuicem relicto caules cōscendentia ipsos ambient, sicq; continuo ordine vsq; in summū cacumen attenuātur. Caliculos exhibet exiguos, squāmatos. Non inelegans est planta. Inuenitur locis asperis, sed infrequentius. Est vero omnino minor species eius, quem supra cyani sylvestris maioris arvensis nomine descripsi.

Clinopodium vtrunq; maius & minus. Sed hoc rarius reperitur, illud crebrius. Est Gesneri *Pulegium petræum* in hortis Germaniæ ac Dodonæi *Ocimum sylvestre* seu *Acinos*.

Clematis daphnoides seu *Vinca Peruinca*, in montibus Stolbergensibus & circa Vuernigerodam.

Clematis tertia Matthioli, Copiose circa Ilfeldam.

Cynoglossum vulgare non floridum, & alterum caulescens ac floridum. Hoc olim flore candido sed non in Harcynia vidi.

Cynoglossum sylvaticum Harcynicum, differens à prædictio. Constat hoc caule recto, cubito altiore, rotundo, striato, rubete, molli, candida lanugine obsito, qui in summo in tenues dividitur brachiorum inopertus, flores proferentes puniceos & semen echinatum asperum vt in priore specie. Folia circa radicem non ita copiosa ac ampla longaq; spargit, vt prius, sed parum ibi foliorum obtinet: ea vero maxime profert caulem ambiētia, subrubētia ferme ex nigro, priori cynoglosso multo minora, quadrantal iōgitudine, sesquialti latitudine, inferiora parte parūlanuginosa, mollia valde, sed tamen aliquid scabritiei cōtinentia. Nusquā alibi obseruauit, præterquā ad radices montis cuiusdam opaci supra Ilfeldam ac Beram fluuium:

Ceruicaria maxima folijs vrticæ maioris caule sæpe bicubitali,
floribus in uno scapo plurimis calathi figura, magnis, cœruleis,
is, quandoq; etiam albis.

Ceruicaria media. Hæc locis mōtanis & soli meridiano expositis
nonnūquam prodit, caule tereti, aspero, folijs plurimis ami-
cto, minoribus multo, viridioribus superius, inferius candi-
dis, lanugine vestitis, quali folia Althææ, sicut & folia medium
figuram inter Vrticæ maioris breuiora folia & althææ referunt.
Caulis vt plurimum vnicus est, sine ramosis adnatis, sæpen-
tero tamen in plures diuiditur brachiatas virgulas. Circa
medium ferè caulis vbi maiora folia exoriri desinunt, frequē-
tes ~~ad~~ nascentur, ordine per certa interualla usque in
apicem caulis consequenter ac exalis peculiaribus ad latera
erūpentes, tenuibus quibusdā foliolis ijsq; incrispati parum
ac agminatim denseq; sibi cohærentibus constitutæ, ex qui-
bus longa serie in scapo flores crebri producunt eleganter cœ-
rulei similes prioribus sed multo minores.

Ceruicaria maior tenuifolia. Radice constat crassa, multifida, sub-
rubente, ex qua prorumpit caulis subfuluuus digitalis sæpi-
sime crassitiei, cauus, striatus, hispidus, folijs circa radicē cir-
cudatus plurimis, anchusæ aut echij folijs instar, nigris, aspe-
ris, hirsutis, palmari ferè longitudine, crassitie vnciali, quibus
alia cōsimilia subsequuntur longo ordine vltra caulis mediū,
sed subinde minora. Flores non profert continua seu oblon-
giori serie per scapi summum veluti racematum propenden-
tes, vt superioris species, sed agminatim in summo apice ca-
pitulo quodam in vnum collectos exerit, minores paulo, co-
loris excœruleo pallido subalbicantis. Non admodum fre-
quens vbius hæc species est, sed mōtium quorundam iugis
opacis aut humentibus aut aliâs tamen pinguiore solo repe-
ritur, potissimum mōtibus quibusdam supra Ilfeldam [Tra-
chelium ~~up~~ Clusij.] *Ceruicaria minor Dodonæi*, pallim
locis

locis apricis, maxime auff der Langen & circa Vuernigero-dam.

Chelidonium maius, passim.

Chelidonium minus, passim.

Chelidonia capnitis quorundam, seu Fumaria altera Matthioli, Radix nostra caua, duplex: altera est radice integra, altera foramine inferius pertusa & excavata: flore item aut puniceo, aut candido. Estq; eadem porro vel maior vel minor, quarum huic angustiora sunt folia, vnde & angustifolia dici possit: Illi vero paulo latiora. passim prouenit.

Chamæcypinus Cordi: in montibus Gerenrodæ vicinis.

Crassula maior, passim.

Chamaenerion Gesneri, flore purpureo: passim. Item flore cädi-do, sed non adeo crebro, circa Stolbergam. Assurgit autem sëpe in altitudinem quatuor cubitorum.

Chamæmelon, in agris & circa loca culta.

Chamælum album, seu fætidum, quibusdam Cotula fœtidæ dicta, in agris, aruis, & circa loca habitata.

Cornus sœmina, Virga sanguinea, Hartrigel.

Corylus sybilestris, passim.

Cicuta vera, passim. Hæc aliquando est folijs latioribus, aliquando paulo tenuioribus, cæteris nihil differens.

Cicuta aquatica, folijs prædictæ tenuioribus, flore candido, semi-ne maiore, cädido, pessimi foetoris, æstate passim in piscinis.

Cicutaria seu Cicutaria myrrhis, Cordus olim Myrrhidem sylue-strem vocauit, vt referebat Aemylius. Ego Pseudomyrrhi-dem dici posse censeo, vulgo Kelberfern / passim in hortis & pratis quibusdam. Alijs pro Seseli Peloponesiaco habetur.

Crispa Galli: seu Alectorolophos lutea, Geel Rodel / passim in pratis ac quandoq; montibus apricis ac arboribus destitutis.

Calaminthe secunda, quæ alias etiam vbiuis fere est vulgaris, in agris montanis.

Calamintha tertia, seu *Nepeta*, ad rudera præsertim arcis Eberburgi copiosa, item circa arcem Stolbergicam.

Cicer sylvestre maius. Conuenit ferme cum eo, cuius Matthiolus Iconem exhibit, nisi quod folia non sint rotunda, ita ut Icon Matthioli habet, sed oblonga, nigra, hispida, non dentata (quam ipse quoq; notam in suo requirit) lenticulæ folijs similia. Sunt & costæ, quibus folia inhærent, Matthioli plætæ costis lõgiores multo, pluribus itidem folijs præcinctæ. Caulibus vitagineis humi reflectitur, brachiatis ac late expansis. Flores profert in densa spica confertim conglomeratos, plurimos, lenticulæ similes, luteos, quos subsequuntur membraneæ vesicæ, agminatim cohærentes, subflavæ, pilosæ, in acutum mucronem prominentes, minores siliquis ciceris arietini, quibus conduntur paruæ siliculæ plenæ feminibus rotundis, paruis, flauescentibus, similibus ferme hoti satui feminibus. Prouenit locis pratensibus. Voco autem hanc speciem maioris nomine, quod eiusdem aliaæ species reperiatur, quarum altera medianam magnitudinem obtinet, altera lõge minor est. Vtraq; in montibus Harcyniæ adjacentibus, ac meridiano soli expositis nascitur, quorum in Montium historia scorsim aliquando fiet mentio.

Carduus avenarius, seu *sylvestris Tragi*, capitulis breuioribus, agminatim in cacumine stirpis inuicem suis pediculis cohærentes, caulis sæpe tricubitalibus.

Carduus aliis admodum procerus, caulis interdum tricubitalibus, folijs valde spinosis, similibus admodum Onopordo Dodonæi: omnes enim eius notas obtinet: passim.

Eiusdem Cardui species aliaæ, capitulo spinoso, squamato, tenuiori quidem quam in priori, sed longiori, candida lanugine squammas eius intercurrente.

Carduus sylvestris Dodonæi, capite grandi, echinato, spinoso, squallidoq; purpureis floribus comante, odoremq; dulcem remitt-

remittente. Procerè assurgit, ita ut tricubitalis sàpe fiat. Passim obuius est, locis apricis & cæduis: Acutissimis autē horret ac longissimis spinis.

Cynorrhodon, seu *Rosa sylvestris*, floribus subrubris suauiter fragrantibus. Videtur esse Cinnamomina Dodonai. Eadem flore candido non ita frequens est.

Cynorrhodos alia flore paulo minore, ex candido tenuiter tubescente.

Cynorrhodos seu *Rosa Canina*, virgis, fructu ac folijs aculeatis, spigolas proferens. Weißdorn/vel riechende Dorn.

Cynorrhodi species in Broccenbergo nascentes, rario in uento, fructu nigro, non oblongo, sed rotundo, cerasi magnitudine, continente semina pauciora quam reliquæ species, duplo tam grandiora ac formæ quodammodo granorum vitis. [Rosa pomifera Lobelij, vel campestris odorata in Pannonicis Clusij, nostris à foliorum figura Pimprenellenrößlin.]

Chamelea Germanica, seu nostras, id est, Kellershals/ passim locis opacis circa Stolbergam, Gerentrodam, Ilfeldam, & alibi:

Coralloides Cordi, seu Rhizocorallum, vt vocari non inconcinnne posset. *Dentaria nimirum minor* Matthiolo dicta. Copiosissime in montibus opacis circa Stolbergam & Ilfeldam veris initio prodit.

D.

Daucoides Cordi maius, *Daucus asper* Gesneri, vt existimo. Locis asperis ac montanis, ac inter dumeta.

Daucoides Cordi minus, ad macerias passim & iuxta vias, item circa pagos.

Daucus tertia Dodonæo, alijs *Pastinaca sylvestris*, Bogelness/ passim iuxta vias, locis aridioribus, & in quibusdam pratis.

Daucus tertia tenuifolia, Eadem cum priore, nisi multo temuio-
ra folia contineret, quæ in priore sunt aliquantulum la-
tiora.

Daucus ~~tertia~~ ^{læsibragvla}. Radicenititur candida, palmari, quandoque
pedali, vnica, deorsum descendente, nonnunquam in duas
trésue partes æqualiter crassas oblique diuulsa, minus crassa
paruo digito, odore apij sativij, ac sapore etiam, sed feruidio-
re, diutius linguæ inhærente. Caulem depromit cubitalem
& maiorem, quandoque bicubitalem, infima parte ferè mi-
nimi digiti crassitie, geniculatum, nō nihil teretem, sed plu-
rimis strijs euidentioribus angulosum, pilosum valde. Folia
ad singula genicula lata ala caulem ambient, quæ deinde in
pediculum carinatum, oblongum, pedalem in inferioribus
folijs diducitur, asperum & pilosum: cui in anteriore sui par-
te ad latera bini semper ex æquo sibi correspondentes, alijs
breuiores pediculi, in brachiorum modum & ipsi canalicu-
lati appenduntur, folia continentes, sicut & reliqua princi-
palis pediculi pars, flavescentia vt plurimum ex viridi, in am-
bitu profunde incisa, simili modo quo folia carotæ nostræ
satiaæ diuiduntur, sed in latiores tamen aliquanto particu-
las: suntque hæc atta&tū quidem mollia, hispida tamen leni-
ter, præsertim in dorso ac ambitu. Porro intra singulas folio-
rum alas adnata noua emergunt, striata, hispida & ipsa geni-
culis intercepta, iuxta quæ genicula latiori ala brachiolum
amplexante pediculi canaliculati, prioribus similes, sed bre-
uiores prodeunt, folijs consimilibus prædicti, sed quæ subin-
de etiam breuiora fiunt, quo magis in plantæ cacumen de-
uergunt. Præterea etiam ex qualibet ala ferme foliorum,
tam caulis, quam brachiorum, folliculus protuberans e-
mergit inuolucro obtectus oblongo, ex quodemum sicuti
& in caulis sumimo eodem modo prorumpit caliculus sex
oblongis ac imbricatis foliolis constans, quibus diuictis
fasci-

fasciculus exeritur plurimorum petiolorum, leniter striatiorum ac pilosorum, agminatim caliculo inharentium, quorum singuli expandunt paruam, & conuexam vmbellam candidam aut flauentem quandoq; leuiter odoratam: sequuntur quemlibet flosculum bina semina, sibi inuicem coharentia, subrotundiora in ambitu, alias vero altera parte lata, echinata, fulua, similia Carotarum seminibus. Dauci angulosi Cordi notae plures huic cōgruunt, sed non omnes. Folia profundius vsq; ad suum pediculum dissecantur, in ambitu tamen serraturam nullam habent, nisi dentatas paucas impressio-nes. Deinde Cordus proculdubio non præteriisset eius euidentissimam pilositatem caulis, cum alias singula diligentia industria prosequatur. Prætereacaulis licet sit striatus, tamen non circa radicem triquetram figuram ostendit. Demum nihil villorum circa radicis caput ex amissis folijs obtinet. Sed hæc omnia potius (vt & alię Daucō anguloso attributę notæ) in Libanotide amara reperiuntur, quam tamen seorsim Cordus alicubi descripsit in libello cui titulus fuit, Liber VI. quē ipsius Cordi ~~du~~^{du^{tau}^{tau} olim apud Aemyliū vidi, qui nondum editus est, licet quædam capita inde desumpta quatuor Stirpium libris sint inserta. Tamen non dubito nostrā Daucum Cordo fuisse cognitissimā. Nascitur maxima ex parte in ericetis, locis apricis, præsertim in montibus circa Gerenrodam: imo etiam Stolbergæ in monte vrbi proximo ad dextram ante portam Septentrionalem firm kälenthal, item in loco pratensi Harcynię dicto vff der Langen.}

Daucus ~~ixivōkapt̄~~ aut ~~karθibkapt̄~~ maior. Vulgo Klettenmöhren / quo nomine & Cordus libro sexto ipsum descripsit. Herba est bipedalis vt plurimum, radice candida, breui, paru fibrata, lignosa, inutili: ex qua prodit caulis teres, striatus, asper, nonnihil spinosus, ad genicula pediculis oblongis præcinctus, quibus appenduntur folia multa, per certa interualla

semper bina ex opposito sibi correspondentia, profunde in ambitu incisa, carnosa aspera. Ex singulis foliorum alis noui ramuli erumpunt, eodem modo pediculis foliatis sed brevioribus donati. Flosculos exhibit per summum caulis & cuiusq; brachioli in foliato capitulo dense cōglomatos paruos, breui umbella explicatos, quibus pereuntibus, sequuntur semina oblonga, bina sibi cohærentia florem quemlibet, seminibus Xanthij similia. Prouenit locis asperis & incultis.

Daucus ~~axerophyllum~~, seu ~~oxybaphus~~, siue ~~xanthoxylon~~ minor. Caucalis seu *Daucus sylvestris* Dodonæi To. II. Folij inter carotam satiuam & cicutam medijs, frequenter incisis in tenuissimas partes: caule inæquali, aspero, nonnunquam & spinoso, præsertim iuxta summitatem, & in multâ brachia diuiso. Cuiuslibet brachij & ipsius caulis fastigium in fasciculum plurimum pediculorum dirimuntur, in quorum apice ex caliculo foliato exeruntur foliacei flosculi, albentes: quibus decidentibus subsequitur unumquemlibet florem semen duplex, Xanthij seminibus itidem simile, paulo minus prioris huius generis speciei. Locis reperitur quandoque, sed rarius, aridioribus & apricis.

De Dauno selenoide, supra in Apio.

Dryopteris Tragi, *Pteridion fæmina Cordi*: passim ad radices queruum & in muscosis crepidinibus saxonum humidorum,

Digitalis lutea, passim.

Dipsacus sylvestris, circa oppidula, pagos & villas.

Dipsacus minor (licet tam satiuâ quam sylvestri sit procerior & ramosior) siue *Virga Pastoris*. Ad monasterium ordinis Augustiniensium, *Himmelsforten* / prope Vuernigerodam, copiose nascitur.

Dactylis botanón, *Trago Håndlinfraut*. Alterū cæruleo, alterū nico

neo flore, Quæ cæruleo habetur, cōgener est Elatinæ II. Dodonæi, quo ad folia, Pseudechamædryos vero generib . quo ad flores & semina. Differt vero ab Elatine, quod illius folia integra sint & in ambitu tantum ferrata, huius vero folia in oblongiusculas lacinias diuisa, quasi manus in tres plures ut digitos distributæ figura. Cæterum cæruleum hoc duplex est. Maius in agris inter segetes nascitur, caulinis brachiatis, palmarib. folijs ferè vncialib. crassioribus, pinguioribusq;. Minus simpliciores habet colicolos & breuiores, folia etiam minora, & locis montanis ac aridioribus prouenit. Dactyliobotan non autem alterum Tragi nitido flore, in scopulis præcipue vdis alijsq; humidioribus locis reperitur . Est autem hoc congener Saxifragæ albæ. [Quam Tragus hoc nomine describit, Lobelius Paronychiam folio Rutaceo appellat, a-
pud quem Imago visenda fuerit, cum nec Tragus nec quisquam alias eam depinxerit. Autor aliquando misit huis plantulæ semen Tridactylis nomine.]

E

ERICOIDES luteum, Plantula dodratalis, fruticosa, cau-
liculo anguloso, foliolis paruulis, strictis: flores profert cō-
piosos mense Septembri, racematos longo ordine adhaeren-
tes summis cacuminibus brachiolorum, exertos ex paruis
caliculis viridibus, eosq; luteos, similes floribus ericæ cuius-
dam. Ostendebatur mihi olim à viro in re herbaria peritissi-
mo ac præceptore meo obseruandissimo, Laurētio Hiel pro
Cori, sed nec odorata est, nec flores Hyperici continet. Pro-
uenit in collibus sterilioribus , apricis ac arboribus desti-
tutis. [Euphrasia lutea Dodonæi.]

Ericoides

Ericoides rubrum. Priori specie assimilis hæc est, sed paulo maior, folijs latioribus, floribus rubicundis. Sed tum flore tum folijs minus ad *Ericæ* figuram accedit. Prouenit locis aridioribus circa segetes, & in ipsis quandoq; segetibus. Vulgo *Triticum leporinū* nominant. Semina in exiguis capitulis profert parua, multa candida, sicuti & *Ericoides luteum* [*Euphrasia purpurea* Dodonæi: Vtræq; sideritides aruenses appellantur in Lugdunensi Herbario.]

Eupatorium *Dioscoridis*, Vulgo *Agrimonia*, passim.

Erysimum nostrale, locis asperis, passim, ac circa oppidula, pagos, villasq; & alia loca habitabilia.

Echium palustre *Cordi*, *Scorpioides mas* Dodonæi: passim ad flumina. [*Vergiß mein nicht.*]

Eiusdē alia species. Dodonæo *Scorpioides fœminæ*, Hec locis asperis & apricis montiū prouenit, & in sylvis potissimum cæduis, non ad loca irrigua & humecta vt prior. [*Wild vergiß mein nicht.* Gesnerus vtranq; ad *Heliotropiū maius* retulit.]

Erigeron seu Senetio Vulgaris, Kreuzwurz: passim in sylvis cæduis.

Erigeron fætidum seu maius, odore graui ac bituminoso aliquantulum, folijs resinosis quodammodo attactu. Cubitali sæpe proceritate & ampliore assurgit. Eam Vir Clarissimus D. Laurentius Hiel, olim præceptor meus Conyzam Hippocratis esse autumabat. vbiq; locis cæduis ac apricis.

Erigeron tertium Dodonei: locis asperis & apricis.

Euphragia. passim locis pratensibus. Altera maior, cauliculo aſurgens ſequido drantali, ac quandoq; paulo proceriore, brachijs multis prædicto, folijs alterius speciei duplo, imo fere triplo maioribus & floſculis maioribus. Hæc in pratis pinguis oribus reperitur, maxime circa Stolbergā. Prodit ſimul cum altera specie, ſed nō ita frequens eſt vt illa notissima, quæ omnia minora continent.

Erica vulgaris, passim.

Eadem

Eadem tenerior ac foliolis multo tenerioribus, in Broc-
cenbergo & vicinis montibus.

Erica baccifera Matthioli. Nam hanc, de qua nunc agimus, can-
dem esse censemus. Angli vero in sua Aduersaria Vaccinio-
rum palustrium nomine *cam* proponunt, quamvis haec no-
stra in palustribus non nascatur. Fruticulus est humi procum-
bens, in oblonga, multifidaq; brachia rubentia, lignosa; ob-
sequiosa ac foliosa latè super terram se prorependo explicās:
foliolis dense obuestitur brevibus, oblongiusculis, strictis,
suffuluis, saepe etiam nonnihil cæruleis, splendentib. ex quo-
rum alis in ramulorum extremitatibus æstate sub Syriæ æstu
emicant tenuissima staminula, breviaq; filamentorum seri-
corum ferè instar, quorum summitatibus apicula insident
coloris ex rubro nigricantioris aut spadicescentis fere: haecq;
filamenta & apicula florum vicem explent, ijsque decidenti-
bus emergunt baccæ splendentes, iuniperinis minores, si-
miles baccis Vitis Idææ seu Vacciniorum nigrorum Dodo-
næi, rotundæ, expurpa nigricantes, dulci pulpa constan-
tes, cui infarcta continentur semina purpurascensia. Proue-
nit copiose in summo Brocckenbergi iugo, & saxorum arido-
rum fissuris. Saxones, qui montem illum accolunt, vocant
hosce fructus *Alpenbeer* / hoc est, *Simiarum* baccas. Vnde, si
quis neq; ericæ neque Vacciniorum speciem stirpem istam
esse voluerit, is nomine *conficto* ~~πιθηκονον~~ appellare posset.
Inde autem ei hoc nomēclaturæ inditum est, quod esus ipso-
rum vberior capiti noxia inferat quædam symptomata, ad
quæ deliræ subsequantur gesticulationes, ratione nonni-
hil interturbata, vt is qui ipsis usus fuerit copiosius simiarum
instar sese habere gestu risibundo videatur. Hinc plantulam
hanc deleteria facultate minime carere cōtendunt, & ab eius
baccarum esu omnino abstinent, alijsq; ipsorum usum sancte
interdicunt. Ac amicus quidam noster Andreas Roslerus

Pharmacopæus Halberstadiensis, vir optimus ac rei herbariæ non triualiter gnarus, hāc stirpem Chamætaxum vocare solet, tum ratione qualitatis istius malæ, tum foliorum oblongi scularum taxi, sed breuiorū. Aemilius eam olim, piæ memoriæ, cum necdum illo tempore à quoquā esset hāc stirps descripta, Corios speciem faciebat, Corin Brockenbergensem nominans. Reperiuntur & Vetulæ herbariæ in Saxonia, quæ hanc plantam Gichtfraft vocitant, commendantque eam mulierculis ut præsentaneum præsidium contra istiusmodi morbum.

Euonymus Theophrasti, siue Anonymus Cordi, Spilbaum / Hans Hödlin/ passim.

Elatine vulgaris herbariorum, quam & Dodonæus Tom. I. depingit, passim in agris. Matthioli vero Elatinen, folio acuminate, an in Harcyniæ agris etiam reperiatur, nondum animaduerti, sicuti nec alteram eius speciem, alias in Marchiæ ac Saxoniam agris sæpiissime mihi visam; folio non ut hæc in basi, quasi in duas auriculas prominentes diducto, ac deinde in acutum mucronem finiente, sed omnino rotundo ut numerariae: (Hæc Trago, Fuchsio & Matthiolo Veronicæ nomine describitur.)

Epimedium Dodonæi. In Harcynia nostra olim iuxta fluuiū quendam, sed nescio vbi, reperi. Plantam ipsam habeo aridā in paupero agglutinatā, folijs quatuor, orbicularib. in ambitu modice dentatis, quorum quodlibet singulari innititur petiolo, tenui, palmarī longitudine prædicto: radice parua, tuberosa, nigra, in tenuia, oblonga ac nigra adnata diuisa.

F.

FILIENDVLA, locis montanis, apricis ac pratensisibus, circa Gerenrodam, alijsq; locis.

Filix mas, passim. Hæc aliquot differentias exhibet, vt accuratius loca

loca opaca montium perreptantibus se illæ nō raro spectandas offerūt. Prima est illa communis omnibus herbarijs, folioso pediculo, absq; brachijs, sed in multas pinnatas alas diuiso, in ambitu nihil prorsus denfatas. Secunda tantummodo tenerior ac mollior, pinnis in ambitu frequenter dentatis, viridior & elegantior, non ita frequens. Tertia, quam similicem spinosam seu aculeatam cognomino, pinnulis breuioribus, nigrioribus, nō dentatis, totis integris, sed in spinulam acutam breuemq; omnibus desinentib. Copiosa ac frequēs est circa Stolbergam ac Ilfeldam, montib. quibusdā opacis.

Filix fæmina. Profert pediculos in brachia discretos. Hāc dupli-cem obseruauit. Prima est cōmunis, cuius foliorum pinnulæ filicis maris pinnulis sunt latores, coloris buxei & substatiæ feræ consimilis, læues, non dentatæ. Altera tenuifolia, similis illi, quam Masculam secundam feci, nisi quod pediculo consistet molliore, distorto, multifariā brachiato, pinnulis tenerimis, profunde dentatis, parte superna nigricantibus, inferna vero, qua inhærent puluisculi rubicundiores, viresentib. Hanc in opacis Harcyniæ montibus rarissimam inueni, circa Ilfeldam & Stolbergam, cubitali longitudine. Minori vero statura frequentius reperitur, sicuti eam *Cordus Pteridij* sui masculi nomine descripsit.

Fagus.

Fraxinus: tam sterilis, quā frugifera, passim. [Hāc linguam aus officinarum dignit, illa solos flosculorum racemos nigrōs, qui absq; fructu, vt iuglandium Iuli, decidunt.]

Fraxinus fago similis, Buchasche.

Fraxinus duræ seu robustæ, (vt dixerit quispiam) *Steinasche.*

Fumus terra, locis cultis, vbi terra fossione subacta est.

Fragaria maior: Fraga proferens rubicundiora seu sanguinei coloris, gemeine Erdtbeer.

Fragaria minor, seu nigra. Folijs minoribus ac nigriorib. fructu

maiore, minus grano so, dulciore, candido toto, quandoque vero parte altera, quæ inferior est, candidiore, superiore autem & solis radijs exposita, rubicundiore; dum decerpitur, strepitum euidentem edente, vnde vocant Knackelbeer/ Preßling/ Prouenit locis asperioribus & apricis collibus.

G.

GE R A N I U M σκαρδινίου λαον, folijs scandicis, hispidis, parum dissectis ita ut anemones folia quidē exprimant, sed radix ei rotunda nō est, verum oblongiuscula, palmaris, teres, candida, ideoq; primum Dioscoridis genus esse nequit. Locis asperis prodit & circa pagos, villas, oppidula, vicos.

Geranium Καρπαχιονίς Dodonæi, flore purpureo, magno. Reperi etiam in Harcynia flore candido. Nec est quod quis causam in soli vel solis rationem referat, cum sub uno eodemq; sole, loco aprico & solo etiam eodem hanc flore candido, & alteram flore cœruleo simul prognatam viderim.

Geranium secundum, pes columbinus, folijs maluæ, dissectis. Duplex est: Maiori caules sunt maiores & folia, quæ sunt paulo molliora. Reperitur nonnunquam circa pagos, villas, & alia loca habitabilia, in fimetiis plerunq; alijsq; locis impuriorib. Minori omnia sunt minora & folia asperiora.

Geranium tertium seu Robertianum, passim in hortis & cœduis syluarum locis.

Geranium αἰγαλῶδες, Blutwurz/ locis apricis.

Geranium saxatile, οχυρωταλον. In saxis humidiorib. reperitur, potissimum circa arcem Hönsteinam, & in monte Ilfeldæ vicino, quem Harzberg vocant, & in mōtibus ultra Gerenrodā, qua fluuius ex angustis fauicib. per saxorum crepidines decurrit, ac Suderodam pagum versus prolabitur. Folijs similib. Geranio secundo, sed læviorib, rubentibusq; cōstat, elegatiōrib. & sub-